

رحمۃ ربوبی

* الكتاب: رحلة موت (رواية)

* الكاتب: أمير فهمي

* مراجعة لغوية: قسم التحرير والمراجعة بدار المنتدى

* تصميم الغلاف: قسم الجرافيك بدار المنتدى

* إخراج داخلي: القسم الفني بدار المنتدى

* رقم الإيداع: 2022 / 11315

* التقييم الدولي: 2-978-977-6914-87

المدير العام: عزيز عثمان



daralmuntadaa@gmail.com

لمراسلة البار:



01005186476

واتس آب:



صفحة البار على موقع فيسبوك: دار المنتدى للنشر والتوزيع



صدر عن دار العنقاء للنشر والتوزيع
بالتعاون مع دار المنتدى للنشر والتوزيع



9 789776 914872



جميع الحقوق محفوظة لدار المنتدى للنشر والتوزيع

كل ما ورد في هذا العمل مسؤولية مؤلفه، من حيث الآراء
والأفكار والمعتقدات، وكونه أصيلاً له غير منقول، وأية
خلافات قانونية بهذا الشأن لا تتحملها دار النشر.

(رواية)

رحلة موت

للكاتب

أمير فهمي



التشيخ مبروك

وقف هاني أمام تلك النافذة الممتدة لكامل قامته، وتبدو من ورائها تلك الألوان المختلطة بين الأصفر من الرمال والأخضر من النخل الكثيف الممتد، لم يكن حقيقة ينظر إلى الرمال والنخل، بل كان ينظر إلى تلك البقع الصغيرة الملتصقة بالزجاج، ثم يهدوء أخرج الهاتف اللا سلكي وضغط زرا وهو يقول باقتضاب: «شوف (نسيم) فين وهاته على المطعم»، قال «هاني» بصرامة، ثم أغلق الجهاز، وبعد دقائق قليلة وصل «نسيم» مترقبا لما قد يكون سبب الاستدعاء، استلم «سليم» الوظيفة الجديدة منذ أقل من أسبوع، في ذلك الفندق البعيد في تلك الواحة التي تبعد حوالي أربعة عشر ساعة عن القاهرة، وللحقيقة أن اندهاشه بذلك المرتب السخي تبخر وقت وصوله، وذلك عندما أدرك طبيعة المكان الذي يقبع في وسط واحة شاسعة، لا يوجد بها سوى رمال ونخل وبركة ماء، حتى أن الاتصالات كانت في غاية الصعوبة، لذلك يستخدم العاملون بالفندق أجهزة اللا سلكي للتواصل بينهم، ولكنه كان متحمسا للغاية للوظيفة الجديدة، كان مديره «مستر هاني» أحد أهم أسباب حماسه وإقباله على العمل بنشاط، رغم الكم الهائل من السخرية التي يصيبه بها دائما بسبب أو بدون، ولكنه يعرف أنه سيتعلم الكثير منه.

— «تعالى بص على الشباك ده» بادره «هاني» مباشرة.



بدون تردد توجه إلى النافذة التي يقف أمامها «هاني»، ونظر إلى الخارج آملاً أن يعرف ما الخطأ الذي ينظر إليه، لم ير شيئاً غريباً فقال في خوف: «مش شايف حاجة غريبة مستر هاني». فالتفت إليه «هاني» ببطء وهو يقول بلهجته الساخرة المعتادة:

— عشان أنا قلت لك بص على الشباك، مش بص من الشباك،
مستر نسيم.

أدرك «نسيم» خطأه سريعاً، فدخل مسرعاً إلى المطعم وأحضر أحد عمال النظافة، وهو يشير إلى البقع التي أشار إليها «هاني» سابقاً، بدأ العامل في نظافة الشباك، ومن خلفه «نسيم» يؤنبه بعنف على ذلك الخطأ، وهو ينظر بطرف عينه إلى «هاني» يراقب ردة فعله. وعندما انتهى العامل صرفه «نسيم» وهو ما زال يوبخه بعنف.

التفت «هاني» إليه وهو يقول بجدية:

- بص يا «نسيم»، أنت لسه جديد هنا، وأنا بعرفك كل حاجة، عشان أنت هتبقى عيني طول ما أنا مش موجود، إوعى تستنى الغلط يحصل وتصلحه... لازم تشوفه هايحصل فين وتمنعه، ولو عايز تفهم حاجة، تسألني أنا متسألش حد غيري... فاهم؟
- تمام «مستر هاني» هو في شوية حاجات عايز أفهمها.
- «لا... أنا مش فاضي لأسئلك دي»، قال هاني بلهجة صارمة، وهو ينظر إلى «نسيم»، فارتبك «نسيم»، واعتذر له، وهم بالذهاب مندهشاً من التناقض الذي حدث لتوه.

فالتفت هاني إلى النافذة مرة أخرى، وهو يقول بلهجة ساخرة:

- تعالى... ماتخافش... قول... كنت عايز تسأل عن إيه؟

بدأ «نسيم» في طرح الكثير من الأسئلة المختصة بنظام العمل في الفندق، وبعد أن انتهى من أسئلته وقبل أن يرحل، رجع إلى «مستر هاني»، مرة أخرى وهو يقول:

- آخر حاجة معلش يا مستر... هو إيه حكاية «الشيخ مبروك»؟
أنا سمعت عنه حاجات كتير بس معرفش إيه الصبح وإيه الغلط فيهم.

- بص يا سيدي الشيخ مبروك ده أصلاً كان صاحب الأرض اللي اتبنى عليها الفندق اللي حضرتك شغال فيه المساعد بتاعي... مستر نسيم». تجاهل «نسيم» السخرية مرة أخرى وواصل الأسئلة.

- طب كان صاحب الأرض ماشي... دلوقتي بيعمل إيه؟ وليه لسه قاعد في الاستراحة بتاعته؟ رغم أنها تعتبر جوة أرض الفندق؟

- ده كان اتفاقه مع صاحب الفندق لما جه أشتري الأرض دي منه، أنه يفضل في استراحته.

- وصاحب الفندق وافق؟

- آه وافق طبعاً، الأرض دي موقعها ممتاز للفندق، في قلب الواحة وجنب البركة والمقبرة، ومكنش طالب رقم كبير فيها،

بالعكس كان طالب رقم ميجيش نص تمنها الحقيقي، عشان
كده صاحب الفندق وافق بدون تردد.

- بس هقول لك حاجة يا باشا بس مش عايز أضايقك.
- قول ولو ضايقتني هنفخك عادي.
- من ساعة لما جيت، وكنت بسمع أن معاملة شيخ مبروك
اتغيرت تماما من ساعة لما الفندق ابتدا عن دلوقتي.
- «سمعت إيه؟»، سأل «هاني» وقد بدأ يشعر بالملل. فقال
«نسيم» مسرعا:

- سمعت أن الأول، كان بيتعامل معاملة سيئة ويبرح له الباقي
من أكل الزباين، إنما من فترة كده الدنيا ابتدت تتغير معاه،
بقينا نودي له أحسن أكل، وساعات كمان الشيفات بيعتوا
يسألوه تحب تأكل إيه ويعملوه مخصوص. ممكن أفهم ليه
المعاملة كانت كده من الأول وليه اتغيرت؟

- الراجل أول ما أخذنا منه الأرض، كان عندي تعليمات من
صاحب الفندق نفسه إني أطفشه، فكنت بيعت له بواقي أكل
الزباين، وكان المفروض نبعث له حد ينضف كل أسبوع،
وكان لازم يبقى راجل -بناء على طلبه- فكنت بيعت له
ست، ولما يرفض يدخلها الاستراحة، كنت بسية كام يوم
وبعدين أبعت له راجل، وهو عمره ما اتكلم ولا اعترض،
كان هادي ويتعامل مع الأمور ببساطة.
- وهو ده اللي خلاكم تغيروا المعاملة؟

— لا طبعاً، اللي خلانا نغير المعاملة، أن الزباين كانت بتفتكر دايماً أنه جزء من الفندق، ولما كانوا يروحوا ناحيته، يلاقوا الجنية بتاعته شكلها حلو، وفيها نباتات ما شافوهاش قبل كده... ابتدوا يدخلوا يقعدوا معاه ويسألوا عن النباتات، ويبعدين لقينا أن الزباين بتحب تقعد في الاستراحة بتاعته أكثر ما يبجوا يقعدوا في اللوبي بتاع الفندق، وبعد شوية لقينا في زباين تيجي تسأل عليه بشخصه أكثر ما يسألوا على البركة والمقبرة، التي تعتبر أكبر ميزة عندنا، ولما بلغت صاحب الفندق بالتطورات الجديدة قال لي أغير المعاملة، وأريحه على الآخر، وبدل ما كنا بنحاول نطفشه، بقينا بنحاول نرضيه على قد ما نقدر.

- طب هو الراجل ده مش من أهل المنطقة؟
- اه طبعاً من جد جددة وهو هنا، وعيلته كبيرة جداً كمان، والأرض اللي حوالين الفندق كلها بتاعتهم.
- بس أنا اللي أعرفه، أن الجماعة دول بيعيشوا مع بعض، اشمعنى الراجل ده عايش بعيد عنهم؟
- الشيخ مبروك كان عايش معاهم فعلاً طول عمره، بس ربنا ما كتبلوش خلفه ولاد، ودي حاجة بتبقي سخيفة في المجتمع ده، والناس دي برديو يفرق معاهم موضوع خلفه الولد، عشان اسم العيلة يفضل ممدود، فطبعاً طالبوا عيلته أنه يتجوز ثاني وواضح كده أنه كان بيحب مراته، عشان كده



مرضاش في الأول، لحد ما مراته نفسها طلبت منه يتجوز،
عشان الخلفة، وفعلا اتجوز واحدة تانية، ده كلام السمسار
اللي خلص معاه موضوع البيع.

— وجابت ولد؟

— جابت بنتين توأم. وعشان كده آمن أنه ده قضاء ربنا، وقرر أنه
يسيب أهله وييجي يعيش هنا في الواحة، جنب البركة، وعمل
الاستراحة دي لوحده، والأرض دي كلها كانت مزروعة لحد
فترة صغيرة، لما كبر في السن، ومقدرش يراعي الأرض زي
الأول، مراته الجديدة طلبت منه يرجعوا يعيشوا مع أهلهم
لأن العيشة بقت صعبة، بس هو طبعا مرضيش يرجع، أخذت
البنتين ورجعت لأهلها، لكن مراته القديمة مرضيتش تسييه،
خصوصا بعد ما بناته الأربعة اتجوزوا واحدة ورا التانية،
وفضل هو ومراته عايشين لوحدهم، وبناتهم كانوا بيعجيووا
لهم طلباتهم في كل زيارة.

— وهي فين مراته دي؟

— مراته ماتت من كام سنة، وبعدها جه صاحب الفندق، عرض
عليه يشتري الأرض، لأنه عرف أن البركة دي فيها مية كويسة
للاستشفاء، تقدر تجيب زباين للمكان، وافق الراجل لأن
مكنش عنده اختيارات تانية ومطلبش فلوس معينة، الرقم
اللي عرضه عليه صاحب الفندق أخذه مع شرط الاحتفاظ
بالاستراحة وموضوع الأكل والنظافة.

— انا سمعت كمان، أنه كل يوم بالليل يطلع من
استراحته ويمشي ناحية الصحراء، ويغيب ساعتين
وساعات أكثر ويرجع، محدش عارف هو بيروح فين
وبيعمل ايه؟

— لا دي الحاجة اللي ما نعرفهاش وأكيد يعني بيروح يتمشى
ولا يقابل حد من عيلته.

— تمام سيادتك، بس في حاجة أخيرة كنت عايز أسألك عليها؟
— قول.

— انا لما سألت على الفندق، قبل ما جى سمعت حكاية غريبة،
أنا طبعاً مش مصدقها، بس أتمنى لو أتأكد من سيادتك...
سمعت أن الواحة دي مدفون فيها ملك من أيام الفراعنة،
ولما جت بعثات هنا زمان من برة، كانوا يقولوا أن الواحة
دي ملعونة، واللي هيعرف يوصل لقبر الملك هتنزل عليه
لعنة.

التفت إليه مدير الفندق في هدوء وقال: «وأنت بقي مش مصدق أن
الكلام ده حصل؟»

تراجع المساعد للخلف في قلق، وهو لا يدري ماذا يقول، ولكن مدير
الفندق أطلق ضحكة مفاجأة، وربت على كتفه وقال: «أنت عارف ليه
الناس بتحب أفلام الرعب؟»، لم يدر المساعد أيضاً ماذا يقول،
فأجاب مدير الفندق وهو لا ينتظر رد:

— «عشان بتوهمهم بالشجاعة، ولحظة الأمان اللي بعد الخضة، لما العفريت يطلع من ظهر البطل فجأة، دول الأسباب اللي بتخلي الناس يروحوا يتفرجوا عليها، والإشاعة بتاعة الواحة واللعنة والفراعة أنا عارفها طبعاً، بس مفيش أي حاجة غريبة هنا بتحصل من فترة، لكن زي ما يقولوا «مفيش حاجة اسمها دعاية سيئة»، الإشاعات دي ساعات بتبقى سبب للناس أنها تيجي الواحة، بس أنت لو حد من الزبائن وقفك وسألك. هتقول ايه؟

— هقول مفيش حاجة وأطمئنهم سيادتك.

— غبي، إوعى تقول كده، اللي هاتقوله إنك سمعت زيهم بس مفيش تأكيد من أي جهة على الموضوع، تسبب الموضوع مفتوح...ها... أنت فاكر أن الزباين لو عرفت أن مفيش لعنة هتيجي تاني؟...شوية الغموض اللي هنا، مع شوية الحكايات... هما اللي بيثقلونا، سيبك من البركة والصحراء... آه فيه ناس بتيجي عشان تستجم وتنسى الدنيا... لكن ده موجود في أماكن كتير، شوية الغموض وحكايات اللعنة، هما اللي بيخلوا الزبون يفضل مكان عن غيره. فاهم؟

— تمام سيادتك.

مالك

جلس «مالك» على تلك السجادة الفاخرة كما اعتاد الجلوس، بدلا من الأريكة الناعمة، لأنه دائما ما كان يشعر بأن جلوس الأرض، يعيد إليه أصوله الريفية، كان مشدودا بمشاهدة مباراة لكرة القدم لفريقه المفضل أوروبيا، والذي يسافر مرتين في السنة إلى ذلك البلد الأوروبي، لحضور مباراة فريقه ضد خصمه اللدود، يراقبه من خلف ستار المطبخ خادمه «أنس» منتظرا انتهاء الشوط الأول من المباراة، ليسرع بنظافة المكان من جبل التسالي والمشروبات الذي يتبقى من «مالك»، ويقدم له جبلا جديدا استعدادا للشوط الثاني، كان «أنس» يبدو ودودا للغاية، ومسالما، صاحب ابتسامة عذبة، وكأنه يعلن دائما أنه في نعيم لم يكن يحلم به، وكان هذا أهم درس تعلمه من والده قبل رحيله «الناس دي يا أنس لو شافوا في عينك نظرة حسد، أو حقد أو تمرد، مش هايقعدوك في بيتهم دقيقة، أنت خدام... دي شغلتنا ولازم نحافظ عليهم، ربنا خلق الناس طبقات ودرجات، إوعى تحلم تكون زيهم، دي أرزاق، وربنا بيوزعها بمعرفته ودون ما يظلم حد، كل واحد بياخذ نصيبه، ولازم تكون أمين، لأن الأمانة بتاعتك هتكون مفتاح رضا ربنا عنك، ولو ربنا يرضى عليك كل الناس ترضى عليك»

ولكن أنس لم يكن راضيا، وهو ينظر إلى التسالي التي يضعها في الطبق الجديد، وهي تساوي مرتب شهر كامل مما يأخذه، وعندما

انتهى من إعادة ملء الأطباق، ورجع إلى مالك ظهرت تلك الابتسامة
الراضية والعيون السعيدة.

رن هاتف «مالك» برقم أحد أصدقائه، فأخذ ينظر إلى هاتفه وإلى
المباراة ثم أجاب على مضمض:

— ألو!

— أيوة يا «مالك» أخبارك إيه؟

— أيوة يا «سعيد» عامل إيه؟

— بص أنا مش هاطول عليك، أنا في مشكلة كبيرة ومحتاج
مساعدتك، معلى الموضوع كبير، بس والله أنت أول واحد
جيت في بالي أكلمه.

فكر مالك أن الموضوع لابد أن يكون فيه فلوس. فقاطع «سعيد»
أفكاره مستدركا في سرعة:

— أنا مش عايز فلوس مبدئيا، أنا بكلمك في حوار تاني خالص.

— يا عم ولو عايز، احنا اخوات.

— بص يا عم باختصار هحكلك وأنت فكر بسرعة ورد عليا.

— ماشي.

— أنا طلعت رحلة الواحات مع ناس معرفهاش، كان في واحدة
طالعة معايا، وفكست في الآخر، ولبست الأسبوع لوحدي،
المهم حصل شوية حوارات كده ولقيت آثار.



- «نعم؟»، اعتدل «مالك» في جلسته وهو يسأل في اندهاش.
- هي مش أثار، هو تمثال واحد صغير.
- يا بني فكك من الاشتغالات دي، واحد قال لك معايا تمثال عايز أصرفه، الحوار ده قديم وكله نصب، اخلع منه أحسن.
- أنا عارف أن الحوار قديم، لكن الجديد أن مفيش حد معايا، أنا اللي لقيت التمثال، وشوفته بعيني قبل ما أكلمك.
- لقيته إزاي؟ وفين؟ وعرفت منين أنه حقيقي؟
- هقول لك، بص يا سيدي أنا طلعت رحلة في واحة من الواحات، حته كلها صحرا مفيهاش أي حاجة، حتى الشبكة... بتمشي بتاع اتنين كيلو في قلب الصحراء، لحد ما توصل، وده المكان اللي بكلمك منه دلوقتي، المهم... قلت اطلع اتمشى لحد مكان الشبكة، وأكلم البت، وأنا واقف... سمعت صوت كلاب جامد، جاي من حته قدام، وكان قدامي زي جبل صغير كده، أو هضبة مش عارف اسمه، من كتر الملل اللي في المكان فكرت اطلع الجبل وأشوف وراه ايه، الجبل ده مشيت له حوالي اتنين كيلو بردة عن مكان الشبكة، وخلي بالك من المسافات اللي بقولها لك، مشيت شوية على صوت الكلاب، لحد ما شفتهم من بعيد، وبعدين لقيتهم سكتوا كلهم، وبصولي بتاع دقيقة كده، أنا قلت شكلي هتفشخ وها يهجموا عليا، بس اللي حصل انهم اتلموا ومشوا

بعيد، فاشجعت، وروحت عند المكان اللي كانوا بيحفروا فيه. أنت معايا؟

— معاك، كمل.

— لقيت حفرة عمقها حوالي متر، وفي آخر الحفرة لقيت زي صندوق خشب قديم متآكل، افكرته الأول أن في حاجة مدفونة، والكلاب عايزة تأكله، بس معرفش إيه خلاني أنزل وابص على الصندوق، لقيته صغير على أنه يبقى فيه جثة أو حاجة ميتة، ولمحت مقبض الصندوق تحت شوية تراب، شلت التراب وفتحته لقيت تمثال فرعوني ذهب، على شكل راجل براس قطعة، الرجلين مدفونين في الرمل، جوة الصندوق، والنص اللي فوق هو اللي باين، حاولت أطلع معرفش، الرمل متحجر عالرجلين، قعدت أفكر أعمل ايه، بصراحة أنت أول واحد جه في دماغى أكلمه، رجعت عند الحطة اللي فيها الشبكة، وكلمتك عشان مش عارف أعمل إيه.

— واشمعى فكرت تكلمنى أنا؟

— أنا عارف أنك جدع، ولو حد طلبك في أي حاجة بتقضيها له، وبصراحة موضوع زي ده عايز واحد عنده علاقات كويسة، وأنت معارفك كتير ودايرتك واسعة.

— طب أنت اتأكدت أنه أصلي؟ محدش بيسيب تمثال زي ده ويمشي.

— ما أنا فكرت في كده بس لقيت في احتمال من اتنين. الأول أن ده تمثال مدفون في قلب الصحراء بعيد بتاع أربعة كيلو عن أقرب مكان حيوي والكلاب شمت ريحة حاجة فكانت بتحفر تدور.

— ده الاحتمال السهل. والثاني.

— أن في حد كان عارف مكانه، وجه يحفر لحد ما وصل للصندوق، وبعدين راح يعمل حاجة وراجع مثلاً. وده احتمال خطير.

— بالظبط، في كلا الاحتمالين أنا مش عارف اتصرف.

— في حد شافك وأنت رايح.

— لا مكش في حد، غير واحد كبير في السن كده، بيقعد عند استراحة جنب الفندق، معرفش أن كانت تبع الفندق ولا لا، بس هو مكان مفتوح أي حد بيدخله، هو راجل طيب أوي وشكله مريح نفسياً، وعنده شوية نباتات نادرة، اللي عايز يخش يتفرج عليها عادي بيخش واللي يسأله عن حاجة بيجاوبه.

— بس ده شافك رايح تتكلم في التلفون زي أي حد.

— آه محدش شافني من منطقة الشبكة لحد هنا غير الكلاب طبعاً.

— طب أنت عايزني أساعدك إزاي؟

— عايزك تيجي تساعدني نطلعه، ونرجع بيه وبيبقى هات جاروف
معاك أو حاجة نحفر بيها.

— آجي فين يا بني ١٤ ساعة سفر لحد عندك.

— عارف. بس الموضوع يستاهل، ده ممكن يكون في حاجات
تانية تحت، لو حفرنا هنلاقيها.

فكر مالك قليلا، فهو لم يكن يهتم بالمال، والده يمتلك مصنعا ضخما
للتسيج بمدينة المحلة، وهو يعيش وحيدا في القاهرة، لإدارة المعرض
الكبير بشارع الأزهر، ولكنه كان سريع الملل، ويبحث عن كل ما هو
جديد ومثير، كما كان شديد الفضول، أيضا مما جعله يقرر أن يذهب
ويكمل تلك المغامرة الغريبة.

— اسمه ايه الفندق؟

— أحمس

— طب أنت هاتعمل ايه لحد ما أجيلك، أنا لسة على ما أظبط
أموري، وبعدين ١٤ ساعة سفر.

— أنا مش عايز أسيب المكان وأمشي لحد ييجي ياخذ الجمل
بما حمل، وفي نفس الوقت المكان مفيهوش شبكة مش
هاتعرف توصل لي.

— طيب هاتعرف تفضل موجود في المكان لحد ما جى؟

— الساعة دلوقتي عشرة، لو اتحركت دلوقتي هتجيلي على
الساعة واحدة أو اتنين الضهر. أنا هفضل موجود مش
هامشي لحد ما تيجي.



- هاتفضل قاعد في الصحرا طول الليل لوحدك؟
- مفيش حل ثاني، أنت عارف أنا مش مهتم بموضوع الفلوس من زمان، لكن دي حاجة جت قدامك كده، هتخسر إيه؟ كلها ليلة في الصحرا... هتعددي... وبعدين القمر طالع اليومين دول والدنيا منورة، متقلقش، أنت بس شد حيلك، وهاتلاقيني مستنيك.
- طب هوصل الفندق واسأل على مكان الشبكة بس أنت بتقول كلها صحراء وجبال أعرف مكانك بالظبط إزاي؟
- أنا هارجع مكان التمثال دلوقتي وبكرة الساعة واحدة كده هتلاقيني عند منطقة الشبكة مستنيك.
- ماشي فكرة كويسة.
- أنت هتيجي بعريبتك ولا تركب أتوبيس؟
- هاجي بعريبتني أأمن.
- ماشي ياللا توكل على الله.
- استنى بس، أنا كنت عايز أعرف إيه اللي وصلك اللي أنت فيه دلوقتي كنت بتقولي بنت وخلعت وكده، إيه حوارها البت دي؟
- دي يا سيدي واحدة اسمها «هدير»، شغالة في شركة سفریات، بتعمل رحلات سياحة داخلية وكده، معرفش جابت رقمي منين... كلمتني عرضت عليا الرحلة، الأول... قتلها مش مهتم وبتاع عشان معرفش حد طالع، وبعدين

هسيب أُمي أسبوع لو حدها، أنت عارف إني عايش معاها من
ساعة ما أخويا اتجوز البت الألمانية وسافر معاها، فضلت
تزن ومصرة إني اطلع الرحلة، والغريب أن بعد كده طلبت
تقابلني، طبعا قلت لها ماشي.

- طبعا.
- اتقابلنا في مكان في المعادي.
- وطبعا طلعت وحشة فشخ وشمال.
- أنا كنت متوقع كده بردو، قلت شكلها واقع وعازية تشقط أي
مغفل.
- وكانت عازية إيه منك؟
- قبل عازية إيه مني، مطلعتش ولا وحشة ولا شمال.
- بجدة؟
- زي القمر، وجسمها نار، لدرجة أن أنا كنت مستغرب هي
إزاي طلبت تقابلني عادي كده.
- كويس، وكانت عازية إيه بردو؟
- بعد ما تكلمنا شوية عن شغلها وشغلي والدنيا، قالت لي أنها
طالعة الرحلة لأن الشركة بتديهم رحلة مجاناً كل ثلاث
شهور، ودي آخر واحدة في الشهر ده، ولو مطلعتش هاتروح
عليها، فأنا سخنت طبعا لأنها قالت لي أنها متعرفش حد
طالع، وكمان مش بتحب جو الصحراء وبتحب الزيتة أكثر،
قلت لها لو تحبي أنا ممكن أطلع معاكي.



- طبعا أنت ما صدقت.
- أنت فاهم بقي، والبت حلوة أوي الصراحة، قلت دي فرصة وقررت أطلع.
- وبعدين هي خلعت؟
- للأسف آه، بعد ما وصلت ميعاد ومكان الأتوبيس ملقتهاش، كلمتها... قالت لي مامتها تعبت فجأة ومش هاتعرف تيجي، وأنا طبعا كنت دفعت وأخذت إجازة من الشغل، فقلت أروح وخلاص، خصوصا أنها قالت لي أن لو مامتها بقت كويسة، ممكن تحصلني بعد يومين وطبعا بقالي أربع أيام هنا وهي مش بترد حتى على التلفون.
- ماشي، أنا مش عايز أطول معاك عشان بطارية موبايلك.
- ماشي، أنا هكلمك بكرة على الساعة واحدة تكون وصلت، ولو متصلتش بيك، اسأل على مكان الشبكة، وهناك نتقابل إن شاء الله... سلام.

سعيد

عندما أدار «مالك» محرك سيارته القوية، وبدأ في تلك الرحلة للوائحات، لم يعرف تحديدا لماذا اهتم كثيرا بذلك الموضوع، هل هو الفضول وحب المغامرة المعروف عنه؟ فهو لم يتردد مطلقا في الذهاب مع أي من أصدقائه لموضوع فيه مشكلة ما، وليس أصدقائه فقط، بل أصدقاء أصدقائه حتى، أم هل هو حب السفر المشهور عنه، فعندما اختار سيارته لم يهتم بالميزات الكثيرة التي راح مدير مبيعات ذلك المعرض - المشهور بالسيارات الفارهة - يعرضها عليه، سوى ميزة أنها مريحة في السفر، وقوية للغاية لدرجة أنها يمكن أن تتسلق الجبال - على حد وصف مدير المبيعات - ثم أخذ يفكر في صديقه «محمد سعيد» نفسه. «سعيد» - كما يلقب - معروف بضآلة جسده الشديدة، حتى أنه تم رفض دخوله الجيش بسبب ضآلة جسمه ونحوه الشديد، ولكنه كان يعوض ذلك بشخصية جذابة، فهو مثقف، ويمتلك آفاقا واسعة، وخفة دم لا يختلف عليها اثنان، حتى أن أصدقائه لا يخرجون دون دعوته، ولكن مالك كان يعرف أن «سعيد» يخفي الكثير من الإحباط والاكتئاب بداخله، بسبب جسمه الضئيل، لأن الجميع كانوا لا يأخذونه أبدا على محمل الجد، وكان دائما ما ينادي ممن لا يعرفونه ب «حبيبي» أو «كابتن».

لم يكن «مالك» و«سعيد» أصدقاء حقاً، لأن «مالك» لم يكن له أبداً صديق مقرب، بل كانوا أقرب لتلك الكلمة الغامضة، «معارف»، كلمة مطاطة تحمل الكثير من الغموض، والاحتمالات، وبالإضافة لشخصية «سعيد» الجذابة، كان حجمه الصغير ولسانه اللبق، لا يجعلان أحد يرفض له أي طلب، بداية من أصدقائه جميعاً، وحتى موظفي الحكومة الذين ينهون الأوراق أو الطلبات حسب «وشك» سمح ولا لاء»، ولكن مالك كان يمتلك تلك القناعة التي تعلمها من والده في مجال العمل، لكل شخص هاجس ما يسيطر عليه معظم حياته، وقد يتغير هذا الهاجس، أو يتبدل. فمعظم الناس يمتلكون هاجس الأموال، لا يفكرون سوى في كيفية الحصول عليها، والاحتفاظ بها، ولكن من يملكون الأموال، لهم أيضاً هاجسهم الخاصة، فالبعض يمتلك الأموال ولا يمتلك الأصدقاء، والبعض لا يمتلك حتى عائلة، أو يعيش وحيداً مجبراً وليس باختياره، والبعض يمتلك هاجس الأطفال، إذا ما أراد له الله عدم الحصول عليهم، والبعض يمتلك هاجس في جسده مثل سعيد بضالة حجمه أو صديقهم المشترك «هشام» ببدانته المفرطة، والبعض يمتلك هاجس المخدرات، فلا يستطيع الصمود يوماً دون شيئاً يبلعه أو يستنشقه، والبعض هاجس الجنس الآخر، فلا يرضى عن نفسه إلا بعد أن ترضى عليه سيدة ما، لكل شخص هاجس ما، وبعض الناس تتقبل هذا الهاجس وتتعامل معه بذكاء وأحياناً تتجاهله تماماً، حتى «مالك» نفسه يمتلك هاجسه الخاص، وهو نجاحه الشخصي بعيداً عن والده



ولكنه يتقبله لأنه يستوعبه، فهو يدير معرض من أكبر معارض الاقمشة في مصر كلها، دون تتدخل إطلاقاً من والده، فهو المسئول عن كل شيء، حتى أكبر الصفقات، كان يتممها بنفسه ثم يخبر والده بما اتفق عليه بعد الانتهاء، والده أيضاً كان دائماً ما يدعمه في ذلك، ويوليه ثقته كاملة في إدارة هذا الصرح العملاق.

هدير

- «صباح الخير، مستر صفاء». قالت هدير في ابتسامة مصطنعة، وهي تخطو داخل مكتب السياحة التي تعمل به.
- «صباح الخير يا هدير، أخرجني برِدو النهاردة»، أجاب مديرها الأستاذ «صفاء»، وهو يتحدث مع موظفة الاستقبال في المكتب.
- معلش والله يا مستر «صفاء»، كان في زبون معايا على التليفون والمكالمة طولت.
- زبون صاحي بدري كده؟
- أنت عارف يا مستر صفاء، أنا بشتغل ٢٤ ساعة في اليوم، ده أنا صاحبة بدري مخصوص النهاردة عشان أجرب معاه الاتصال في أي وقت، وبعدين مطلعش لسة صاحي ولا حاجة ده لسه منمش أصلا، بقالي ثلاث أيام بحاول اوصله مش عارفة، جربت أكلمه الصبح بدري اوي النهاردة، وأخيرا رد عليا، طلع شغال في شفت بليل عشان كده مش بيرد طول اليوم.
- طب المهم خلصتي معايا؟
- لا لسه معصلج.

— طب حاولي تاني، أنت فاضلك ثلاثة وتقفلي التارجت بتاع الشهر.

— متقلقش يا مستر «صفاء» هيطلع الرحلة دي، يعني هيطلع.
— أنا معرفش أنت بتعملي إيه عشان تحققي التارجت كل شهر؟
أنت عارفة، أنك أول واحدة تيجي الشركة وتحقق تارجت ست شهور ورا بعض، أنت ها تترقي قريب على فكرة.
— لا والنبى يا مستر صفاء، مش عايزة ترقية، أنا عايزة تزودوا لي العمولة بس.

— أول مرة أشوف حد مش عايز يترقى.
— الترقية يا مستر «صفاء» منصب حلو آه وراحة آه، بدل اللف على الزبائن -في التليفون طبعاً-، بس أنا محتاجة الفلوس الفترة دي أكثر من أي حاجة.

— ماشي يا ستي، وأنا هشوفلك موضوع زيادة البونص دي، رغم أن سياسة الشركة صعبة في الموضوع ده، المعروف أن اللي يعمل شغل كويس يترقى.

— ما أنت قلت بنفسك، محدش حقق ست شهور قبل كده، كل حاجة ممكن تتغير، أنت بس زق معايا وهي تمشي.

— ماشي خلصي تارجت الشهر ده ونشوف.

— تمام مستر صفاء، وشكراً أوي.

اتجهت هدير لمكتبها وقابلتها صديقتها «سالي» بابتسامة ذات معنى... فقالت هدير وهي تشير إليها بيدها:



- عارفة هتقولي إيه؟
- المهم خلصتي معاه ولا خلع؟
- لسة، هايرد عليا النهاردة بالليل، بس مفيش حاجة اسمها
يخلع، هيطلع يعني هيطلع.
- وجاية الثقة دي مين؟
- أصله هايبقى زي اللي قبله، هاروح أقابله وأبص له
البصة إياها، وأقول له أنا طالعة لوحدي ومفيش حد
يطلع معايا. بس كده، الشهامة هتاكله طبعاً، ويقول لي:
«أنا طالع معاكي»، وكده يبقى فاضل اتنين غيره وأقفل
الشهر السابع.
- الشهامة هي اللي هتاكله بردو؟ سألت «سالي»، وهي تغمز
بعينها، فانفعلت عليها «هدير» وهي تسأل:
أومال إيه اللي هياكله؟ قصدك إيه؟
- قصدي دماغه يا حبيبتى، أنتي فهمتي إيه؟ قصدي أن دماغه
هتاكله، المهم قولي لي...
- كنت سمعاكي بتكلمي مع «صفاء»، كانت عايزة منك إيه «مدام
صفاء»؟
- ضحكت هدير، وهي تضع يدها على فمها وتفتح جهاز الكمبيوتر
الخاص بها...
- كان يقول لي عشان التأخير وكده، بس أنا ظبطته خلاص.

— عارفة؟ أنا نفسي أعمل زيك كده، بدل ما أنا مش عارفة
أجيب حد، وشكلي هترقد قريب.

فكرت هدير في داخلها، وهي تفهم ما تلمح إليه زميلتها.

- حببتي الموضوع مش كيميا، وأنا مش بعمل حاجة غلط.
- بس أنتي بتكدبي عليهم.
- طب ما أنتي بتكدبي عليهم، الفرق أن أنا بكذب عليهم وأنا
بقابلهم، وأنت بتكدبي في التليفون.
- بس أنا مش بقول لهم أنا طالعة معاهم وأخلع، ولا بضحك
عليهم، وأحسسه أن أنا معجبة بيه من أول نظرة.
- «بس بتقولي مميزات في الرحلات مش موجودة، وأنت عارفة
أنها مش موجودة».

ثم وضعت يدها على أذنها وكأنها تمسك تليفونها، «ألو مستر محمد
معايا، احنا شركة كبيرة، وهتوديك مكان مالوش حل، ونت مجاني،
وحمام سباحة، وغرف فاخرة، وفي الآخر بيروح مايلاقيش حتى شبكة
تليفون والبركة بتاع المية، بنقول عليها حمام سباحة، والأوض مبنية
بالقش. يبقى بتكدبي ولا لا؟

- بس ده شغل، والشغل هو اللي بيطلب مني ده.
- أيوة وأنا مش معترضة، بس أنتي بتكدبي، وهما يكسبوا لأن
احنا شغلنا مفيهوش مرتب تقريبا، الفلوس لو حققنا

التارجت بس، وأنتي تعرفي كام واحدة في الشركة بتحقق
غيري؟

- «محدث». قالت «سالي» بحسرة
- عشان أنا عايزة أكسب، وأكسب الشركة بردو، لو عايزة
أرضي بقليلي زيك، مكنتش عملت كده، بس أنا عندي
طموح أكبر من الشركة دي بكتير.
- وطموحك ايه بقي يا محطمة القلوب؟ تجاهلت «هدير»
السخرية الواضحة في سؤال زميلتها، وأجابت:
- الشغلانة دي بالنسبة لي خطوة بحوش منها فلوس عشان
الخطوة الكبيرة بقي، نفسي أسافر أوروبا أو أستراليا.
- هتسافري لوحدة، افرضي جالك عريس؟ هتعملي إيه في
خالتك؟
- والله لو النصيب جه... وها يعرف يسافر معايا ليه لا؟
وخالتي... ولادها نفسهم سابوها وسافروا، مجتش عليا
بقي.
- ربنا يقويكي مع أنها صعبانة عليا الست دي والله، جبتلك
فطار هتلاقه عندك في الدرج.
- حبيتي حبيتي.

اختفاء

«لو سمحت عايز أعمل بلاغ، فين مسئول الأمن اللي هنا؟» قال مالك، وهو شديد التوتر لموظف الأمن الشبه نائم على باب ذلك الفندق في الواحات.

«خير يا أفندم، أوامر» قالها الموظف مرعوبا، وهو يسمع كلمة بلاغ لأول مرة، ع أتى إلى ذلك المكان منذ حوالي السنة.

— «بقولك عايز أعمل بلبلاغ عن واحد صاحبي... كان نازل عندكم الفندق وبقاله يومين مختفي، فين الشرطة هنا؟» قالها مالك ونبرة صوته ترتفع بحدة.
— «طيب لحظة واحدة يا فندم».

وأخرج جهاز لا سلكي من جراب معلق بحزامه، وأخذ يبحث عن كيفية تشغيله لثواني، تبين مدى ارتبائه وقلة تدريبه، أو أن الموقف باغته لدرجة كبيرة.

— «ألو سامح بيه... لو سمحت تجيلي عند البوابة ضروري، فندق أحمس يا باشا»

مرت ثواني ثم قال صوت غليظ: «في ايه؟».

— «في واحد معايا بيقول إنه عايز يقدم بلاغ في صاحبه».

مرت الثواني... «اتخافوا يعني؟» قال الصوت الغليظ بنفاذ صبر.

— «لا يا فندم ده، يقول أن صاحبه كان نزيل عندنا ومختفي من يومين».

ثواني أخرى... «أنا جايلك»

مرت عدة دقائق في انتظار حضور الضابط، كان مالك فيها يبدو مذهولا، غير مصدق، فينظر إلى الأرض سارحا ثم يهز رأسه بعنف لليمين واليسار، وكأنه ينفض غبار أفكاره المبعثرة ليحصل على فكرة واحدة واضحة، في ذلك المزيج المتشابك بداخل رأسه، ثم حاول جمع أفكاره منذ أن وصل إلى الفندق وحتى اللحظة الحالية.

لم يحدث أي اتصال بين مالك وسعيد بعد الاتصال الأول، حتى أن جميع الأفكار السوداء مرت على ذهنه حتى وصل إلى الفندق، كان يشعر بالقلق الشديد، وما أن وصل للاستقبال، وقابلته الموظفة الموجودة في الاستقبال بتلك الابتسامة اللزجة، حتى سأل علي «سعيد». وهل هو داخل الفندق أم لا؟ وعندما راجعت الموظفة البيانات أقر بأنه بالخارج منذ البارحة، ولم يعد بعد، وهنا فكر مالك في التصرف الصحيح هل يبقى ويتنظر؟ أم يذهب للبحث عنه؟ ثم وجه كلامه لموظفة الاستقبال «عايز مكان فيه شبكة».

— «حضرتك هتخرج من البوابة الرئيسية، هتلاقي لافتات إرشادية ها توجهك لمكان الشبكة، احنا طبعنا هانركب برج



تقوية قريب أوي إن شاء الله، بس حضرتك عارف الإجراءات و...» لم يسمع مالك باقي الحوار، بل ترك الموظفة وذهب خارجا باتجاه الباب الرئيسي مسترشدا بالعلامات الموضوعة من الفندق، وسار لمدة تقارب الكيلو مترين، مثلما قال «سعيد»، حتى وجد فتاتين تتحدثان في الهاتف، وبينهما مسافة بعيدة فعرف أن هذا هو المكان، ولكن ماذا بعد؟ حاول أولا أن يتصل مرة أخرى بسعيد، لكن نفس الرسالة تعاد مرة أخرى، الهاتف مغلق، التفت حوله في كل الاتجاهات، لربما يرى شيئا ما يدلّه ولكنه لم ير شيئا، فكانت حيرة شديدة وشعر بعجز تام.

- «أبوة افضل، عايز تبلغ عن مين؟» قاطعه صوت غليظ بتلك الجملة. فالتفت لصاحب الصوت ليجد شاب في بداية الثلاثينات، شعر أسود كثيف، قوي البنيان، أنف طويل مدبب، يرتدي ثيابا مدنية، ولكن بروز مسدسه من حزامه يكشف هويته، مع تلك النبرة الحازمة في حديثه.
- «سعيد صاحبي.. محمد سعيد اسمه، كان نازل عندكم في الفندق وبقاله يومين مختفي»
- «اختفى مرة واحدة! أنت كنت نازل معاه في نفس الرحلة؟».
- «لا أنا لسه جاي النهاردة، وهو المفروض كان مستنيني، بس من ساعة ما وصلت مش عارف أوصل له».
- «لسة جاي النهاردة! وعرفت مين أن بقاله يومين مختفي؟»

— «مانا من ساعة ما طلعت من مصر، وبكلمه ومش عارف أوصل له».

نظر الضابط إلى موظف الأمن الذي طلبه، بنظرة جانبية، تحمل بعض اللوم والاستخفاف، ثم عاد بنظره إلى «مالك» قائلاً بنفاذ صبر:

— «ما يمكن برا مع أصحابه في الصحرا، عاملين تخيم أو حاجة؟»

— «هو كان جاي هنا لوحده، وبعدين المفروض أنه كان مستنيني، لو سمحت حضرتك متضيعش وقت وابدأ اجراءاتك». كان «مالك» يتحدث بانفعال وعصبية، حتى أن الضابط استشاط غضبا قائلاً:

— «ماضيعش وقت! هو أنا بلعب معاك ولا ايه، الناس مش بتختفي فجأة كده في يوم وليلة، الناس أساسا بتيجي هنا عشان تختفي، ومفيش شبكة هنا غير في مناطق محددة، لو حضرتك مكنتش تعرف، فحثة اختفاء دي مش بالساهل»

كاد مالك أن يصعد الموضوع مع الضابط، ولكنه أخذ بضع ثواني ينظم أفكاره، فوجد أن موقف الضابط سليم، فهو لم يعرف ما يعرفه هو، لهذا يجب أن يتخذ إجراءاته بطريقة سليمة. لهذا سأل بشيء من الهدوء:

— «طب حضرتك شايف ايه اللي نعمله دلوقتي؟»



هدأ الضابط بعد قليل الانفعال وهو يقول: «حضرتك ممكن تستريح،
وتسيينا نشوف شغلنا، ونعرف أن كان صاحبك مختفي فعلا، ولا
بيهرز معاك زي ما أنا متوقع».

— «ماشي أنا اخذت حجرة رقم تسعة، ومش هطلع منها غير لما
حضرتك تبعت لي».
— «تمام مش مطلوب منك أكثر من كده»

الشيخ مبروك

صعد مالك إلى الغرفة التي حجزها، ليعيد ترتيب أفكاره والأحداث مجدداً، وبعد الاستحمام وتغيير ملابسه اتجه إلى البلكونة، وجال ببصره في الصحراء الممتدة في كل الاتجاهات، فكر في كيفية الوصول لذلك المكان الذي وجد فيه سعيد التمثال.

فعندما يصل لمنطقة الشبكة تبدو كل الأمور متشابهة لدرجة كبيرة...

إذن كيف اختار سعيد الاتجاه الذي سار فيه؟! ثم تذكر أن سعيد أخبره بأنه سمع صوت كلاب، واتجه ناحية الصوت... على الفور توجه مالك لبوابة الفندق، وخرج ليعود لمنطقة الشبكة، أملا في سماع أصوات الكلاب مرة أخرى، ثم ذهب إلى سيارته، وأخذ الجاروف الصغير الذي أحضره معه أماناً وتفاؤلاً، أن يكون «سعيد» فقط نائم بعد قضاء ليلة طويلة.

حمسته فكرة أن يكون سعيد نائماً، وأن يكون كل شيء على ما يرام، حتى أنه فكر في كيفية الاعتذار لمسئول الأمن عن الإزعاج، تحمس أكثر، حتى أنه تذكر أن سعيد يقارب علي يومين بدون طعام، لهذا توجه لشراء بعض الطعام السريع، وكان الظلام قد بدأ ينسدل على الصحراء، ولكن القمر كان ساطعاً كما أخبره «سعيد»، فشرع بأن الأمور ستسير على ما يرام، وأثناء مروره لمح بعض الحركة في مبنى

قريب من الفندق، ولكن ليست في الاتجاه الذي يقصده، ولكنه قرر أن يذهب ليستطلع ما يحدث، ربما لمح أي دليل أو سمع أي شيء يوجهه إلى صوت الكلاب، وعندما اقترب من ذلك المبنى ذي الطابق الواحد أكثر، كان يبدو أجمل رغم بساطته، وربما كان هو سر جماله.

كانت استراحة محاطة بالنخيل من جميع الاتجاهات ما عدا مدخلها، وأسفل كل نخلة كانت توجد شجرة صغيرة ولكن شكلها غريب، أوراقها تبدو شديدة اللعان وألوانها زاهية في وسط هذا الجو الصحراوي، وفوق مدخل الاستراحة كانت تنتشر أوراق تبدو مثل أوراق نبات العنب المستخدم في تظليل الأماكن من الشمس، ولكن أوراقها كانت أكبر حجماً. شعر أن هذا المكان غريب ولكنه مريح وخاصة عندما بدأت الروائح الزكية تخترق أنفه وتنتشر في أعصابه ليسودها هذا الخدر الساحر، كل هذا جعله يدخل إلى البوابة الكبيرة، المزخرفة بحديد على شكل فروع أشجار ملتوية ووجهه يحمل ابتسامة هادئة تلقائية، وعندما لمح شخص ما يجلس في الخارج، لم يكن ظاهراً بسبب جلوسه خلف إحدى الشجيرات الصغيرة، أخفى مالك الجاروف في كيس الطعام واقترب منه بهدوء.

للوهلة الأولى، تصور مالك أنه الحارس على الاستراحة ولكن عندما اقترب منه ولمح هاتين العينين القويتين، والشعر الأبيض الكامل، الذي يغطي ذقنه غير المهدبة، وحاجباه الغليظان، وملامح الطيبة

والقوة في ذات الوقت، لم يشعر مالك أبداً أن هذا الرجل قد يكون حارساً.

- سلام عليكم يا حج.
- عليكم السلام.
- كنت عايز أسألك هو ايه المكان ده يا حج؟
- «ده مكانك يا بني».
- «العفو يا حج، قصدي يعني... أنا كنت فاكهه تبع الفندق من بعيد، لكن لما قربت، حسيت أنه مش تبع الفندق».

ظهرت ابتسامة طفيفة على وجه الرجل للحظات لم يلاحظها مالك.

- «وايه اللي خلاك تفتكر كده؟».
- «المكان ده فيه روح كده وريحة حلوة ووشوش طيبة».
- وأشار مالك باتجاه الرجل.
- «ربنا يعزك يا بني، ده من أصلك، المكان ده بيتي يا بني»
- بيت كرم، باين عليه، أنا اسمي مالك. اسم حضرتك ايه؟
- «اسمي مبروك، بس الناس بتقول لي الشيخ مبروك، مع إني ولا شيخ ولا حاجة»
- الشيخ، مش هو بس بتاع الفتاوى يا شيخنا، الشيخ ده لقب بنقله لأي حد عنده محبة وهيبة زيك كده»

- «الله يحفظك»، ابتسم مالك وهو ينظر إلى داخل المنزل الكبير، حيث يجلس بعض الشباب وسط الاشجار النابضة بالحياة يتسامرون ويضحكون، ثم سأل:
- ومين الناس اللي في الجينة دول؟ أنت بتأجره؟
- لا يا بني دول نزلاء الفندق، بييجوا يقعدوا شوية، ومرحب بيهم وبيك في أي وقت، كل من داس على أرض الواحة ضيفي، وبيتي بيته.
- يعني أنت فاتح بيتك كده لأي حد؟
- يجعل بيوت المؤمنين عمار يا بني.
- ربنا يزيدك يا حج.
- كنت جاي تسال على ايه؟
- عرفت منين إني جاي أسأل على حاجة؟
- لو مش عايز تسأل براحتك.
- بصراحة، أنا كان ليا واحد صاحبي نازل في الفندق، وبقالي يومين مش عارف أوصل له.
- الاتصالات هنا صعبة.
- آه مانا عارف، بس احنا كنا متفقين إني هاجيله، والمفروض يكون مستنيني في مكان هنا.
- «هتلاقيه دخل الصحراء مع زميلك ويرجعوا.
- تردد مالك قليلا وفكر في مصارحة الشيخ مبروك بكل شيء ولكنه تراجع في اللحظة الأخيرة سائلا:

— هو في كلاب بتسرح بالليل قريب من هنا؟

ظهر اهتمام مفاجئ على وجه الشيخ مبروك، وأشاح بوجهه باتجاه الصحراء للحظات ثم تغيرت النبرة الودودة لتحل محلها نبرة صارمة وهو يسأل:

«بتسأل على الكلاب ليه؟»

أثار رد فعل «الشيخ مبروك» حيرة «مالك»، فيبدو أن ذكر الكلاب أثار شيئاً ما بداخل «الشيخ مبروك» ونظرته السريحة إلى الصحراء زادت من شكوكه.

— «أصل آخر مرة كلمني، كان بيتمشى لوحده، وسرح في الصحراء شوية، وقال لي إنه كان سامع صوت كلاب».

مرت لحظات صمت، كان عم مبروك ينظر إلى الأرض، حتى أن مالك ارتاب فيه بشخصه، حيث يبدو أنه يعرف شيئاً، وهم بسؤاله عما يعرفه ولكن عم مبروك بادره:

— «عارف المكان اللي كان بيتصل بيك منه؟» قال مبروك بنبرة لا مبالية.

— «ايوة عارفة مكان الشبكة». أشاح عم مبروك بيده وكأنه لا يهتم بالمسميات وقال:

— هتروح هناك لحد آخر يافطة متعلقة، ولما توصل خلي اليافطة على شمالك وامشي على طول، ده الاتجاه اللي صاحبك سمع فيه صوت الكلاب.

لم يصدق مالك ما سمعه، أخيراً عثر على اتجاه يبدأ منه.

- شكرا يا حاج.
- «بس يا بني». استوقفت إشارة من «الشيخ مبروك»
«مالك»... خلي بالك من الكلاب، الكلاب مش زي ما أنت
فاكرهم.
- حاضر يا حاج.
- تجيب صاحبك، وارجع على طول ومتروحوش هناك تاني.
- «هو في حاجة خطر هناك؟» سأل «مالك» في ريبة، فيبدو أن
«الشيخ مبروك» يعلم شيئا ما، ربما هو صاحب التمثال ...
قاطععه صوت مبروك وهو يستطرد بحزن:
— «الخطر من الإنسان مش من الكلاب».

لم يفهم مالك تلك العبارة الأخيرة، ولكن القلق عاد إليه بشدة، وفكر أنه لا وقت ليضيع أكثر من ذلك، فودع الشيخ مبروك وذهب ليسيير على الاتجاهات التي أرشده إليها الشيخ مبروك.

وعندما بدأت قدمه تغوص في رمال الواحة الناعمة، شرد بتفكيره في الشيخ مبروك... كان مالك دائما ما يشعر أنه أكبر ممن حوله في الفكر والشخصية، وحتى أن كان من في مجلسه، تصل أعمارهم لضعف عمره، ولكن قوة شخصيته وحكمته بالإضافة لطوله الفارع وجسمه القوي، كان دائما ما يقابل بنظرات الاحترام والهيبة، ولكن عندما تحدث مع الشيخ مبروك، شعر أنه ضعيف أمام تلك الشخصية



الكاسحة الهادئة، فبرغم ضآلة جسد عم مبروك -مقارنة بجسده- كان يشعر ببعض الرهبة منه.

قال له والده ذات مرة «الشعر الأبيض هيبة، بس اوعي يخدعك»، ولكنه فهم ماذا قصد والده عندما قال هذا.

التمثال

كان «مالك» يعرف أنه سيصل لوجهته بعد حوالي اثنين كيلو متر، على حسابات «سعيد» أثناء مكالمته التليفونية، وقدر «مالك» أن خطوته تقدر بـمتر تقريبا، إذن فالمطلوب منه السير حوالي ألفين خطوة ليصل إلى وجهته، بدأ السير «مالك» وهو يحمل الجاروف على كتفه وكيس الطعام في اليد الأخرى، وكان مسرورا في بداية الطريق لأن القمر ساطع بقوة وينير الصحراء، ولكن مع مرور الوقت والخطوات في السير، بدأ يلاحظ خيالات تلك التلال الصغيرة المنتشرة في كل مكان حوله، وبدأت تثير في نفسه بعض المخاوف، ولكنه كان يستجمع شجاعته، ويتذكر المواقف الصعبة التي مر بها، وتطلبت منه قوته الجسمانية والتي كانت دائما ما تنصفه، مالك كان طويل القامة وقوي الصدر والكتفين، فمنذ صغره وهو يهتم بالرياضة وخصوصا رفع الأثقال والملاكمة، مما عاد على جسده القوي المشدود، والذي طالما كان أصدقاؤه يستجدون به في مواقف المشاحنات التي تحدث بين الشباب، فكان ظهور «مالك» بضخامته ووجه الأسمر الذي لا يخلو من الوسامة، وشعره المجعد، وهدوئه أثناء استماعه لطرفي الموضوع؛ يكسب صداقة الجميع، لأنه لا يتكلم من باب الدفاع عن صديقه أو أصدقائه، بل يتكلم دائما بالحق حتى وإن كان أصدقاؤه هم المخطئين، فيعذر للخصوم بأدب لا ينم أبدا عن ضعف، لهذا دائما ما

كانت تلك المشاكل -وبعد تدخل مالك- تنتهي بأن يصير الخصوم أصدقاء، ويكون هو المشترك بينهم، لم يكن مالك يخاف شيئاً ملموساً، فوالده قد علمه أن ينزع الخوف من قلبه، إلا مخافة الله سبحانه وتعالى، وخوف أن يكون ظالماً لطرف ضعيف، حتى والده كان يشجعه على النزول مع أصدقائه أثناء المشاحنات، لا ليكون طرف، بل لينهي المشاحنة، ولكن أحياناً تأتي الرياح بما لا تشتهي السفن، ويكون الخصوم غير مباينين بمنطق أو تعقل لحل الأزمة، بل يكون هدفهم فقط هو إشعال المشكلة للتنمر، أو لإثبات التفوق، أو لمجرد الثقة في أنهم سيفوزون في المعركة حتى بوجود «مالك»، وهنا كان يتحول لوحش مفترس، تأذى كثيراً، ولكنه أذى أكثر ولم يتراجع مطلقاً أمام أي عدد، حتى وإن كان يعلم أن النتيجة ليست في صالحه، بل كان يتوجه نحو أقوى منافسيه مباشرة ويهاجمه، وكان هذا من دروس أبيه أيضاً «لو اضطريت تضرب... اضرب أكبر واحد» ولكنها كانت فعالة في معظم الحالات؛ فعندما يهاجم أكبر واحد قد يناله ضربة من الخلف أو أكثر من الباقيين، ولكن إذا تفوق على منافسه يذوب الباقيين من أمامه فوراً.

سرح مالك في أفكاره وهو يعد خطواته حتى اقترب من العدد المطلوب، فتوقف لحظات لالتقاط أنفاسه وشرب بعض المياه، كان قد اشترى كشف قوي بعيد المدى قبل الانطلاق، فأضاءه ودار به دورة كاملة حتى يرى ما هو قادم، وأثناء إنارته لإحدى التلال فجأة، لمح عينان تلمعان في الظلام، بل هم أربع عيون، أجفل مالك

للحظات، فانطفأ الكشف منه مما زاد ارتبাকে أكثر، وبعد لحظات عاد إنارة الكشف وأعاد توجيهه سريعا إلى تلك البقعة التي رأى فيها العيون، ولكنه لم ير شيئا، أعاد إدارة الكشف ببطء يمين ويسار التل، ولكن لا شيء، ارتبك مالك وشعر بتوتر، حتى إنه راح يسأل نفسه «هل هي تخيلات؟ أو ربما انعكاس على أحد الصخور؟ هل السبب هو ضوء القمر؟ ولماذا لا يوجد أي صوت على الإطلاق؟» كان يتمنى مالك سماع أي صوت حتى لو صوت الكلاب، «ربما تكون الكلاب... ولكن هل تلمع عيون الكلاب في انعكاس الضوء مثل القطط والأسود؟!» تسائل...

«أسود! لا أعتقد بوجود أسود هنا، إذن هي قطة، لا أعتقد أنها كذلك أيضا، القطط حيوانات اجتماعية تعيش بالقرب من البشر، لا في قلب صحراء جرداء مثل هذه»

كانت الأفكار تتصارع داخل رأسه، لا يعرف هل ما رآه حقيقة، أم انعكاس بسيط، أم أنه بدأ مرحلة الهذيان بعد أكثر من يومين بلا نوم، هداً للحظات بعد أن راوده هذا الخاطر.

سمع صوت النباح القوي وبعده صوت العواء، «ما هذا؟ هل هذا صوت كلاب أم ذئاب؟ وكيف يجتمع الاثنان في مكان واحد؟»، والأهم أنه لاحظ أن الصوت يأتي من عكس اتجاه الانعكاس الذي رآه، لا يعرف «مالك» لماذا -وهذا غريب بعض الشيء- اطمئن لسماع صوت الكلاب، ربما لأنه شعر أنه قد اقترب من مكان «سعيد»، لهذا جمع الأشياء وتوكل على الله واتجه باتجاه اصوات

الكلاب، التي ما زالت تنبح وكأنها دليله، سار مالك كثيرا وراء الصوت حتى أن خطواته تعدت الثلاثة آلاف خطوة - واضح أن سعيد ليس الأفضل في تقدير المسافات - وأخيرا... اقترب من الصوت أكثر لمح بعض الأجسام على ضوء الكشف من بعيد، ويبدو أن المجموعة لمحتة أيضا، كانت مجموعة من الكلاب بالفعل تبدو وكأنها تتصارع على شيء ما بينهم، هتف مالك بصوت عالي وهو يبدأ في الركض تجاههم «سعييد»، وتوقفت الكلاب عن الصراع فجأة، ونظرت إليه للحظات مرت عليه كالدهر، بعد أن شعر بالخطر من ذلك التسمر وتلك النظرات، ثم تقدم أضخم الكلاب خطوتين في اتجاهه، ونبج بصوت عالي جدا، وكأنما يحذره، ثم يهدوء تام التفت للاتجاه الآخر وتقدم المجموعة ليسير بعيدا، ولمح مالك أحد الكلاب يمسك ذلك الشيء الذي كانوا يتنازعون عليه، وجره خلفه وذهبوا بعيدا حتى اختفوا عن دائرة الضوء.

تمالك مالك أنفاسه وأعصابه للحظات، ثم اتجه ناحية مكان تجمعهم منذ لحظات يسير بخطى حذرة، يتمسك جيدا بالجواروف الصغير الذي يحمله، وهو يؤكد لنفسه أن ما كان بحوزة الكلاب لم يكن صديقه، أو على الأقل جثته، لأن الجسم الذي كانوا يتصارعون عليه أصغر من أن يكون جسد إنسان، اطمئن بعد الشيء، وبدأ ينادي بصوت عال مرة أخرى: «سعيد» ولكن ما من مجيب، وصل «مالك» إلى المكان ووجد حفرة، تبدو أنها ليست من آثار نهش الكلاب، عمقها يتعدى المتر، واتساعها يكفي لنزول رجل، نظر بداخلها فوجد

ما كان سعيد يتكلم عنه تماما، صندوق صغير متهالك منزوع الغطاء، مغطى بالرمال المتحجر داخل وخارج الصندوق، وبداخل الصندوق ظهر النصف العلوي لتمثال صغير، نزل مالك للحفرة وحاول انتشال التمثال، ولكنه كان يبدو كأنه أصبح جزء من الرمال الذي تحول إلى الصخر، أدرك «مالك» لماذا طلب منه «سعيد» إحضار الجاروف، فلا يمكن استخراج هذا التمثال باليدين فقط، ولكن أين سعيد من كل هذا؟ خرج مالك من الحفرة، وبدأ يسير في دوائر لعله يجد أي أثر لصديقه، ولكن حتى آثار الأقدام مخفية تحت آثار أقدام الكلاب المنتشرة في دائرة واسعة جدا حول الحفرة، وعندما قرر مالك أنه قد ابتعد عن دائرة البحث، قرر الرجوع إلى الحفرة والانتظار، ربما يكون سعيد قد رأى الكلاب فخاف أن يبقى في ذلك المكان، فذهب إلى مكان ما حتى تذهب الكلاب ثم يعود، اقتنع «مالك» بالفكرة، وقرر أن يبدأ في استخراج التمثال ليستفيد من الوقت حتى يرجع سعيد، وبالفعل بدأ في الحفر حتى أخرج التمثال، وبعدها تأكد أن الصندوق لا يحتوي على شيء آخر، فكر أن يقوم بردم الحفرة، ولكنه تراجع مفكرا، أن «سعيد» قد يعود إليها فلا يعرف المكان، لهذا ترك كل شيء كما هو، وأخذ التمثال الذي كان ثقيلًا جدا مقارنة بحجمه الصغير، ولكنه رجح ذلك أن هذا الوزن ربما يكون بسبب الرمال المتحجر حوله، فقرر التوجه إلى غرفته ليقوم بتنظيف التمثال، ولكن بالتأكيد بعد أخذ ولو قسط قليل من الراحة ليبدأ يوما جديدا في البحث عن «سعيد».

سعيد

بصعوبة بالغة، استيقظ مالك على أصوات الطرق على باب غرفته، والتي كانت خافتة لا تصل إلى حد الإزعاج، وفي نفس الوقت ذات إصرار كبير على إيقاظه، وعندما دارت عيناه في الغرفة أثناء النهوض ولمح التمثال ملقيا على أرضية الغرفة مبعثرا بعض الرمال من حوله، استيقظت كل حواسه، وشعر بالنشاط يدب في عقله، فقام من السرير وأخفى التمثال أسفله، ووضع منشفة الحمام على الأرض فوق الرمال المبعثرة وتأكد أن لا شيء ظاهر، ثم فتح الباب.

- «صباح الخير يا فندم، آسف على الإزعاج، بس سامح بيه عايزك تحت» قال موظف الأمن بالفندق وهو يبدو مرتبكا.
- سامح بيه مين؟
- سامح بيه يا فندم، اللي حضرتك بلغته امبارح عن موضوع صاحبك.
- اه تمام، هغسل وشي بس وأنزل له.
- تمام، أنا مستني حضرتك.
- مستنيني ليه؟ أنا هاغسل وشي وأنزل.
- دي أوامر سامح بيه يا فندم، هستني حضرتك وأنزل معاك.



كان أول ما فكر فيه مالك أن أمر التمثال قد اكتشف، ولكن إذا تم اكتشاف الأمر، فليس من المنتظر أن يطلبوه للأسفل، بل كانوا سوف يقتحمون الغرفة على الفور، هل كان موضوع التمثال والحفرة كمين من الشرطة؟ ولكن لماذا؟ ماذا سيستفيدون؟ وماذا إذا أخذ أحد العابرين أو التائهين التمثال؟ لا لا... لا أعتقد أن هذا هو الأمر، ربما يكون شيئاً بخصوص «سعيد».

انتهى «مالك» من غسل وجهه، ثم أخرج التمثال من تحت السرير، ولفه بالمنشفة جيداً، ووضعها في حقيبة ملابسه، ثم أزاح الرمال على الأرضية بحذائه أسفل السرير، وبعثر المتبقي في أركان الغرفة، وتأكد أنه لا علامات ظاهرة تثير الشك، وخرج من الباب وتوجه إلى قاعة الانتظار مع موظف الأمن، فوجد زحاما شديداً، و«سامح بيه» يقف داخل دائرة من الرجال في ملابس شرطية يرتب مختلفة، والكثير من الأشخاص بأجهزة اللاسلكي، منتشرين داخل وخارج الفندق وبجانب «سامح بيه»، يقف مدير الفندق ممتقع الوجه، وهو يتحدث مع أحد الضباط من ذوي الرتب الكبيرة بصوت أقرب للهمس، وهو دائم الالتفات حوله، ويقف بعيداً عنه شخص، يبدو أقرب لمساعدته من وضعه المتحفر، وعيناه المسلطتين على وجه ويد مدير الفندق، فيبدو ككلب ينتظر أن يرمي صاحبه الكرة، ليذهب مسرعاً لالتقاطها، وبالفعل عندما يرى مدير الفندق أحد النزلاء يقترب من مكان التجمع، يشير إلى مساعده بعينه أو يده، فيسرع المساعد لأخذ النزول

بهدوء بعيدا عن التجمع، شعر «مالك» أنه في مشهد تمثيلي، وكل الحضور يؤدون أدوارهم.

عندما لمح «سامح بيه» ينزل للقاعة، استأذن من معه وتوجه إليه مسرعا، ثم أمسك بمرافقه بهدوء وتوجه معه لأحد المناضد البعيدة عن التجمعات، أمام مدخل الفندق.

- «اقعد يا مالك لحظة». جلس مالك وهو ما زال مذهولا لا يعرف ماذا يقول.

- هو سعيد صاحبك ليه أهل؟
- آه طبعا له أمه في القاهرة، وله أخ مهاجر ألمانيا من فترة. هو ايه اللي حصل؟

- تعرف تتواصل مع حد فيهم؟
- ممكن أكلّم هشام صاحبنا، هيعرف يوصل لوالدته. بس هو في ايه حضرتك؟

صمت سامح للحظات وهو ينظر بطرف عينيه بتمعن شديد إلى ملامح وجه «مالك»، ثم أشعل سيجارة ونفث دخانها تجاه التجمع بقوة وعاد إليه ببصره قائلا:

- أنت تعرف سعيد كان جاي هنا ليه أصلا؟
- جاي رحلة عادي. أنتم لقيتوه؟
- «آه لقيناه. هو كلمك تجيله ليه؟ ارتبك «مالك» للحظات، لكنه تمالك نفسه سريعا، وإن كانت نظرات سامح القوية تجاهه تبدي أنه لاحظ الارتباك.

— «كان زهقان، يقول لي أنه مفيش حاجة تتعمل، فقال لي تعالى اقعد معايا يومين. هو فين دلوقتي؟ أنتم لقيتوه فين؟ وعربية الإسعاف واقفة برة ليه؟ هو حصل له حاجة؟»

طالت النظرة والسكوت تلك المرة، ثم عدل «سامح» من جلسته ليواجهه مالك مباشرة، واستند على المنضدة وقال:

— سعيد مات يا مالك.

تجمد مالك بعد سماع هذا الخبر، ولأول مرة يشعر بأن الدماء التي تنتشر في خلايا مخه أصبحت فجأة شديدة السخونة لدرجة الغليان حتى أنه — لا إراديا — وضع يديه الاثنتين على رأسه، وضغط عليها لأسفل بقوة حتى لا تتناثر الدماء المغلية بداخل عقله خارج رأسه، لم يستوعب ماذا حدث ولم يستطع حتى سؤال سامح عما حدث بالتحديد، ولا حظ سامح التساؤلات التي تملأ رأس «مالك»، فرجع بظهره لمسند المقعد، وقال له بلهجة مباشرة، لاحظ «مالك» فيها وسط ذهوله لهجة صارمة لا تتناسب مع الموقف.

— «أنت آخر واحد كنت على اتصال بيه، عايز أعرف كل التفاصيل وآخر حوار دار بينكم بالظبط كان على إيه بس الأول... وسكت للحظات «تحب تبلغ والدته ولا نبلغها احنا؟»

— «هو مات إزاي؟» خرج صوته متحشرجا كأن أحباله الصوتية قررت الانغلاق على أي شيء يخرج من داخله...

- للأسف الموضوع خطير جدا. أخطر مما تتصور، سعيد انتقل.
- «انتقل؟». كانت الأمور تلوح في خياله من بعيد والرؤية تبدو أوضح ولكنه كان يطرد الأفكار بعيدا فقد كان ما زال في حالة الإنكار لما يسمعه.
- انتقل وللأسف وتمثل بجثته.
- كمان؟ ليه؟ هو عمل ايه عشان يحصله كده؟ سعيد كان أطيب واحد قابلته في حياتي، مين قتلوه ومثلوا بجثته؟ يعني إيه؟ أنا مش فاهم حاجة.
- طيب أنا هفهمك، بس عايزك تتمالك أعصابك، أجيبلك ميه؟». ودون انتظار الإجابة أشار إلى موظف الأمن الذي كان يقف خلفهم بمسافة قريبة، ويبدو عليه التوتر الشديد للموقف الذي يواجهه لأول مرة في حياته، حتى أن كل ما كان يدور في ذهنه هو كلمة صديقه إبراهيم قبل سفره للوائح «أنت عيل فقري»، انتبه لإشارة سامح فاقترب منه بسرعة فأشار إليه قبل أن يصل «ازازة ميه». ثم واصل حديثه لمالك:
- «في واحد من أهل الواحة اللي عايشين هنا من زمان، قريتهم تبعد عن الفندق حوالي تسعة كيلو متر، جالنا النهاردة الفجر بيلغ عن جثة متقطعة، لقى الكلاب بتاعته بتقطع فيها، رحنا للمكان وعملنا معاينة. بس للأسف مكش فيه أي حاجة

تتعاين، باقي الجثة في وسط الصحراء في المسافة اللي بين الفندق والقرية، و الإسعاف أخذ الجثة للطبيب الشرعي.

- «يعني الكلاب هي اللي مثلت بجثته؟ كانوا ياكلوا فيه؟» قاطعه مالك، وهو يتذكر مشهد الكلب الذي يجر شيئاً خلفه.
- استنى لحد ما أخلص وأنا هأقول لك، الكلاب مقطعتش ولا حاجة، اللي حصل في جثته مينفعش الكلاب تعمله، احنا مالقيناش الجثة كاملة، احنا لقينا نص الجثة بس، ودة اللي الكلاب كانت بتقطع فيه، ولما راجعنا فيديوهات المراقبة اللي في الفندق، وطابقنا الملابس اللي باقية وكمان لأن القليل كان جسمه مميز، وربطت ده ببلاغك عن اختفائه، تأكدنا أنه سعيد قبل حتى ما الطبيب الشرعي يبعثنا التقرير.

تأكد مالك أن كل شيء مرتبط بالتمثال والصندوق الذي وجدهم سعيد، ولكنه لم يذكر شيء من كل هذا لسامح لأن التمثال بحوزته، وسامح لم يذكر شيء عن الحفرة أو الصندوق، ولكن كيف حدث هذا؟ وهذا ما سأله لسامح:

- «نص جسمه بس إزاي ومش ممكن تكون الكلاب... كلت باقي الجثة؟» وشعر أنه على وشك إفراغ معدته...
- «الأمر مستبعد، طريقة فصل الجثة كانت بألة حادة جداً، لأن مكان القطع دقيق للغاية حتى آثار أسنان وأنياب الكلاب واضحة في الأماكن اللي كانوا يبشدها منها، لكن عملية

الفصل تمت بفعل فاعل، عارف هو يعمل ايه، واحنا لسه
مستنين تقرير الطبيب الشرعي، بس للأسف الموضوع
هيطول لأن المسافة بينه وبين المستشفى المركزي بعيدة، أنا
هاسيك شوية تهدئ، وهعمل إجراءات إبلاغ أهل القتل
وهرجعلك تاني، طبعاً مش محتاج أقول لك أنت مينفعش
ترجع مصر دلوقتي خالص، أنت آخر واحد اتكلمت معاه
وكل معلومة هتقولها، مهما كانت تافهة بالنسبة لك هتكون
مهمة بالنسبة لنا، ممكن تطلع حجرتك أو تفضل داخل إطار
الفندق لكن أبعد من كده ممنوع، تمام؟»

- ممكن أطلع أعمل مكالمة؟
- هاتكلم مين؟
- والدي، لازم يعرف.
- مفيش مشكلة، اتفضل تليفوني معاك كلمة.
- بس هنا مفيش شبكة، لازم اطلع برة.
- لا احنا شغلنا مينفعش يبقى مفيش شبكة احنا شغالين قمر
صناعي، اتفضل.
- «شكراً». أخذ مالك الهاتف وتحدث إلى والده قليلاً ثم عاد
إلى الضابط وهو يعطيه الهاتف وقال مرة أخرى:
- «شكراً». قالها شاردًا وتوجه لغرفته يحاول استيعاب كل ما
حدث في تلك الليلة التي يبدو وكأنها ستقلب حياته رأساً على
عقب.

بعد أن انتهى حديث سامح مع مالك توجه مالك لغرفته. يسير وهو ينظر إلى الأرض الرملية المحفورة يدويا على شكل مربعات بدلا من البلاط، ليتأكد أن كل قدم تدوس داخل مربع، ليستت تفكيره قليلا عما حدث له ولصديقه في يومين فقط، وعندما أغلق الباب توجه مباشرة إلى التمثال ليتأكد أنه موجود في مكانه، ثم أخرجه بحرص وبدأ بإزالة الرمال المتحجرة من عليه حتى ظهر الشكل كامل، كان التمثال يمثل ملك فرعوني قوي البنية، يحمل فأس ضخمة، ولكنه يحمل وجه قط، كان التمثال في غاية الجمال والدقة، حتى أن مالك استغرق وقتا طويلا متأملا في الدقة الشديدة في نحت التمثال، حتى أنك تشعر أنه شخص حقيقي، ولكن بحجم أكبر قليلا من حجم كف اليد.

كان عقله في حالة نكران للواقع. فموت سعيد بتلك الطريقة، شيء لا يحدث لكثير من الناس، لهذا فهو لا يعلم كيف من المفترض أن يشعر، موت سعيد لا يشعره بالحزن، بل يشعره بالخيانة، ليست خيانة شخص، ولكن خيانة الظروف، التي حولت سعيد من شخص يفتقد العاطفة، إلى أن يصبح نصف جثة بدون ذنب يذكر، كان مالك يشعر بالحيرة الشديدة مما وصلت إليه الأحداث السريعة المتلاحقة، وفكر أن يذهب إلى سامح ويخبره بكل شيء، ولكنه فكر أنه أخرج التمثال بالفعل ومن المرجح جدا أن يتهمه سامح بقتل سعيد، فالقصة تبدو مترابطة، شخص يستعين بصديقه لإخراج تمثال أثري وعندما اختلوا قتله وشوه الجثة وأخذ التمثال ليهرب، ولكن وجدت الكلاب الجثة



قبل أن يغادر الفندق والواحة، وعندما انكشفت الجثة لم يجد حلاً سوى إبلاغ الشرطة والظهور بمظهر البريء. دارت الأفكار في عقله، وهو يتخيل ما سيفكر فيه سامح إذا ما أبلغه، من الواضح أنه سيكون المشتبه به الأول والوحيد، لهذا لا بد من حل آخر، لا بد من معرفة كيف قتل سعيد بالفعل، وهل الموضوع له علاقة بالتمثال؟ بالطبع له علاقة. يجب أن يجد القاتل الحقيقي وإلا سوف تشير أصابع الاتهام إليه آجلاً أم عاجلاً، ولكنه لم يعرف كيف يبدأ، وأين سيخفي هذا التمثال اللعين حتى تنتهي الأمور؟ وعندما توجه إلى شرفة الغرفة، ونظر إلى تلك الاستراحة المجاورة للفندق، شعر بشيء من الارتياح، فقرر الذهاب إلى الشيخ مبروك ليتحدث معه، ربما يجد شيئاً يريحه.

هدير

دخلت هدير ذلك المقهى الفاخر في أحد شوارع المعادي الهادئة المليئة بالأشجار المحببة إلى النفس لكل من يراها، وقفت على الباب للحظات تنظر بهدوء بعينها فقط دون أن تحرك رقبتها، كانت تعلم أن أنظار كل من في المكان، سواء كانوا زبائن أو عاملين ينظرون إليها، ولكن بأهداف مختلفة، فالسيدات يلفت نظرن ذلك الحذاء الفاخر من الماركة الشهيرة، ويبحثون في وجهها عن ألوان المكياج لكي ينتقدوا ذوقها، ولكنهم لم يجدوا شيئاً منه في وجهها، فهي كانت لا تضع شيئاً في وجهها لأنها تثق بجمالها الطبيعي الساحر، وأما الرجال فمعظمهم كان ينظر إلى أشياء أخرى لا مجال لذكرها في حديثنا هنا، توقف نظرها عند تلك المنضدة، وذلك الشاب الذي يجلس منكمشاً في مقعده، يمسك هاتفه ليتظاهر بالانشغال بشيء ما، اقتربت منه هدير مباشرة بخطوات هادئة واثقة، ثم توقفت أمامه مباشرة لتؤكد أنه يتلقى كامل سحرها مباشرة.

- يوسف... صح؟
- «أيوة... هدير؟»، أجابها بصوت متلعثم مرتبك وهو يقف لتحيتها، ثم يجلس مسرعاً قبل أن تجلس هي، وهو يشعر بالضالة بجانب السحر وقوة الشخصية، والحضور المبهر لهدير، والتي ما زالت أنظار النساء في المكان تبحث عن شيء

ما خاطئ فيها، وعندما وصلنّ لمرحلة اليأس تركزت
أنظارهنّ على من يرافقهنّ من رجال يراقبن ردات أفعالهم،
كانت هدير تعرف ما سيدور على معظم المجالس بين
الرجال والنساء لمدة عشر دقائق كاملة، فبعض الرجال
سيصر أن من تجلس معه أجمل منها بمراحل، وهذا رجل
يبتظر شيء ما من شريكة مجلسه، وهناك البعض الذي سوف
يصر على أن هدير هي القمر في طور البدر، ومن تشاركه
مجلسه مجرد نخلة يابسة البلح، وهذا رجل لا ينتظر شيئاً من
شريكته، أو حصل عليه بالفعل، للحظات تأملت هدير بعينها
فقط الجالسين في دائرة بصرها لتصنف وتراهن نفسها على
أنواع الرجال والنساء الحضور، ثم التفتت إلى يوسف الذي
ما زال مبهوراً غير مصدق أنه يجلس مع تلك الفتاة، لم يكن
يوسف قبيحاً أو غير حسن المظهر، ولكن عدم ثقته بنفسه
وقلة خبراته وقصور علاقاته على دائرة صغيرة معظمها من
العائلة كانت السبب في ذلك.

- «عامل إيه؟» قالت هدير بابتسامة صافية.
- أنا تمام كله كويس، أنتي تمام؟
- آه، أنت متعود تيجي هنا كثير؟
- لا خالص، أنا مش بخرج كثير أصلاً، أنا جيت مرة مع
أصحابي من فترة بس عجبني الديكور والإضاءة وكمان
الأكل حلو جداً.

- فعلا المكان شكله حلو وشيك.

سكت هشام للحظات وهو ينظر بعيدا تجاه المخرج، انتهت هدير وأدركت بذكائها ما يدور بذهنه.

- طبعا أنت بتسأل نفسك أنا طلبت أقابلك ليه... صح؟
- الصراحة آه، أنا بيجيلي مكالمات كتير زي مكالمتك. بس بمجرد ما أقول مش مهتم، خلاص بيتتهي الموضوع، لكن أول مرة حد أقول له مش مهتم، يصبر أنه يقابلني، عايز أسألك حاجة... هو أنتي بتقابليني عشان أطلع الرحلة برودة؟
- «آه... أدهشته إجابتها الصريحة، فكان يتوقع الكثير من الدبلوماسية رغم أنه كان يعرف الإجابة مسبقا، ولكنها استدركت مسرعة عندما لاحظت سرحانه:
- ومش آه في نفس الوقت. أفهمك... بص يا سيدي أنا هكون صريحة معاك، الشركة عندنا بتدينا رحلة مجانية كل ثلاث شهور كنوع من الحافز وكده، أنا طلعت المرة اللي فاتت، بس ما كنتش مبسوفة خالص، عارف ليه؟ كنت لوحدي تماما، طبعا كان فيه ولاد كتير بيحاولوا يتكلموا معايا طول مدة الرحلة، بس بصراحة محدش فيهم شد انتباهي أو لفت نظري، يمكن عشان أنا لسة مش حاطة موضوع الارتباط ده في دماغي، عشان كده مكنش مبسوفة طول الرحلة، فقلت المرة دي عايزة أطلع مع حد محترم، ونقضي الرحلة كلها مع

بعض، وعلى فكرة خلي بالك من كلمة محترم، أنا بسبب طبيعة شغلي في المبيعات، لازم أكون منفتحة وأعرف أقرأ الناس كويس، وأعرف كل واحد عايز ايه مني بالظبط، وبرضو عشان أكون صريحة أكثر معاك، أنت مش أول واحد أفكر إني أطلع معاه الرحلة، بس أنا من أول ما شفتك حسيت أنك إنسان محترم وصريح.

ثم ارتشفت رشفة من كوب الماء أمامها، ورجعت إلى الالتفات في أرجاء المكان مرة أخرى، ثم واصلت الحديث قائلة:

— أنا قابلت اتنين قبلك... أول حاجة فكروا فيها أنها هتبقلي مليطة، وأنا من الآخر مليش في المواضيع دي، ممكن أكون بدي انطباع ل اللي يشوفني إني كده، عشان يعني لبسي وشعري، والشباب عندنا معظمهم يمشي بمبدأ أن كل ست أو بنت حلوة ومهتمة بنفسها، تبقى بتدور على راجل، وطبعا كلهم بيفتكروا أن هم الراجل ده، اللي هيجيب البت سكه، الناس دي أنا شفتها أكثر ما بشوف نفسي في المرايا، فبقيت أعرفهم من بعيد كده، بس يا سيدي... ده سبب إني أقابلك وأطلب منك تطلع الرحلة دي مخصوص عشاني، وعلى فكرة المكان حلو فعلا ومريح للأعصاب، مفيش تليفونات ولا نت، اغلا في أماكن محددة، أنا طبعا بقول لك الكلام ده ليك أنت، لكن في التليفون بقول أن المكان فيه كل حاجة،

— أنت عارف طبيعة شغل المبيعات، لازم نحلي أي حاجة بنبيعها.

— أنا الصراحة أول مرة أقابل شخصية زيك، حتى أنا استغربت أنتي إزاي مش لاقية حد يطلع معاكي، إزاي أصلا مش مرتبطة؟

— استوقفته هدير بإشارة من يدها وهي تقول:

— أنا مش لاقية حد كويس يطلع معايا، خلي بالك من النقطة دي، وموضوع الارتباط ده بردو ليه أسبابه، أي بنت جميلة وناجحة في شغلها بتجذب أنواع معينة من الرجالة، والنوع الكويس منهم بيفكر زيك كده، إني أكيد مرتبطة، لكن صدقني كل ما البنت بتبقى جميلة وناجحة في شغلها، كل ما الارتباط عندها بيبقى صعب، ببساطة هي بتخط معايير عالية للرجال اللي عايزاه، وغالبا بتلاقي اللي حوالها مفيه مش أي حاجة من المعايير دي، بالعكس يمكن بتلاقي العكس تماما.

— معاكي حق، احنا دايمًا لما نشوف بنت حلوة وشكلها نضيف مش بنفكر نكلّمها أساسًا، عشان زي ما أنتي قلتي، بس عموما أنا هطلع معاكي الرحلة.

ابتسمت هدير ابتسامة ثقة، فقد حققت لتوها الزيادة التي تسعى إليها.

في اليوم التالي، عندما دخلت هدير لمقر الشركة مبتسمة وسعيدة، ومتحمسة لإبلاغ الأستاذ صفاء بأنها قد أنهت الاتفاق كما طلب منها، وصلت إلى مكتب الأستاذ صفاء مندهشة لعدم وجوده في مدخل الشركة، كعادته الصباحية ليراقب مواعيد وصول الموظفين، وأيضا التحدث مع موظفة الاستقبال الجديدة. سألت عليها فعرفت أنه في مكتبه، توجهت فورا للمكتب، ودخلت مسرعة فوجدت الأستاذ صفاء يجلس على مكتبه مستندا برسغه إلى سطحه، ويشبك كفه تحت ذقنه، كان يبدو شاردا لدرجة كبيرة، تنحنحت ثم قالت:

- صباح الخير
- «صباح الخير هدير، اتأخرتي ليه؟» قالها شاردا دون أن ينظر إليها.
- متأخرة؟! ده أنا أول يوم اجي بدري عن ميعادي.
- «بجد؟»، كان يتكلم ببطء وكأنه في عالم آخر.
- هو حضرتك كويس؟
- هدير أنا عندي أخبار مش كويسة.
- خير؟
- الفندق بتاع الواحة، مش هانبعث له ناس لفترة كده.
- ليه؟ ايه اللي حصل؟ ده أنا جاية لك أقول لك إني جيت آخر واحد زي ما اتفقنا.
- شغل ممتاز، بس الرحلة هتتلغي، بلغني الغدارة المالية تتواصل مع الناس، وتبدأ إجراءات الاسترداد، وفي نفس

الوقت، عايزك تكلمي الناس اللي دافعين الحجز تقنعيهم
برحلة ذهب وبنفس السعر، أنا عارف أن ذهب أغلى، بس ده
هيقى أفضل من الاسترداد، والزيادة اللي وعدتك بيها
هتتزل، أنتي عملتي شغلك، وإلغاء الرحلة طبعاً ملكيش ذنب
فيه.

تنفست هدير الصعداء بعد سماعها خبر الزيادة، فأنزلت حقيبتها على
المنضدة الصغيرة أمام مكتبه وجلست على الكرسي المواجهة له
وقالت:

- ايه اللي حصل للرحلة؟ يعني أقول لهم أسباب الإلغاء إيه؟

ضحك صفاء ضحكة قصيرة، ورجع بظهره إلى الخلف وقال:

- أنتي لو قلتلي لهم سبب الإلغاء... احنا بيتنا يتخرب، أنتي
هتقولي العادي، أن العدد كمل وطلع في حجز مكرر والشغل
العادي.

ثم أخذ نفساً عميقاً، وهو يقول في جدية:

- لكن عارفة إيه السبب الحقيقي؟ أقول لك «الواحة حصلت
فيها جريمة قتل» والشاب اللي مات، كان طالع من عندنا
معرفش مين اللي جايه منكم لسه، بس بعت أجيب بياناته
لأن الشرطة هتبع واحد من عندهم يستفسر عنه.

- اسمه إيه؟

— محمد سعيد، عارفة مين اللي جايه؟

وضعت يدها على رأسها، وعلت وجهها علامة الاندهاش والفرع وهي تجيب:

— أيوة عارفة، ده أنا اللي جايه.

ثم صمتت قليلا في ارتباك، وهي تسأل بحذر:

— طب الشرطة جاية تسأل عليه هنا ليه؟ احنا مالنا؟

— يقولوا الجريمة غريبة وعازين يعرفوا كل المعلومات عنه من قبل ما يسافر لحد ما مات.

— «غريبة إزاي؟». سألت «هدير» مرة أخرى في توجس، فأجاب «صفاء» في نفاذ صبر:

— معرفش يا هدير، أهو لما بيعتوا حد هنعرف، أكيد تحريات عادية.

— ثم صمتت قليلا، وعاد ينظر إليها وهو يسأل:

— أنتي مهتمة ليه كده بالموضوع، ده إجراء روتيني الشرطة بتعمله... أنتي كنتي تعرفيه قبل ما يسافر؟

فقامت هدير منزعجة، وأخذت حقيبتها وهي تقول:

— لا طبعا، أعرفه منين... أنا بس مستغربة الموضوع.



عاد «صفاء» إلى شروده وهو يكلفها بمواصلة عملها، وخرجت «هدير» إلى مكتبها، والرعب يملأها، إذا ما كان أحد يعرف بلقائها مع سعيد، فدخلت إلى مكتبها لتقص على زميلتها «سالي» ما حدث، وهي تطلب منها، ألا تتحدث مع أحد بخصوص مقالاتها مع الزبائن.

سامح

عندما وصل تقرير الطبيب الشرعي لسامح، كان يحمل الكثير من المفاجآت، فقد تبين له أن جثة سعيد كانت خالية من أي مواد كيميائية غريبة أو أي نوع من أنواع التخدير - على الأقل في النصف السفلي الذي وجد - أي أن الجسم تم فصله وسعيد مستيقظ أو على الأقل كان عقله واعٍ لما يحدث، وأن القطع تم بآلة دقيقة للغاية مجهولة هويتها حتى الآن، وإن ظهرت آثار حروق على الجزء الباقي من الجثة، في مكان القطع، وما زال البحث عن الأداة المستخدمة جاري، ولكن قد يستغرقون الكثير من الوقت بسبب آثار أسنان وأنياب الكلاب.

توقف سامح عن القراءة، ثم نفذ رأسه يسارا ويمينا بعد أن تخيل الألم الناتج عن عملية فصل جسم سعيد، وإن تأكد أنه لن يستطيع أبدا إدراك هذا الشعور.

عندما انتقل سامح لهذه الواحة، أجرى بعض الأبحاث والتقارير عن المنطقة قبل أن يذهب إليها متطوعا، في حين كان جميع زملاءه يتعدون عنها...

فبعد انفصاله عن زوجته، قرر أنه يحتاج أن يذهب بعيدا لأقصى الدرجات، كان يشعر بالألم بسبب حادثة الانفصال، ولم يستطع حتى

الآن إبعاد آخر كلمات زوجته له: «انت مبعثش تحبني، وقبل ماتقول حاجة، أنا كمان مبعثش أحبك، احنا الاتنين اتغيرنا وده شيء طبيعي، لكن احنا بقينا أربعة بدل اتنين، اتنين حبوا بعض واتنين عايشين مع بعض، أنت مبعثش بتضحكني، وأنا مبعثش المثيرة الغامضة اللي كنت بتحبتها، أنا فكرت كثير في الموضوع، ولو سمحت ننفضل»

كان يعرف أن كلامها صحيح، حتى أنها فاجأته إلى حد كبير بصراحتها غير المعتادة، بعد أن أخذ وقت قليل في التفكير، قرر أن طلبها الانفصال وحده يكفي، فهو يعلم أنها تقال لأول مرة، ولكنه كان يعرف زوجته أيضا، لهذا قرر الانفصال وسارت الأمور سلسلة لعدم وجود أطفال.

- «سامح بيه»، انتشله النداء من أفكاره.
- إيه؟
- الأستاذ مالك عايز يطلع برة الفندق يا فندم.
- ها يروح فين؟
- بيقول ه يروح عند الشيخ مبروك في الاستراحة اللي جنبنا.
- ماشي خليه يروح بس خليك قريب منه، وميطلعش معاه البطاقة ولا أي شنطة.
- تمام يا فندم.

مالك

وصل مالك إلى استراحة الشيخ مبروك، ووجد الشيخ مبروك يستند على فرع الشجرة اليابس وينظر إليه بتمعن شديد، وهو يبادره بالسؤال:

- القاتيل يبقى صاحبك؟
- «أيوه» أجاب مالك مطرقاً رأسه لأسفل.
- عرفوا ايه اللي حصل له؟
- لا لسه، بس الموضوع شكله مش مجرد جريمة قتل والقصة غريبة، دول لقو جسمه متقطع نصين ومش لاقين غير النص اللي تحت بس، أنا مش عارف مين عمل كده فيه؟ وليه أصلاً يعمل كده؟ سعيد كان إنسان طيب جداً ومسالماً، ليه توصل بيهم البشاعة للدرجة دي؟

فنظر الشيخ مبروك إلى الصحراء، نظرة شاردة، ثم قال بغضب مكبوت:

- يا ابني اللي قتل صاحبك مكنش يعرفه أساساً.
- نظر إليه مالك باندهاش، وتوغل الشك بداخله قبل أن يتابع مبروك:



- «صاحبك اتقتل عشان كان في المكان والوقت الغلط، لكن

اللي قتله ميعرفوش أصلاً»

- وأنت عرفت منين الكلام ده؟

صمت مبروك ونظر بعيدا تجاه الصحراء للحظات قبل أن يقول:

«عشان دي مش أول مرة تحصل»

سامح

- «ده كل اللي حصل لغاية دلوقتي يا فندم وأنا هبعت تقرير مكتوب أول ما أرجع المكتب». قال سامح محدثا مديره في الهاتف.
- تمام يا سامح، بس أنت ليه شاكك في صاحبه؟ التحريات بتقول أنه ماشي مضبوط هو وعيلته، مفيش عندهم أي سوابق جنائية، القضايا اللي لقيناها عليهم، قضايا تهرب ضريبي ومخالفات بناء، وسرقة كهرباء، القضايا العادية لأي تاجر وصاحب مصنع كبير زي أبوه.
- صاحبه هو آخر واحد أتواصل معاه ويقول أن القتل - صاحبه - كان زهقان فكلمه يجيله... فجاله، دي مش داخله دماغ، محدش يسافر أربعة عشر ساعة عشان يسلي صاحبه، والناس هنا ابتدت تتكلم عن لعنة فراعنة، والغريب أن الناس مش راضيه تمشي من الفندق، دول بيتكلموا مع أصحابهم ييجوا.
- كلام لعنة الفراعنة بيطلع إشاعات، ومن مدير الفندق نفسه، أنا عارفه من زمان، لما كان موظف استقبال وأنا كنت في ربتك، دماغه سم، لو لقى الموضوع فيه مصلحة ممكن هو اللي يروج لإشاعة زي دي.

-
- بس أنا متأكد أن قضية القتل دي وراها حكاية كبيرة يا فندم.
 - قول لي بتفكر في ايه.
 - قبل ما اجي هنا عملت تحرياتى، وجمعت معلومات عن الواحة عموما، وعن الجرائم اللي حصلت فيها من آخر سنتين، معظم القضايا مفيهاش حاجة غريبة، ما عدا قضية واحدة لسة مفتوحة من سنتين.
 - اختفاء البنت.
 - مضبوط يا فندم، بنت اختفت في ظروف غامضة بدون أي خيط على اللي حصلها.
 - كانت في نفس الفندق؟
 - لا فندق يبعد عنه ٧ كيلو شمال غرب الواحة.
 - أنا فاكّر القضية حصلت قبل ما أمسك المنطقة بحوالي شهرين تلاتة، بس دي ايه علاقتها؟ دي اختفاء أو خطف، ودي قتل وتمثيل بالجثة؟
 - العلاقة أن سعيد كان مختفي لمدة يومين قبل ما نلاقي جثته.
 - لكن لو الجريمتين بينهم سنتين وأنت شايف أنهم مرتبطين بطريقة ما، يبقى ده ينفي الشك عن صاحبه. ويطلع به دائرة الاتهام نهائي.
 - مضبوط يا فندم، بس أنا لازم احط كل الاحتمالات قدامي، لأن كل الملابسات تخلي مالك هو المشتبه الأول، لأنه آخر واحد كلمه، وأكد كان عارف مكانه، ولما جبننا سجل



المكالمات من تليفون سعيد... لقينا آخر مكالمات صادرة،
كانت لاتنين، مالك و بنت تانية، لسة التحريات عنها
مجاتليش.

- ومفيش سبب واضح للجريمة طبعا، لحد دلوقتي كلها
احتمالات.
- تمام سيادتك.

مبروك

- «يعني ايه مش أول مرة تحصل؟»، سأل مالك مندهشا.
- -في حادثة زي دي قبل كده بالظبط حصلت هنا في الواحة من كام سنة فاتوا.
- وعرفوا مين اللي بيعمل كده؟
- -«لا محدش عارف لحد دلوقتي»... قال مبروك شاردا بصوت منخفض.
- يبقى لازم سامح يعرف كده، لاني ابتديت أحس أنه يشك فيا، مع إني أنا اللي مبلغ.
- الضباط يشكوا في كل الناس يا بني، دي شغلتهم وأصبحت في طبيعتهم.
- أنا لازم أعرفه الموضوع ده، بس عندي طلب يا شيخ.
- -اطلبه يا بني
- معايا أمانة عايز أسيبها معاك لحد ما أنزل القاهرة وأرجع اخذها.
- وأخرج اللفافة من جيبه.
- نظر مبروك إليه بشك ونظر إلى عينيه، واقترب من وجهه وسأله في لهجة جادة:



- أنت ماقتلتش صاحبك، صح؟
- اقسم بالله يا شيخ ما قتلته ولا أعرف اللي حصل له، هو طلبني أجيله، ومن ساعة لما جيت مشفتوش غير وهو الله يرحمه.

- «الأمانة محفوظة لصاحبها». قالها وهو يعاود النظر إلى الصحراء دون أن يفهم مالك ما إذا كانت تلك العبارة تعني الموافقة أو الرفض، ولكنه مد يده باللفافة، فأخذها مبروك دون أن ينظر باتجاهه، ووضعها بجانبه بإهمال.

تركه مالك شاردا وهو يعود إلى الفندق، واتجه مباشرة باتجاه مكتب الأمن الذي يجاور الفندق حيث يمارس سامح تحقيقه منه، وطلب الدخول، وعندما دخل لمكتب سامح، لاحظ الأخير أن تعبيرات وجه مالك تدل على الارتياح، فبادره سامح قائلا:

- إيه رأيك في الشيخ مبروك؟
- أنا جايلك في حاجة مهمة قالها لي الشيخ مبروك.
- خير؟
- سعيد مش أول قتيل في الواحة دي في جريمة تانية زيها حصلت من أكثر من سنة.
- هو فعلا في جريمة حصلت، بس مش زيها ولا حاجة، دي جريمة اختفاء مش قتل وكانت بنت وفي فندق جنب ده.



- بس هو بياكد لي أن الجريمة زيتها بالظبط، وحضرتك ممكن تسأله بنفسك.
- احنا بناخد معلوماتنا بطريقتنا، بس أنت مقولتش بردو... إيه رأيك فيه؟
- أنا طبعا معرفهوش كويس، أنا بقالي يومين بس هنا قابلتاه مرتين أو ثلاثة، بس رأيي أنه راجل طيب راقى، رغم عيشته طول عمره في الصحراء.
- يعني متشكش فيه؟
- الشيخ مبروك؟! لا طبعا، يعمل حاجة زي كده ليه أصلا؟
- تعرف أن الشيخ مبروك بيختفي كل يوم ساعتين، بيدخل الصحراء يقعد ساعتين أو أكثر ويرجع تاني الاستراحة، محدش يعرف هو بيروح فين.
- وياه المشكلة راجل عايش لوحده ويحب يمشي بليل.
- لحد هنا مفيش مشكلة، المشكلة أنه ما دخلش الصحراء من يوم ما سعيد اتقتل.

دكتور عمران

انقلبت الدنيا فجأة في أقل من خمس دقائق، وذلك قبل وصول سيارة الدكتور عمران صاحب مستشفى العمران بالسادس من أكتوبر، وهي أكبر مستشفى داخل مصر متخصصة في الجراحات المعقدة وخصوصا جراحات القلب والكبد، فتح الباب الرئيسي للمستشفى بسرعة عن طريق اثنين من موظفي الأمن، بعد أن تأكدا أن ملبسهما منضبطة تماما، وأن الكاب على رأسيهما في الوضع الصحيح، فدخلت السيارة بسرعة وهما يؤديان التحية للقادم، قبل أن تتوقف أمام مدخل الإدارة الرئيسي اللامع المصقول الأرضيات، وكان في انتظاره رجلان، أحدهما يرتدي بدلة كاملة بدون رابطة عنق وحذاء أسود لامع، طويل القامة، منتصب الظهر، حليق الوجه والرأس بالكامل وإن بدا الشارب الغث مناقضا لباقي وجهه، حواجب سميقة، عيون ضيقة غائرة، واضعا يديه متشابكتين خلف ظهره في منظر يوحي بالثقة التامة بالنفس، أما الآخر فكان يرتدي بالطو الأطباء الأبيض، وتبرز من جيبه مجموعة أفلام مختلفة الألوان، وكان يبدو أصغر سنا من الآخر بالرغم من العيونات والصلع الخفيف في مقدمة رأسه والحذاء المريح الذي يدل على كثرة الحركة، ممسكا في يده مجموعة أوراق داخل ملف، كان قد انتهى من ترتيبها للتو قبل وصول الدكتور عمران.

ترجل «الدكتور عمران» من السيارة مسرعاً، وهو ينظر بلهفة بدت واضحة إلى الوجه الأصلع اللماح وهو يقول «ايه الأخبار يا بهاء؟»، نظر إليه «بهاء» نظرة تحذيرية، وهو يشير بطرف عينه إلى حيث يقف الرجل الذي يرتدي المعطف. فاستدرك الدكتور شتاته، وجمعها ورسم على وجهه تلك الملامح الصارمة المعتاد عليها مع الجميع إلا مع اللواء «بهاء الديك»، ونظر إلى الدكتور نظرة صارمة وقال: «خير يا دكتور عادل؟»

- تقارير عمليات النهاردة، والحالات الحرجة اللي جت بليل يا دكتور.

- طيب، اسبقني ع المكتب وأنا هحصلك مع سيادة اللوا.

انطلق الدكتور عادل مسرعاً، وترك الدكتور عمران يجاور اللواء بهاء وهم يتجهون إلى داخل المستشفى

- ايه الأخبار؟ طمني.

- تمام.

- يعني كل حاجة خلصت؟

- كل حاجة تمام.

نظر إليه الدكتور عمران بنظرة جانبية، فهو يعرف أن عدد الكلمات التي تخرج من اللواء بهاء أقصر من عدد العمليات الجراحية التي يقوم بها بنفسه، كان يحاول استخراج الكلمات منه بأي شكل.



- هو فين دلوقتي؟
- ثلاجة العيادة.
- لازم اشتغل عليه النهاردة، رتبت العمليات؟
- ميعاد العملية ١٢ بليل.
- والفلوس؟
- «بص في تليفونك». توقف الدكتور عمران عن السير، فتوقف بالتالي اللواء بهاء وهو ينظر إليه باستخفاف غير ملحوظ، وهو يخرج هاتفه المحمول من جيب الحقيبة الصغيرة التي يحملها، وينظر إلى الرسالة القادمة من البنك بتحويل مبلغ يتكون من ٦ أصفار إلى حسابه صباح اليوم، ارتسمت بسمة كبيرة على وجهه، لم يحاول إخفاءها وهو يقول للواء:
- «إنما أنت عرفت منين أن البنك بعثلي رسالة التحويل، أنت بتجسس عليا أنا كمان؟» وأطلق ضحكة قصيرة وهو يشير إليه بمواصلة السير.
- أنا طبعا بتجسس عليك، لكن ده لأمانك الشخصي زي ما اتفقنا، لكن أنا عرفت أن الرسالة وصلت، لأن البنك بعثلي التحويل بتاعي بردو.
- «والجزار؟» قال الدكتور عمران هامسا، فتوقف اللواء هذه المرة وشبك يديه أمام صدره ونظر حوله ليتأكد أن لا أحد قريب منهم وهو يقول:
- ماله؟



لم يدر الدكتور عمران فعلا عما يسأل. فكر للحظات ثم أشاح بيده وكأنه لا يهتم، وهو يواصل السير ثم قال: «مش مهم خلاص. أنت رايح العيادة امتي؟»

- «دلوقتي». وتوقف اللواء عن السير مرة أخرى، كأنه فرغ من الحديث.

- «طيب اتفضل أنت وأنا عندي هنا ساعتين وأقابلك هناك»، وأشار بيده تلك الإشارة التي تعني «أنا لا أهتم» وترك اللواء وواصل السير متطلعا إلى هاتفه مرة أخرى ليتأكد من الرقم المرسل إليه من البنك.

هاني

عاد مالك إلى الفندق، وعندما تخطى باب الدخول شعر بأن جميع الانظار تتجه إليه، بداية من عامل النظافة الهزيل، وحتى مدير الفندق الذي كان يلوم مساعدته على شيء ما خاطئ فعله أو سيفعله حتماً، تجاهل الجميع ونظر إلى الأرض وهو يتأكد على أن تخطو قدمه داخل المربعات المرسومة على الأرضية...

- «أستاذ مالك». هتف مدير الفندق بلهجة ودودة وهو يقترب منه بخطوات سريعة.
- نعم!
- في واحد عايز يقابلك.
- مين؟
- «صحفي محترم جداً وصديق شخصي ليا، لسة واصل من القاهرة، وعايز يدردش معك شوية» وأشار برأسه إلى منضدة يجلس عليها رجل في الأربعينات من عمره، يترقب ما سوف تسفر عنه المحادثة.
- «أستاذ هاني، أنت بقالك قد إيه هنا؟» قال مالك وكأنه لم يسمعه.
- «في الفندق هنا سنتين، لكن في الواحة من ست سنين، مسكت أكثر من فندق لحد ما وصلت هنا». قال هاني بفخر.



- يعني أنت عارف أن دي مش أول جريمة تحصل هنا؟
- «أيوة عارف في حادثتين حصلوا هنا في الواحة قبل كده».
- وأطرق رأسه للأرض في تعاطف مصطنع. ولكن مالك انتبه فجأة وسأله:
- «حادثتين؟» ارتبك هاني من السؤال، فكان يعتقد أن مالك قد عرف بالفعل من سؤاله.
- أيوة. قضية قتل وقضية اختفاء. مش أنت عرفت؟
- أنا عرفت من الطابيط بقضية واحدة بتاع الاختفاء، لكن ايه موضوع القتل؟
- ارتبك «هاني» للحظات غير متأكد مما سيقوله.
- في حادثة حصلت هنا من ستين، اختفاء بنت من فندق جنبنا، وقبلها بسنة حصلت حادثة زي حادثة صاحبك بالظبط، لقوا نص جثة، بس الشرطة موصلتش لحاجة والموضوع اتقفل عشان المنطقة سياحية، وأنت فاهم بقي.
- آه أنا كده فهمت، المعلومات اللي عند سامح مش كاملة، أنا لازم أرجع له.
- طب والصحفي؟
- لم يرد مالك، بل اتجه مباشرة للخارج وهو يفكر بأن الشيخ مبروك كان محققا بخصوص الجريمة التي ذكرها، ثم توقف فجأة وكأنه نسي شيئا، فعاد إلى هاني ليسأله:

- هو أنا ليه حاسس أنك مبسوط من اللي بيحصل؟ مع أن المفروض العكس، الفندق اللي أنت مديره حصلت فيه جريمة قتل غامضة وغريبة، وكمان مش أول مرة تحصل، ممكن تفهمني أنت ليه مبسوط؟
- قصدك ايه -مستر مالك-؟ أنا مش مبسوط طبعا دي جريمة صعبة، وأكد في حداها يلاقي حل للجنة اللي بتحصل دي، أنا كلمت الأونر وحكيت له اللي حصل، وهو وعدني أنه هيتصرف.
- هيتصرف في إيه؟ هو أنت فاكر فعلا، أن الجرائم دي سببها لعنة؟
- اللعنة منتشرة من زمان هنا في الواحة، وبعدين الجن والسحر، مذكورين في القرآن، ليه ميكونش اللي بيحصل ده حقيقي، وبعدين اللعنة بتوصف الجرائم زي ما بيحصل بالظبط، بيقطعوا الجسم نصين، وبعدين أنا سمعت من العساكر، أن الشرطة لحد دلوقتي مش عارفة توصل إزاي الجسم اتقطع بالدقة دي.
- مكتوبة فين اللعنة دي؟
- «أنا مش عارف الصراحة بس أنا بسمع عنها من زمان، ولما حصلت الجريمة الأولى، بقى كل الناس بتتكلم عليها». ثم انخفض صوته وتحول إلى نبرة لرجة متوسلة وهو يقول:



- ما تيجي حضرتك تقعد مع الراجل ده شوية، ده جاي من السفر مخصوص عشانك.
 - أنا مش هتكلم مع حد في أي حاجة، ببساطة لأنني مش فاهم حاجة.
 - هو عايز يتكلم معاك في علاقتك بصاحبك، مش هياخد من وقتك أكثر من ١٠ دقائق.
- نظر إليه مالك نظرة استحقار، ثم تركه وغادر متوجها مرة أخرى لمكتب سامح.

سامح

ذهب مالك إلى سامح وحكى له ما حدث، فاستمع سامح إليه بتركيز حتى أنهى مالك حديثه، ثم طلب منه الانتظار في الخارج لإجراء بعض المكالمات، وبعد مرور عدة دقائق، استدعاه سامح مرة أخرى.

- كلامك طلع مضبوط يا مالك، فعلا في حادثة حصلت من ثلاث سنين ونفس ظروف الجريمة، الخبر الكويس في الموضوع إنك طلعت برة دائرة الاشتباه، ولو عاوز ترجع القاهرة... ممكن ترجع.
- أنا مش فارق معايا أرجع أو لا، أنا عايز أعرف إيه اللي حصل لسعيد، حرام اللي حصل له ده، ملوش ذنب في أي حاجة.
- مين قال لك أنه مالوش ذنب؟ مش يمكن كان متورط في حاجة وأنت متعرفش؟

تذكر مالك التمثال فشرد للحظات قليلة قبل أن يستدرك:

- اللي أنا متأكد منه أن سعيد قبل ما يطلع الرحلة دي، مكش فيه ذرة شك عندي أنه بيعمل حاجة غلط أو متورط في حاجة، لكن أنا أعتقد أن أيا كان اللي حصل له، حصل له بعد ما وصل هنا الواحة.

وهم مالك بالوقوف للذهاب وهو يفكر ثم التفت إلى سامح وهو يرفع يده اليمنى ويشير بإصبعه السبابة لأعلى - وكأنه تذكر شيئاً فجأة:

- «هو أنتم كلمتم البنت اللي جابته الرحلة؟» سأل مالك بحرص، ورغب أن تبدوا لا مبالاة في صوته، ولكن سامح أجاب ببساطة:

- «آه بعتنا حد يسأل الشركة اللي طلعت الرحلة، بس دي شركة سياحة داخلية عادية، بيطلعوا ناس كتير للمناطق السياحية في مصر ومتعاقدين على عشر غرف في الفندق ده، ناس شغالة مع الفندق ده من سنين وملهاش علاقة خالص باللي حصل»، فكر مالك في داخله أن فتاة شركة السياحة لم تذكر شيئاً بخصوص مقابلتها مع سعيد، ربما تكون خائفة، أو متورطة في شيء ما، لهذا قرر عدم إبلاغ سامح بالمقابلة، وأن يذهب إليها بنفسه ليقرر ما إذا كانت متورطة أم لا.

- طيب أنا هارجع القاهرة، وأتمنى لو وصلت لحاجة تطمني.

- «ياذن الله». انتظر سامح لدقائق قليلة بعد أن غادر مالك مكتبه وهو مستغرق في تفكير عميق شابك اصابعه أسفل ذقنه مقتضب الجبين، ثم ضغط زر الاستدعاء على مكتبه، فدخل عسكري المكتب ووقف أمام المكتب منتظراً الأمر القادم، استمر سامح في شروده لدقيقة أخرى متجاهلاً العسكري، ثم رفع عينيه ببطء باتجاه العسكري وقال لة: «هات لي الأمين عواد بسرعة، وخلي البوفيه يعمل لي قهوة». نظر العسكري

إلى عدد الفناجين الموضوعة على المكتب بنظرة قلقة سرعان ما تلاشت، وهو يؤدي التحية العسكرية مغادرا بعد أن هتف بحماس «أوامر يا فندم». وبعد دقائق قليلة طرق الأمين عواد باب المكتب ودخل بعد أن سمع «ادخل يا عواد»، دخل عواد للمكتب وأدى التحية العسكرية بدون حماس، «اقعد»، جلس عواد مستقيم الظهر واضعا يديه بين فخذه منتظرا، «بص يا عواد أنا عايزك تجيلي بيانات كل الناس اللي دخلوا الواحة هنا من ٣ شهور فاتو...». قاطعه عواد في عدم فهم:

- «الزوار تقصد يا فندم؟».
- «لا يا عواد، أنا عايز كل واحد... الكماين اللي على الطريق من أول القاهرة لحد هنا اشتبهوا فيه وكشفوا عليه، ومش عايز آخر ثلاث شهور بس، أنا عايز آخر ثلاثة وآخر ستة وآخر سنة، كل فترة في ليستة منفصلة، ولو حد طلع عليه أحكام تخليه في أول القائمة وتجيلي كمان الملف بتاعه. مفهوم؟»
- «مفهوم يا فندم. أي أوامر ثانية؟» قال عواد وهو يهم بالوقوف.
- قدامك قدايه؟
- ٢٤ ساعة إن شاء الله يا فندم.
- قدامك ساعتين يا عواد.



— «ساعتين يا فندم؟» هتف عواد مستنكرا. فنظر سامح إلى
ساعته وقال بصرامة «بقوا ساعتين إلا خمس دقائق يا عواد،
أنا طلبت منك الطلب ده، عشان أنا عارف أنك خدمت في
الكمائن دي كلها وليك علاقاتك بكل زمايلك في الكمائن،
يعني هتعرف توصل لهم بسرعة، وبعدين أنت مش كنت عايز
تنزل إجازة؟»

— «آه والله يا فندم ده أنا بقالي أربعين يوم منزلتش». هتف عواد
بلهفة.

— طيب، خلص لي الموضوع ده وهاديك خمس أيام.

— «تمام يا فندم». هتف عواد في حماس والابتسامة تعلو وجهه
وهو يستأذن في الانصراف.

محمد الزناري

عندما أوقف مالك سيارته في المكان المخصص لها أسفل العمارة الفاخرة في تلك المنطقة الراقية التي يسكن بها، رأى سيارة والده (الحاج محمد الزناري) مركونة في المكان المخصص لها، فأطلق مالك زفرة طويلة تجمع بين القلق والأمان في نفس الوقت، فمن الواضح أن والده يدرك خطورة ما حدث، فقد كانت له مصادره التي لم يعلمها أبدا لمراقبته، وإن لم يمانع في ذلك أبدا، فهو يعلم أن والده يثق به، ولكنه قلق أب طبعي على ابنه، صعد مالك إلى شقته، ولاقاه والده بابتسامة هادئة وبعد أن تعانقا قال له والده: «تعالى الماتش هيبتي».

- مين النهاردة؟
- مين النهاردة! لا كده أنا هقلق عليك بجدة، الأرسنال هيلعب وأنت متعرفش، ده أنت بتستنى ماتشاتهم من الأسبوع للأسبوع.
- كله كوم والأسبوع اللي فات ده كوم يا حاج والله.
- «أنس». صاح والده، فحضر أنس في نفس اللحظة، وهو يحمل أطباقا من الطعام تحمل أصنافا مختلفة وضعهم أمامهما، ثم نظر نظرة سريعة إلى المنضدة ليتأكد أنه لم ينس شيئا، وسأل أن كانوا يحتاجون شيء آخر أم لا، وغادر إلى

المطبخ ليسمع الحوار القادم، كان أنس هو من أبلغ والده بحوار مالك مع سعيد وسفره المفاجئ، ولم يهتم في البداية والد مالك، فقد كان اعتاد سفريات مالك المفاجئة، ولكن عندما أبلغه صديقه، مدير أمن الغربية أن هناك تحريرات تمت عليه، وأن تلك التحريرات لها علاقة بمالك، طلب منه والد مالك معرفة حقيقة ما يدور هناك بالتفصيل، ومنه عرف بقتل سعيد بتلك الطريقة البشعة التي لم يذكرها «مالك» له في الهاتف، ولكن والد مالك لم يتخذ أي إجراء لحماية ولده، لأنه يعلم، أن مالك إذا شعر بخطر حقيقي كان سوف يتكلم معه فوراً ليطلب المساعدة، وعندما أبلغه مدير الأمن أن مالك خرج من دائرة الاتهامات، وأنه سيغادر إلى القاهرة، ذهب لانتظاره في المنزل لمعرفة تفاصيل ما حدث بالفعل ومدى تورط مالك في تلك الجريمة، وازداد قلقه عندما رأى تلك النظرة المنكسرة على وجه مالك وقت استقباله.

— الأكل ده بتاع الحاجة، نصف بطنك شوية من أكل أنس.

تذكر مالك أنه لم يأكل لأكثر من يوم كامل، ولكنه لم يكن يشعر بالجوع، بل تناول بعض القطع الصغيرة إرضاءً لوالده الذي تظاهر بمتابعة المباراة، وهو يراقب مالك بطرف عينيه، وعندما انتهى من الطعام، استدعى أنس لتنظيف المائدة وعمل القهوة، وطلب منه إحضارها للبلكونة، وهم بالقيام مستنداً على كتف مالك وهو يطلب منه الذهاب معه إلى البلكونة.

وضع أنس فنجانى القهوة وانصرف بهدوء، فتناول الوالد الفنجان،
وارتشف منه ثلاث رشفات كبيرة متتالية حتى أنهاه، ووضع الفنجان
على المنضدة وهو ينظر بثبات إلى مالك ثم سأله:

— أنا عارف أنك عمرك ما كذبت عليا في حاجة، لأنى ربيتك
على أن الكذب صفة الجبان، وأنت عمرك ما كنت جبان، أنا
بس عايز أعرف... أنت في خطر من أي نوع؟

— بصراحة مش عارف يا حاج... أنا في موقف عمري ما
تخيلته، سعيد مات أو اتقتل بمعنى أصح بطريقة غريبة
وبشعة، وأنا الوحيد اللي وثق فيه، وكلمني عشان أروح
أساعده، بس ملحقتش أعمل حاجة، ملحقتش حتى
أشوفه.

— والله يا بني أنا شوفت كتير في حياتي، حتى القتل شوفته
بيحصل قدامى وبمتهى القسوة كمان، لكن مين يقتل واحد
بالطريقة البشعة دي؟ وليه؟

— مين؟ قصدك ايه اللي يقتل واحد بالشكل ده؟
— تقصد يعني أن اللي قتله مش إنسان؟ حيوان مثلا؟
— لا يا حاج... اللي قتل سعيد ولا إنسان ولا حيوان.

تراجع الوالد إلى الخلف ببطء وهو ينظر إلى مالك مندهشا دون أن
يتحدث، فأطلق مالك زفرة طويلة تحمل الكثير من توتره ومال
بجسده للأمام وهو يهمس:

— أنا مكتتش عايز أقول لك عشان متقلقش، لكن في حاجات كتير حصلت هناك محدش يعرفها... الطريقة اللي اتقتل بها سعيد غريبة، سعيد جسمه اتقسم نصين بقطع دقيق جدا والنصف العلوي لجسمه بالكامل مختفي، اللي لقوها هناك دي نص جثة.

— يا ساتر يا رب. لا حول ولا قوة إلا بالله... لكن إزاي بتقول إنه مش إنسان؟ كده اللي عمل كده أكيد إنسان بغض النظر عن دوافعه للطريقة البشعة واختفاء نص الجثة.

— عشان كان في تمثال فرعوني مع سعيد قبل ما يموت.
— لا فهمني. تمثال إيه؟ آثار يعني؟ وأنت عرفت منين أنه معاه؟
ولا كنت عارف قبل ما تروح أصلا؟
— هشرح لك كل حاجة بالظبط يا حاج.

وبعد أن انتهى مالك من قص كل ما حدث بداية من المكالمات وحتى رجوعه إلى القاهرة، تراجع الحاج في مقعده وهو ينظر بثبات إلى فنجان القهوة الثاني والذي ما زال ممسكا به بعد أن أنهاه من أكثر من ١٠ دقائق، وطال صمته وشروده لدقائق أخرى، لم يرد مالك أن يقاطع أفكاره فلزم الصمت بدوره حتى سأله الحاج:

— الشيخ مبروك ده شكله إيه؟
— راجل كبير دقنه بيضا وشعره أبيض وطويل شوية...
— مش بقولك أوصفه لي... بسألك على انطباعك عنه.

-
- أنا وثقت فيه من أول خمس كلمات اتكلمت معاه، وده اللي خلاني أسيب له التمثال من غير ما أعرفه.
- الراجل ده هو اللي معاه مفتاح اللي بيحصل هناك، وفي حاجتين لازم نعملهم.
- إيه؟
- أول حاجة لازم نجيب التمثال منه، لأن ده الحاجة الوحيدة اللي ممكن تضرك، على الأقل بصماتك عليه.
- بس أنا لو رجعت دلوقتي ممكن يشكوا فيا تاني، ده لو أنا مش متراقب أصلا.
- صح، عشان كده مش أنت اللي هتروح.
- مين؟
- أنس
- ماشي. والحاجة الثانية؟
- لازم تروح تقابل البنت، ممكن تكون ليها علاقة بالموضوع، ومتفقة مع الناس اللي عملوا كده في سعيد.
- ودي ها أوصلها إزاي؟
- أنا هاتصرف، أنا هاجيب لك بياناتها وأنت تروح تقابلها، ومن غير ما تشك في أي حاجة، المطلوب منك تعرف، هل ليها علاقة بالموضوع ولا متعرفش حاجة؟
- ماشي. بس لو طلع اللي عمل كده في سعيد مش إنسان؟
- قصدك المقبرة ولعنة الفراغة وكده؟



- بصراحة آه. هو ده مش وارد؟
- بص يا بني أنا شفت حاجات بعيني لو سمعتها، عمري ما كنت صدقتها، لكن أيا كان الغيب والحاجات الخفية اللي ممكن ما نشوفهاش، في دايمنا حاجة أقوى من كل ده، ودة اللي بيخليني أعرف أنا ما بعد كل اللي شوفته.
- ايه هي الحاجة دي؟
- قدرة الله سبحانه وتعالى. مهما كان اللي بيواجهك، إيمانك بقدرة ربنا، يخلصك من أي شر.

أنس

تساءلت موظفة الاستقبال في فندق حورس عن طبيعة ذلك الزبون الذي يرتدي ملابس بسيطة، ويحمل حقيبة صغيرة للغاية، نادرا ما تراها في مكان عملها، فهي معتادة أن زائري الفندق دائما ما يحملون معهم حقائب ضخمة وكثيرة تناسب الأيام الكثيرة التي يقضونها في الفندق.

- سلام عليكم.
- أهلا يا فندم، أقدر أساعدك إزاي؟
- «أنا اسمي أنس وعندي حجز هنا في الفندق». تفاجأت الموظفة بالثقة التي يتحدث بها، حتى أن ابتسامة السخرية التي تحاول كبتها والتي التي لم تطف على وجهها تراجعت سريعا وهي تقول بلطف مصطنع:
- ممكن البطاقة يا فندم... تمام مضبوط يا فندم، في شنت تانية أبعت حد يجيبها من العربية؟
- «لا مفيش غير دي». وأشار إلى حقيبته الصغير، «أصل أنا راجع بكرة إن شاء الله»
- يوم واحد بس؟ أصل احنا متعودين ضيوفنا بيطولوا معنا شوية، عشان السفر والمسافة بعيدة و...
- رقم الحجرة كام لو سمحت؟ عشان عايز أنام بس.

عندما نظر أنس من شباك حجراته أدرك على الفور وجهته، كانت استراحة الشيخ مبروك قابعة على مسافة قريبة من الفندق تبدو زاهية الألوان بأشجارها وزهورها وسط أصفر الصحراء الذي يحيطها من كل الاتجاهات.

حاول أنس في ذلك اليوم، أن يستمع إلى ما يدور بين مالك ووالده، حيث كاد الفضول يقتله لمعرفة الأبعاد الحقيقية للمشكلة التي وقع فيها مالك، والتي تبدو خطيرة للغاية حتى أن والده يصل القاهرة ويتحدثا على أفراد على غير عادتهما، فأسرار ذلك البيت كله يعرفها، حتى أسرار منزل الحاج بالمحلة، فكان قد وصل لاتفاق ضمني بينه وبين خادم منزل المحلة أن يتحدثا على فترات ويتبادلا أخبار كل منزل، وحدث ذلك أول مرة عندما أراد الحاج استبدال «أنس» ب «عشري» خادم منزل المحلة، ولم يدر وقتها لماذا فعل الحاج ذلك، ولكن لم يستمر الأمر أكثر من شهر واحد، وعاد إلى منزل القاهرة بناء على طلب «مالك».

طلب منه الحاج «محمد الزناري» -والد مالك- الذهاب إلى تلك الواحة وذلك الفندق بالأخص لمقابلة «الشيخ مبروك» وأخذ منه ما أطلق عليه الحاج «الأمانة»، قرر أنس أن يستريح لمدة ساعتين للتخلص من تعب السفر، ثم يذهب للقاء الشيخ مبروك، ولكن بعد مرور عشر دقائق فقط، لم يستطع أنس أن يخرج فضوله من أفكاره، فكان يتخيل «الأمانة» وماذا قد تكون؟ هل هي أموال أو ملابس معينة،

أم ربما يكون شيئاً يخص «سعيد»، ولكن لماذا لم يأت به «مالك» معه؟ فهو قد عاد من هنا لتوه، هل يكون شيئاً خطيراً؟ ربما يكون سلاح من نوع ما؟ لهذا لم يرجع به مالك معه؟ وإن كان سلاح... فكل الخطورة ستكون من نصيبه، وربما أيضاً يكون سلاح مستخدم في جريمة «سعيد»، ولكن لماذا يفعل به الحاج ذلك. ربما لحماية ابنه، تناثرت الأفكار بداخل عقله حتى إنه لم يستطع حتى إغلاق عينيه وليس النوم، لهذا قرر أن يتجه فوراً إلى «الشيخ مبروك» لأخذ تلك الأمانة اللعينة، واشتد شعوره بالكره لعائلة «مالك»، لم يكن يكره الأشخاص، ولكنه يكره الأموال التي أتاحت لهم التحكم بمصيره، وأن يكون هو كبش فداء لابنهم، اختلطت مشاعره بين تقدير المعاملة الطيبة، والمساعدات الكثيرة التي طالما ساعدوه بها، وبين الخطر المتوقع.

انتهت خواتمه مع وصوله باب الاستراحة الحديد المزخرف ببساطة، ولكن بجمال أيضاً، وعرف على الفور أن ذلك الرجل الوقور الذي يجلس متكئاً على عصاه إنه «الشيخ مبروك»، كما وصفه مالك تماماً، لهذا توجه إليه مباشرة وقال في لهجة صدرت منه عدوانية إلى حد ما دون أن يقصد:

— أنت الشيخ مبروك؟

— «وأنت مين؟» أعاده سؤال الشيخ مبروك الأكثر عدوانية وتحفظ إلى هدوئه، فأطلت ابتسامة خفيفة على وجهه قائلاً:

— سلام عليكم الأول، معلش يا عم الشيخ بسأل عليك قبل السلام.

— «أنت مين؟»، لم تتغير لهجة الشيخ مبروك.

— انا جايلك من طرف الأستاذ «مالك»، عايز الأمانة اللي ساييها معاك.

— مالك مين وأمانة إيه؟ توكل على الله يا أستاذ.

— أنا معايا أمانة منه، قال لي أقول لك عليها. لم يجب مبروك بشيء... واستطرد أنس سريعاً: «يقول لك بأمانة الكلاب». ولم يجب مبروك بشيء أيضاً، فارتبك أنس وهو يحضر في عقله بالتحديد ما قاله مالك:

— خلي بالك من الكلاب... الخوف من الإنسان مش من الكلاب.

نظر إليه مبروك نظرة مطولة، كأنه يزن الأمور في رأسه، ثم ترك أنس وحيداً بالخارج ودخل إلى الاستراحة وغاب لدقائق، حتى أن أنس فكر إنه قد نسيه تماماً، وأخذ يفكر في كيفية الاتصال بمالك لمعرفة ماذا يفعل معه، إلا أن «الشيخ مبروك» ظهر خلف الباب آتياً من الداخل يحمل لفافة صغيرة، ابتلع أنس ريقه واشتد فضوله وهو يفحص اللفافة القادمة إليه مع الشيخ مبروك بنظرة محاولة منه لتخمين ماذا يحمل!

تجاهله مبروك وهو يعود لمجلسه أمام الاستراحة وهو يحمل اللفافة ثم سأله:

— «أنت شغال عند مالك من امتي؟». تفاجأ أنس بصراحة السؤال الجارحة بعض الشيء، رغم عدم خلوه من حقيقة، وإنما حاول تجاهل شعوره بالصغر وأجاب بلهجة ودودة

— من وأنا عيل صغير يا حاج والله، أنا وأبويا من قبلي، شغالين مع الحاج أبو مالك من زمن الزمن، بس أبويا...
— «خد يا بني»، قاطعة مبروك دون اكتراث، ومد يده إليه باللفافة، ثم واصل حديثه:

— خلي بالك على روحك، وحافظ على الأمانة لحد ما تسلمها لأصحابها، وكل واحد يتحمل مسئولية أفعاله.

تناول أنس اللفافة بلهفة فضولي، وهو ينظر حوله ليتأكد أن لا أحد يراه وهو يأخذها، كما أوصاه «مالك»، ثم أخفاها داخل ملايسه ونظر إلى الشيخ مبروك وكأنه سيقول شيئاً ما، ثم أطبق شفثيه وأشار إليه بيده مودعا وتركه عائداً إلى غرفته مسرعاً.

وضع أنس اللفافة على سرير الغرفة، ووقف شابكا يديه أمام صدره وهو ينظر بتركيز شديد إليها، فبالرغم من صراعه الداخلي طوال الطريق من القاهرة إلى الواحة، وهو يفكر إذا ما كان سيفتح الأمانة قبل العودة بها أم لا... ولكنه كان يعلم في قرارة نفسه أنه سيفتحها، وذلك لأكثر من سبب، الفضول والخوف مما قد يحمله دون أن يدري، والرغبة في اكتشاف سر جديد من أسرار «مالك»، الذي ربما



يحتاجه يوم ما للمساومة على شيء ما، لهذا كان يقف أمام اللفافة
ليحفظ شكلها الخارجي حتى يستطيع إرجاعها كما كانت، وأخيرا
تقدم وفتح بهدوء وحرص، وعندما لمع ذهب التمثال أمام عينيه،
لمعت عينيه بالمقابل حتى كاد يضيء كامل الغرفة.

هدير

- «آنسة هدير. صح؟»، استوقفها السؤال المباغت، بعد أن عبرت الشارع المقابل لمكان عملها، استعداد للعودة لمنزلها، فالتفتت إلى صاحب الصوت، فوجدت شاب يحمل وجهها هادئاً وطولاً مهيباً، بالإضافة لكتل العضلات التي لم يحاول إظهارها بملابسه الواسعة.
- مين حضرتك؟
- «أنا اسمي مالك. وكنت عايز اتكلم معاكي شوية». كانت لهجته وصوته يحملان الكثير من الجدية وأحست بمشاعر الأنتى أنه لا يرغب في شر من أي نوع، ولكنها واصلت لهجتها العدوانية.
- تتكلم معايا بخصوص إيه؟ وعرفت اسمي مينين؟
- بعذر لك على الطريقة، بس مفيش وقت واحنا لازم نتكلم.
- وقت لإيه؟ حضرتك عايز ايه بالضبط؟
- أنتي ما تعرفينيش بس بينا صديق مشترك.
- وحتى...

— «الصدیق ده اسمه محمد سعید، اعتقد أنك تعرفیه کویس».
شعرت هدير بارتباك شديد بعد سماع الاسم، ولم تدر ماذا
تقول سوى:

«أنا معرفش حد اسمه محمد سعید. مالیش
أصحاب اسمهم كده، وبعدين...»، لم يتركها
مالك لإكمال حديثها، فقاطعتها بإشارة من يده، أن
تتظر...

— «أنا عايز أقول لك متقلقش من حاجة، المقابلة التي تمت
بينك وبين سعید محدش يعرف بيها غيري، أنا مش عايز منك
حاجة غير شوية اسئلة ومش هتشفيني تاني، الموضوع مش
هيكمل نص ساعة». شعرت هدير بنبرة الصدق في حديثه،
خصوصاً أن لا احد يعلم بمقابلتها لسعيد قبل السفر، لهذا
أشارت برأسها إليه بالموافقة.

وبعد أن جلسا في ذلك المقهى المطل على النيل، ظلت هدير تنظر إلى
المياه الساكنة بنظرة خاوية وهي تستند على السور الخشبي الأنيق،
وبعد وصول مشروبات، طلبها مالك لها، باغتها مالك بسؤاله:

— مامتك عاملة إيه دلوقتي؟

— «مامتي؟» أجابت هدير مندهشة، ثم واصلت بعصبية «أنت
بتسأل عن ماما ليه؟»

— عشان أنت قلت لسعيد -الله يرحمه- إنك مطلعتيش الرحلة بسبب أنها تعبت.

— آه... آه... أيوة فعلا، بس لا... ده كان تعب عادي، الضغط على عليها بس.

— «طب وخالتك عاملة إيه؟» سأل مالك وهو يركز بنظرة على وجهها، تراجعت هدير للوراء في مقعدها وشبكت ذراعيها أمام كتفها، وقالت له بنبرة تحدي:

— «طيب واضح أنك عارف عني حاجات كتير، وعارف إني عايشة مع خالتي وأن أمي الله يرحمها، أنا بقى عايزة أعرف أنت مين، وعايز ايه بالطبط؟ قبل ما أقوم أمشي وأسيبك، وعلى فكرة أنا معمלתش حاجة غلط، رحت قابلت واحد عادي زي أي اتنين، ومفيش حاجة أصلا تثبت ده غير كلامك، وحتى لو قابلته وقلت له هاطلع معاه ومطلعتش، إيه الجريمة في كده، صاحبك مات... ده عمره، أنا مليش دعوة بالموضوع ده، لا من بعيد ولا من قريب، علاقتي انتهت بسعيد من لحظة لما طلع اوتوبيس الرحلة، وعلى فكرة سعيد مش أول واحد اقبله وأقنعه يطلع الرحلات دي، ده شغلي وأكل عيشي، أنت بقى شكلك ابن ناس وغني، متفهمش في الكلام ده، باين عليك من عربيتك وكلامك وشكلك، أنا قلت اللي عندي، ومش فارقة معايا هتشوفني إنسانة وحشة،

بتاعة مصلحتها، بتضحك على الشباب، مش فارقة، ما كل الشباب بتضحك على البنات، ولأغراض أسوأ من كده مليون مرة، أنا عندي هدف في حياتي، ولازم أحققه، بأي طريقة شريفة، ومقابلتي لكام ولد عشان الشغل -من وجهة نظري- مفياش حاجة عيب، ممكن العيب لو كنت بطلع معاهم الرحلات دي فعلا».

كانت تتحدث بانفعال واضح، حتى أن مالك لازم بالصمت حتى أنهت حديثها، وهو ينظر إليها بثبات دون أن يبدي أي ردة فعل، ثم ارتشف رشفة صغيرة من قهوته وقال في اقتضاب «أنا مصدقك، وشكرا على وقتك»، هدأت هدير بعد سماعها لكلامه، ونظرت إليه بعد أن كانت تنظر إلى المياه، وقالت في ارتباك: «هو أنت صاحبه بجد؟ ولا شغال مع المباحث ولا إيه؟»

— انا الصراحة مش صاحبه بمعنى صاحبه، ولا مباحث طبعاً، أنا كنت أعرفه عن طريق صديق مشترك.

— صديق مشترك بردو؟

ابتسم مالك ابتسامة خفيفة وقال: «آه، وسعيد كلمني بعد ما سافر وطلب مني مساعده في موضوع كده، بس للأسف ملحقتش»

— هو إيه اللي حصل بالظبط؟ بصراحة أنا عندي إحساس بالذنب، عشان أنا كنت السبب إنه طلع الرحلة دي،

واللي عرفته أنه اتقتل بطريقة بشعة، بس معرفش أي حاجة تانية.

- هي الطريقة كانت بشعة فعلا، الأفضل ماتعرفش.
- ماشي، أنا أسفة لو كنت انفعلت عليك، بس أنا قلقانة وخايفة من ساعة الموضوع ده، وخصوصا لما جه ظابط حقق معانا، مقلتش طبعاً إني قابلته، قلت لهم إني كلمته عادي زي باقي البيانات اللي بتجيلنا من الشركة ووافق وخلاص.
- والشركة بتجيب البيانات دي إزاي؟
- لا دي معرفش، احنا بيجيلنا بيانات بصورة دورية، أسماء وأرقام تليفونات وسن وفصيلة دم، بنكلمهم ونقلول الاسكريبت اللي معانا ونحاول نقنعهم يطلعوا، وكل فترة بتجيلنا مجموعة بيانات جديدة، بس بتبقي بعمولة زيادة، تقريبا الضعف، ودي كان منها بيانات سعيد صاحبك.
- اشمعني الضعف يعني؟
- معرفش بس صاحب الشركة نفسه هو اللي بيعتها، يقولوا بتبقي تظبيط تارجت بين الفنادق وشركات السياحة.
- والحكاية بتحصل كتير؟
- لا أنا بقالي سنتين في الشركة، دي ثاني مرة تحصل، والأعداد مش بتبقي كتير.
- هو ايه علاقة فصيلة الدم بالموضوع؟



- معرفش، بس ممكن يكون عشان لو حصل حوادث أو حاجة.
- ممكن فعلا، عموما أنا متشكر ليكي وآسف على إزعاجك مرة ثانية، أنا لازم أمشي دلوقتي، تحبي أوصلك لأي مكان؟
- لا مفيش مشكلة، أنا هاتصرف.
- اتفضلي ده رقمي في الكارت، لو احتاجتي أي حاجة كلميني. ناولها كارت المعرض. فتناولته ونظرت إليه قائلة في سخرية: «صاحب معرض قماش! مش قلت لك ابن ناس وغني؟»
- «كلنا ولاد ناس، بعد إذنك».

المدرس

كان قد انقضى أكثر من ساعة و«سمير» ما زال يجلس في غرفة التحقيق منتظرا ضابطا ما، كان يعرف أساليبهم جيدا، فتلك الطريقة القديمة المستخدمة في التحقيقات، بأن يتركوه مدة كبيرة من الانتظار حتى تتحطم أعصابه، فيكون اعترافه أسهل، وأفكاره مبعثرة، ولكنه لم يعرف ما سبب ذلك التحقيق بالتحديد، فهو قد أنهى مدة عقوبته منذ أكثر من سنة، ولم يفعل شيئا مخالفا للقانون منذ أن خرج، من المستبعد أن تكون تلك الدروس الخاصة التي يعطيها لأبناء الواحة هي سبب استدعائه، خصوصا إنه تم استدعاؤه بطريقة مهذبة إلى حد ما، فقد أتى عسكري إلى المنزل وأبلغه أن الضابط ينتظره لمناقشة شيء ما، ولم تكن هناك قوة من المركز، بل فقط هذا العسكري.

قاطع أفكاره فتح الباب، ودخول أحد الأشخاص الذي يبدو أنه الضابط الذي استدعاه، وكان يبدو مشغولا بملف ما يحمله بيده وهو يقلب أوراقه دون أن ينظر إليه، وتوجه لمكتبه، ثم وضع الملف أمامه ونظر إليه، ثم سأل:

- «أزيك يا سمير؟ تشرب شاي؟» ودون انتظار إجابة ضغط زرا على المكتب وطلب كوبين من الشاي.
- ممكن أعرف أنا هنا ليه حضرتك؟

- طبعاً... حقك... أنت هنا بسبب القضية اللي عليك... قضية الآثار المزورة.
- أيوة بس سعادتك أنا خرجت منها خلاص، اتعاقبت وأخذت جزائي وتبت الحمد لله، وبعدين زي ما سيادتك أكيد عارف، دي كانت قضية شروع في نصب، وأنا والله مكتتش أعرف أنها مزورة، ولا لحقت أطلع حتى من بيتي بيها.
- أيوة بس كلمت الوسيط واتفقت معه على ميعاد للمعاينة، وبعدين أنت زعلان أنها طلعت مزورة، أنت عارف لو طلعت حقيقية كنت خدت كام سنة؟
- «والله يا باشا لو طلعت حقيقية، مكتتش اتمسكت أصلاً». رد سمير وكأنه يحدث نفسه.
- طيب بص يا سمير، أنا جايبك هنا عشان أسألك سؤال واحد محيرني في قضيتك بعد ما قرئت ملفك.
- اتفضل يا باشا؟
- في أقوالك قلت إنك لقيت التمثال في بيت الشيخ رجب، صح؟
- أيوة، والله لقيته في بيته، وأنا كنت بدّي ابنه الدرس.
- احكي لي لقيته إزاي.
- الشيخ رجب مكش موجود في البيت، وأنا كنت بذاكر لابنه، وبعدين الباب خبط، والواد راح يفتح الباب، وبعدين جه واحد معاه حاجة ملفوفة في قماش كثير، فأنا سألت الولد -



بدافع الفضول - «ايه ده يا حسن؟» قال لي دي حاجة واحد جايها لأبويا من مصر، حطها على الكنبه وكملنا الدرس، بس أنا دماغي كانت بتاكلني، عايز أعرف إيه اللي في اللفه دي، طلبت منه يعمل لي كباية شاي، طلع هو الدور اللي فوق عند المطبخ يطلب من الجماعة بتوع الشيخ يعملوا الشاي، وأنا قمت بسرعة فتحت اللفه لقيت جواها التمثال - الله يحرقه بجاز - محستش بنفسي غير وأنا بحطه في جيبني، وجبت شوية ورق من عندي كرمشتهم في بعض، وحطيتهم وسط اللفه وقفلتها تاني ورجعت مكاني بسرعة. بس سعادتك، ده اللي حصل.

— الغريب بقى - وده اللي خلاني أجيبك النهاردة - أن الشيخ رجب مبلغش عن السرقة.

— ما هو ده طبعي يا باشا.

— طبعي إزاي؟

— يعني يا باشا، هو أكيد عارف أن التمثال ده مكش أصلي عشان كده مالوش لازمة، ولو حتى مكش يعرف إنه مضروب، مكش يبلغ بردو عشان ميدخلش برجله في قضية آثار.

— طيب ما أنت بتفكر كويس اهو ... أومال اتمسكت إزاي؟ مكتوب في أقوال لك إنك حاولت تتصل بواحد في القاهرة يتوسط في البيعة، صح؟

— والله يا باشا حضرتك ضابط، وأكيد عارف أننا في منطقة أثرية، وأنا مش أول واحد يلاقي آثار، حتى لو مضروبة، فتكلم ناس، والناس تكلم ناس، لحد ما نوصل لسكة، وكله بيبقى طمعان في حته.

— وأنت بتنزل القاهرة كتير ليه الفترة دي؟

— والله سعادتك الشغل هنا بقى صعب، معلش يعني، احنا كمدرسين عايشين على الكام درس في بلد صغيرة زي بلدنا، ودلوقتي حتى دول مش لاقيهم، هو مين حد عاقل في الدنيا، يدخل بيته واحد كان محبوس، فأنا بنزل أدور على شغل في القاهرة أو في بحري عموما، وناوي أسيب البلد كلها، بس كنت هابلغكم طبعاً لو حصل نصيب واتقبلت، أنا عارف إني مش هاشتغل مدرس في مدرسة، لأن مفيش مدرسة هتقبلني فبدور على حاجة في المراكز الخاصة، الموضة الجديدة، الدروس الخصوصية بعد ما قنوها سعادتك.

— ماشي يا سمير، تقدر تتفضل، وزى ما أنت قلت، لو جالك شغل في أي مكان تاني لازم تبلغ.

— تمام سعادتك. ورفع يده بالتحية العسكرية بيده اليسرى وهو ينحني خارجاً.

ابتسم سامح للتحية العسكرية الخاطئة للحظة واحدة، ثم أشعل سيجارة وهو يراجع بعض النقاط في الملف للمرة الأخيرة، ثم أطلق زفرة طويلة مصحوبة بدخان سيجارته وأغلق الملف، ثم ضغط زر

على مكتبه، فدخل عسكري الخدمة مؤديا التحية العسكرية، فطلب منه إحضار «عواد» وعمل قهوة.

دخل عواد بعد دقائق قصيرة ووقف في انتظار سامح، الذي كان يضع أمامه ملفين ويبدو وكأنه يحتار فيهما أيهما يختار.

— عواد، أنا طلبت منك ملفات الناس المشتبه فيهم الذين يترددون على الواحة من ثلاث شهور فاتوا صح؟

— تمام سيادتك، ولقيت ثلاثة مشتبه فيهم، واحد إرهابي، وواحد كان ممسوك نصب في قضية آثار مزورة، والأخير كان متهم بخطف مراته وعشيقها لكن مخدش حكم.

— أنت قرئت الملفات دي؟

— لا والله يا فندم، جبتهم على سيادتك على طول.

— طب تفتكر مين يبقى المشتبه فيه الأول؟ الإرهابي ولا النصاب ولا القاتل؟

— والله يا فندم أنا أشك في النصاب الأول.

— ليه؟

— طبيعة الجريمة اللي حصلت بتقول كده، النصاب ده كان بيع آثار مضروبة، وأعتقد سيادتك أنه مكش يعرف أنها مضروبة، يعني هو كان بيع آثار، وطبيعة الجريمة اللي حصلت للشاب، ومكان حدوثها وسط الصحراء، يمكن يكون أقرب حاجة لشغل الآثار، ممكن يكون الشاب كان جاي ياخذ منه

حاجة أو وساطة من أي نوع واختلفوا، فقتله، ومثل بجثته
عشان يلبسها لحوار اللعنة المنتشر في الواحة من زمان ويبعد
عنه الشبهات.

لم يستطع سامح إخفاء نظرة الإعجاب في عينيه وهو يقول «تحليلك
دقيق يا عواد، وللأسف ده نفس اللي فكرت فيه، بس للأسف بردو
مش هو، ده مدرس غلبان، كل جريمته أنه طمع، ولقى الجريمة سهلة
قدامه، فكمّل وداس، بس لأنه مش مجرم بطبعه، مش عنده أهم صفة
في المجرمين، وهي الحرص»

— سيادتك قلت للأسف... معنى كده أن سيادتك استبعدته؟

— مؤقتاً أيوة، ها... تفكر مين المشتبه فيه الثاني؟

— والله أنا شايف الإرهابي.

— ولية مش التالت؟

— التالت ده سيادتك تهمة، قتل أو خطف عشان كان بيدافع عن
شرفه، مراته وعشيقها، أنا مقرتش الملف بس أنا مستبعده من
الأول.

— انا أستبعد الإرهابي. عارف ليه؟ هو معملش حاجة فيها قتل
أو شروع ولا حتى تهديد، ده قضيته كلها سياسية
— طب يبقى فاضل واحد.

— هو ده. أنت عارف إنه طلع براءة لعدم وجود الجثث، وهو
أقنعهم في التحقيق أنهم هربوا مع بعض واختفوا، بس
التحريات بتقول كلام تاني خالص.



- بتقول ايه يا فندم؟
- الراجل كان بيشتغل أساسا جزار، حتى اسم الشهرة بتاعه
الجزار، بس مش عشان شغلته، عشان الطريقة اللي قتل بها
مراته وعشيقها، مفيش حاجة اثبتت عليه لحد دلوقتي، بس
في كلام متداول في المنطقة اللي كان فاتح فيها محله.

أنس

جلس مالك على المقعد المواجه لمكتب المعرض الرئيسي، والذي كان يجلس عليه والده، يراجع بعض الحسابات ويستفسر من مالك عن بعض الأشياء التي لم تكن واضحة، ولكنه لاحظ شروذ ولده غير المعتاد أثناء العمل، لهذا سأل:

- لسة تليفونه مقفول؟
- أيوة، رغم إنه كلمني، وأكد لي إنه أخذ الأمانة من الشيخ مبروك، والمفروض كان يجي من يومين، بس من ساعتها اختفى.
- والشيخ مبروك مش معاه تليفون نسأله؟
- معرفش... بس ده راجل عايش وحيد في قلب الصحراء، أكيد مش محتاجه، وأصلاً مفيش شبكة حتى نتصل بيه.
- كلمت أمه في الصعيد؟
- كلمتها، قالت لي بقاله ثلاث أيام مكلمهاش، وهي كمان قلقانة عليه، وقلقت أكثر لما كلمتها.
- المفروض مكتتش كلمتها.
- «ما أنا عارف، بس ملقتش حل ثاني قدامي». نظر إليه والده بنظرة تفهم، ثم استطرد:
- تفكر يكون طمع؟

-
- أنت اللي مربيه يا حاج، معتقدش أنه يعمل كده.
- انا اللي مربيه آه، بس الواد عمره ما كان زي أبوه، أبوه كان راجل جدع وأمين، أنا كنت اعتبره صديق ليا، وياما أخذت رأييه في حاجات، حتى الشخصية منها، أنت تعرف إنه كان صاحب فكرة اني أسيلك المعرض، وأروح أنا المصنع، رغم أنك كنت لسة صغير، بس هو كان شايفك صح.
- أنا عارف أن «أنس» مش زي أبوه، وكنت بلا حظ إني دايمًا مترقب، ويسمع كل مكالماتي وهو في المطبخ، بس بردو كنت عارف أنه بيعمل كده عشان يطمئنك عليا، ويكسب بنطة عندك بردو، ومكنش عندي مشكلة في كده.
- بس اللي متعرفوش يا أستاذ، أنه كان بيعمل كده بتعليمات مش بمزاجه.
- تعليمات منك أنت؟ أو مال إيه الثقة، وسايب لي كل حاجة وبتاع؟
- يا واد استنى، التعليمات مكنتش مني، دي من الحاجة مباشرة. وأطلق ضحكة قصيرة قاطعها رنين هاتف مالك، الذي نظر إلى الشاشة باستغراب، ولم يحرك ساكنا، حتى انتشله صوت والده:
- مالك يا بني تنحت ليه؟ مين بيكلمك؟
- ده رقم هدير، البنّت بتاع...
- عارفها، ما ترد عليها يمكن في حاجة جديدة.

— ألو، أيوة يا هدير ازيك؟ ثم صمت لدقيقة كاملة وبدأ
على وجهه الاهتمام الشديد، ثم أنهى المكالمة معها،
فسأله والده:

— عايزة إيه؟

— الموضوع فيه حاجة غريبة يا حاج.

— ايه الغريب؟ قالت لك ايه؟

— لما اتقابلنا... قالت لي أن بيانات معينة للزبائن المحتملين
بتجيلها كل فترة، ويبقى العمولة بتاعتها أعلى.

— ماشي واية المشكلة؟

— البيانات دي بيبقى فيها الاسم والسن والتليفون وفصيلة الدم.

— ماشي بردو.

— لما سألتها المرة اللي فاتت، بيعتوا لكم فصيلة الدم ليه،
قالت لي عشان لو حصلت إصابة أو حاجة.

بدأ الاهتمام يتزايد على وجه الحاج، واعتدل في مجلسه أكثر من مرة،
وهو يقطب جبينه ويبدو عليه التفكير الشديد في كلام مالك ثم سأل
ببطء:

— وبعدين؟

— هدير قالت لي دلوقتي إني لفت نظرها، لما سألت عن فصيلة
الدم، فلما رجعت الشغل طلعت البيانات اللي كان فيها اسم
سعيد -الله يرحمه- ولقت حاجة غريبة.



- لقت إيه؟

نظر إليه مالك ثم أجاب في هدوء كأنه غير مستوعب:

- كل البيانات اللي جاتلها... فصيلة دم واحدة.

سامح

- «صباح الخير يا سامح، أخبارك ايه؟»، تفاجأ سامح بتلك المكالمات من مديره في ذلك الميعاد المبكر للغاية، فالساعة لم تصل السادسة صباحا بعد، ولكنه أدرك أن الأمر خطير، لهذا جمع شتات نفسه سريعا، وهو يرد عليه بحذر:
- صباح النور يا فندم، أوامر سيادتك.
- أنت كنت بتحقق من كام يوم مع واحد اتمسك في قضية نصب، كان يبيع آثار مزورة، صح؟
- «تمام سيادتك»، رد عليه سامح وهو ما زال يتسائل عن علاقة الشخص بالمكالمة.
- «التمثال اللي كان بيعه شكله ايه، تعرف؟»، تفاجأ مرة أخرى بالسؤال، ولكنه أجاب سريعا:
- أيوة، شفت صورته في الملف، تمثال ذهبي على شكل ملك فرعوني شايل فأس أو حاجة شبة الفأس، بس الوش، وش قطعة.
- أنت طبعا مستغرب اسئلتني.
- أكيد سيادتك بتفكر في حاجة، لسة أنا مفهمتهاش.

— في واحد جه من أسبوع الواحة ونزل في فندق أحمس، اللي
حصلت فيه الجريمة، اللي بتحقق فيها، الراجل ده جه يوم
واحد ومشي.

رد سامح دون فهم: «مممكن سيادتك يكون جالة ظرف بعد ما وصل
هنا فرجع تاني، بتحصل»

أكمل المدير دون أن يبدو كأنه سمع شيئاً: «الراجل ده قابل الشيخ
مبروك فقط، مدخلش حتى الصحرا يعمل مكالمة تليفون، زي كل
الزوار، اللي يهمننا ايه في الموضوع؟ الراجل ده يبقي شغال عند مالك،
اللي كان المتهم الأول في القضية».

— «أكيد بعته يجيب حاجة كان نسيها» أكمل المدير مرة أخرى:
— «الراجل ده لقوة بعد أسبوع لما رجع من الواحة في أسوان...
مقتول».

هنا لم يقاطعه سامح، بل بدا عليه الاهتمام الشديد، وتابع المدير
حديثه «لحد هنا، مفيش إثارة، خد اللي جاي بقى، عارف انتقتل
إزاي؟»

— «لقو نص جثته؟» أجاب سامح بتوجس وصوت منخفض.
— لا لقوا النصين.
— نصين؟

— أيوة، الجثة كانت مقطوعة نصين بس موجودين، مفيش نص
مختفي زي القضية بتاعتك، لكن المعاينة الأولية تشير لنفس
طريقة القطع.

— طب سيادتك، كنت سألتني على التمثال في الأول، ايه علاقته
بالموضوع؟

— علاقته أنهم لقوا التمثال جنب الجثة.

— واضح يا فندم أن التمثال ده مزيف... بس لعنته حقيقية.

— أنا عايزك تنزل القاهرة، تفتح التحقيق مع مالك تاني، وتعرف
ايه اللي بيحصل بالظبط، في حلقة مفقودة في اللي بيحصل ده،
ومش هنقفل القضية غير لما نوصل إلى اللي ناقص.

— تمام سيادتك، وبعد المعلومة الجديدة دي، كده مش مستبعد
أن سعيد كمان كان يعمل حاجة مخالفة وعشان كده اتقتل،
تمام سيادتك، في كام حاجة ضرورية جدا هعملها هنا الأول،
وبعدين هاتحرك على هناك، أنا بكرة إن شاء الله هكون هناك.

وبعد أن أنهى سامح المكالمة مع مديره، أمسك قلمه ومجموعة
أوراق صغيرة، مخصصة للالتصاق على الأسطح، وأخذ يكتب كل
معلومة أكيدة بلون معين، والمعلومة التي يشك فيها دون دليل لون
آخر، وأخيرا المعلومة الناتجة عن حدسه الخاص دون دليل بلون
آخر، وجمع الأوراق على الحائط المقابل لسريه بترتيب معين،
وأخذ يرسم خطوطا متقاطعة بين المعلومات المشتركة، حتى
اجتمعت كل الخطوط في اتجاه ثلاث اشخاص، مالك، مبروك



والجزار، شبك يديه أمام صدره وسكن تماماً لدقائق، لم يكن يتحرك فيه شيئاً سوى عينيه وأفكاره، ثم عقد حاجبيه بعزم وإصرار وهو يهز رأسه لأعلى ولأسفل وكأنه يؤكد لنفسه حقيقة ما توصل إليه، ثم أخرج هاتفه وطلب أحد مساعديه: «اسمع كويس وركز في اللي هقوله».



الجزار

جلس «الدكتور عمران» مع اللواء بهاء، في مكتب الأول بمستشفى العمران ودار بينهم ما يلي:

— مبروك يا دكتور. عملية ناجحة والراجل مبسوط أوي.

— الله يبارك فيك يا بهاء، العملية كانت صعبة جدا فعلا، لأن الراحل سنه كبير، بس الحمد لله مشيت كويس، لولا أن الجزار لحقنا في الوقت المناسب، كان طار الزبون ده، وكنا هنخسر كثير.

— مش الجزار اللي لحقك يا دكتور... أنا اللي لحقتك، كالعادة يعني.

— أيوة طبعا، ده أنا بعد الموضوع الأخير اللي حصل، وقلت خلاص كده مش هنعمل حاجة تاني... لكن فكرت أننا نغير المكان بمكان جديد، كانت في الجون. بس أهم حاجة، الموضوع يمشي في نفس الاتجاه، مش عايزين حد يفكر غير في العفاريات وبس.

— متقلقش يا دكتور. أنا مرتب كل حاجة مع الجزار.

— بس سيبك أنت، الجزار ده لقطة، أنت لقيته فين؟

— الجزار ده قصة طويلة، أول ما شفته عرفت أني مش هسييه،
قلبه ميت حرفيا، وبعدين مكنش حد هيعرف يعمل اللي
بيعمله ده غير واحد زيه.
— وأنت عرفتة منين؟

نظر «بهاء» إلى ساعته، ثم قال:

— هأقول لك، هي قصة طويلة شوية، بس احنا معانا وقت لحد
معالي الوزير ما يوصل.

لم يكن يستسلم للتعب أو إرهاق أو حتى نوم يطلبه عقله قبل جسده،
فدائما ما يشتعل نشاطا عندما يمارس مهنته، لم يكن فقط يحب
المهنة، بل كان يتلذذ بها إلى أقصى الدرجات، فعندما أجبره والده
على ترك المدرسة صغيرا ليعمل، حتى يتكلف بمصاريف دراسته،
والتي كان الاثنان يريا ألا طائل منها ولا فائدة، جرب جميع المهن
التي تناسب مؤهلاته كمراهق في الرابعة عشر من عمره، بداية من
مساعد في صالون حلاقة، وصبي في قهوة، وحتى مع عمال الإنشاءات
في المباني الجديدة، لم يستمر طويلا في أي منهم، بل كان ينهي عمله
بطريقة عنيفة، عن طريق الشجار مع أحد الزملاء العاملين بنفس
المهنة، أو حتى مع صاحب العمل نفسه، كان يبدي اعتراضه على
المهنة ككل، عن طريق الشجار المستمر مع أقرانه فيها، لم يكن قوي



الجثمان، أو يحمل شيئاً يؤهله لكل تلك الشجارات سوى شجاعته، وعدم رهبته من أي شخص مهما كان حجمه أو سلطته، وأحيانا كثيرة كانت تؤدي شجاعته -المبالغ فيها- إلى نتائج عكسية تماما، فتخيل أن يدخل معركة في مواجهة خمس أشخاص، أقلهم ضعفه في الحجم والسن، لم تكن النتائج كلها فوز بالتأكيد، ولكن لم يكن كل شيء يحدث له هو سيء تماما، فكثرة تنقلاته بين المهن، وأوصلته أخيرا لمحله جزارة، صاحبه رجل صالح، يجيد التعامل مع المراهقين أمثال «إمام»، فعندما بدأ عمله معه، احتواه جيدا، وعلمه أساس العمل، والذي يبدأ من تولي مهام النظافة، شاملة الدم بعد الذبائح وحتى الفضلات في الحظيرة الصغيرة الملحقة بالمحل، ولكن إمام لم يعترض قط، بل بدا سعيد، وخصوصا في يوم الأربعاء من كل أسبوع، وهو يوم الذبح، فكان يراقب المعلم والمساعدين أثناء عملية الذبح، وعندما يرى مشهد الدماء التي تفور من رقبة الذبيحة، يشعر بالارتياح يغمره، لم يعرف سببه، ولكنه كان يومه المفضل في الأسبوع، خصوصا عند عودته إلى البيت لوالدته يحمل إحدى قطع العظم الكبيرة، وبعض قطع اللحم التي لا يشتريها زبائن المحل، واستمر «إمام» طويلا في تلك المهنة، دون الدخول في مشاجرات مع أي من زملائه، وبالطبع صاحب المحل، وطالما أصر أن يعلمه المعلم الطريقة الصحيحة للذبح حسب الشريعة، ولكن المعلم كان يطالبه بالانتظار دائما، وبعد فترة من العمل، بدأ يشعر بنوع غريب من الشفقة على الحيوان المذبوح، وكان يتساءل هل يتألمون، وخصوصا عندما

يكتفون، ويلقون أرضاً، وتجحظ أعينهم تجاه من تقع عليه من الواقفين، وكأنهم يطالبون بالرحمة، أو الغيث مما هو آت، وبعض الأحيان يقوم المعلم بضربهم على رأسهم عدة مرات قبل الذبح، ولكنه يعود ليفكر في نفسه: أليسوا مجرد حيوانات، خلقت للذبح وإطعام الإنسان؟ وعندما وجه أسئلته للمعلم مترددا ومتوقعا السخرية من مشاعره، إلا أن المعلم أجابة بجدية:

— ده أمر طبيعي، لأنها أرواح خلقها الله سبحانه وتعالى وبتحس زينا، لكن برده خلق الحيوانات عشان الإنسان يتغذى عليها وتعيش ذريته، ولكن ربنا وصى عليهم بالرحمة في الذبح ووضع لها قوانين محددة، لا يكون الذبح إلا حلالا، غير لما تطبق الشروط دي، الشروط دي ربنا عملها لسبيين؛ أولهما أن الحيوان ما يتألمش، وثانيهما أن لو الحيوان اتذبح بطريقة غير دي، الذبح هايكون مش نضيف، وده ممكن يؤدي لأمراض عند الإنسان نفسه -سبحان الله- وده عشان الحيوان ما يتألمش لحد ما يموت أو تخفف عنه الألم لأقصى درجة ممكنة، وبعدين أنت هتعود واحدة واحدة على المنظر ده، وعشان كده احنا مش بنخلي الحيوانات تفضل في الزريبة بتاعتنا لمدة كبيرة، بنجيبها قبل الذبح بيوم أو يومين بالكثير وبعدين نسمي الله عليهم.

شعر إمام بشيء من الارتياح بعد كلام المعلم له، وأحب مهنته أكثر وأكثر، وطالما طلب من المعلم أن يتعلم بنفسه طريقة الذبح

الصحيحة، حسب الأصول الشرعية التي حددها الله، ولكنه دائماً ما كان يجيبه «إن شاء الله قريب»، ولم يتذمر أو يبدي أي انزعاج، بل واصل عمله الشغوف الجاد بحماس أكثر من الأول، حتى الزبائن كانوا يجزلون له العطاء عند توصيل طلباتهم بابتسامة لطيفة. وبعد مرور عدة أشهر، و«إمام» ما زال في الانتظار، استدعاه المعلم، وبدأ حديثه معه، قائلاً:

- «فإذا قتلتم فأحسنوا القتلى، وإذا ذبحتم فأحسنوا الذبح، وليحد أحدكم شفرته، فليرح ذبيحته»، حافظ الحديث ده يا إمام؟
- طبعاً يا معلم، ده أنت معلقه فوق مكتبك، وبقره كل يوم وأنا بنصف.
- طب فاهم الرسول (صلى الله عليه وسلم) كان يقصد إيه بكلامه؟
- كان يقصد أننا ما نعذبش الذبائح قبل ما ندبحها.
- تمام، وكمان أصر على أن الشفرة اللي هي السكينة أو الساطور دلوقتي تكون حامية، ليه؟ عشان في فرق بين الذبح والتقطيع، لو السكينة تلمة هتقطع في جسم الحيوان، عشان كده لازم تكون تذبح مش تقطع. فاهم؟
- أيوة، فاهم يا معلم.
- طيب عارف احنا ليه بنسيب البهيمة ترفس لحد ما تسكت خالص؟



- لا مش عارف دي.
- عشان الترفيس ده بيخلي العضلات تخرج كل الدم اللي فيها. والدم ده هو سبب أمراض كتير بتيجي للإنسان لو أكل الذبيحة وهي لسة بدمها، عشان كده ربنا مقالش اضربوهم أو غرقوهم في مياه، أو أي طريقة تانية، لازم ذبح ولازم الدم كله يخرج.
- سبحان الله.
- «شوف المعزة البني اللي مربوطة جنب السور دي؟» وأشار بيده تجاهها.
- أيوة شايفها.
- فكها وهاتها.
- أحضر «إمام» المعزة، ووضعها أمام المعلم، فوضع يده على ظهرها بهدوء، ولكن بحزم حتى سكنت ولم تتحرك ثم رفع يده الأخرى عنقها بحركة هادئة، وأشار بإصبعه إلى نقطة محددة في العنق وأشار لـ إمام بعينه عارف ده ايه؟
- «دة العرق اللي يطلع منه الدم». ثم أشار المعلم بإصبعه في الاتجاه المقابل للعنق ونظر إليه دون سؤال.
- ده العرق الثاني.
- ترك المعلم المعزة وأشار إليه باسترجاعها لمكانها بطرف عينه. وعندما رجع إمام للمعلم أكمل حديثه:



- العرقين دول لازم بيتفتحوا مع بعض في نفس الوقت بالظبط.
- «تمام يا معلم»، شعر «إمام» بخيبة أمل، لأنه توقع أن تكون تلك تجربته الأولى بعد كل تلك الدروس.
- «يوم الأربع تذبح الذبيحة دي». طار إمام من الفرح بداخله، ولم يكف عن شكر المعلم حتى نهره بصرامة وطالبه بأن «يشوف شغله».

مرت الأيام بطيئة، حتى وصل اليوم المنشود، وارتدى إمام ملابس جديدة، حيث إنه تقدم للتو خطوة كبيرة في عمله، في مهنة الجزارة درجات، وليس مسموحا لأي أحد بخطوة إزهاق روح الحيوان، كانت تعتبر نوع من أنواع الترقية، وخصوصا إنه لم يكن قد قضى وقتا طويلا في تلك المهنة، وعندما وصل إلى المحل، استدعاه المعلم قبل أن يبدأ، ليعطيه بعض النصائح الأخيرة:

- بص يا إمام، من شروط الذبح -التي أقرها الله سبحانه وتعالى- أن اللي يذبح، و ذبيحته تكون حلال قدام ربنا، إنه يكون رجلا عاقلا، ورغم أنك لسه صغير لكن أنا بعترك راجل في مسئولياتك، وربنا اداك عقل أكبر من سنك، فايلا نتوكل على الله.

وابتدأت إجراءات الذبح، من ربط الذبيحة، وسن السكين المخصص للذبح، ومستمعا جيدا لكل تعليمات المعلم، تحسس رقبة الذبيحة بأصابعه، وتأكد من مكان العرق المنشود في كلا طرفي الرقبة، ثم سمى

الله وبدأ بالذبح، وعندما انفجرت العروق بالدماء اللزجة الساخنة، التي أغرقت يدها وبعض أجزاء من وجهه، تراجع للخلف خطوة، بدفعة بسيطة من المعلم، الذي كان يقف وراءه وهو يوجه تعليماته لباقي المساعدين، لم يكن إمام يسمع شيئاً مما يقال، كان في لحظة نشوة لم تصبه من قبل، كان ينظر إلى عيني الذبيحة وهو يشعر بقوة شديدة تغمره، اختفت كل مشاعر الشفقة التي كانت تصيبه على أي حيوان يراه يذبح أمامه، بل شعر أن هذا الحيوان هو ملكه، وهو ربه، أخذ حياته، بدون عناء وبمتهنى السهولة، لم يخرج من أفكاره سوى هزة المعلم لكتفه، وهو يطالبه بأن يحضر بعض الأواني، بها بعض الماء لإتمام عملية النظافة.

وبعد انتهاء اليوم، وأثناء عودته إلى البيت يحمل كيساً به بعض أفضل أنواع اللحم من ذبيحته، كمكافأة له من المعلم، كان يسير هادئاً مستمتعاً بالسير، وهو ينظر إلى المارة حوله نظرة سخرية خفيفة، كأنه يقول «أنتم لا تعرفون ما أنا أعرفه، لن تشعروا أبداً بتلك القوة المطلقة، أنا اليوم إله لإحدى المخلوقات، أخذت حياته بيدي، حتى وإن كانت مجرد معزة، ولكنها روح، وأنا أخذتها»

استمر إمام بعمله، مستمتعاً به كأفضل ما يكون، وكان ينتظر يوم الأربعاء من كل أسبوع، كأنه عيد للتمتع بتلك النشوة أكثر فأكثر.

ومرت الأعوام، وكبر إمام وتوفي المعلم، لهذا قرر إمام أن يفتح محله الخاص، بعد أن وفر شيء لا بأس به من عمله، وبالفعل، لبس إمام ثوب المعلم، بدلا من الصبي، وإن كان يصبر على القيام بعملية الذبح بنفسه، حتى يشبع تلك الرغبة الخفية برؤية ولمس الدماء الساخنة، واستقرت أموره المادية، وقرر الزواج بإحدى قريباته، مثلما نصحته والدته، وبعد أن اشترى بيتا بدورين، كعلامة الثراء في تلك المنطقة الشعبية التي يسكنها، تم زواجه بقريته، كان زواجا تقليديا يخلو من المشاعر وإنما لا يخلو من المجاملات، ولم يرزق بأطفال، حتى مع إصرار والدته وزوجته بالذهاب لأحد الأطباء، لم يستمع إليهم أبدا، في الحقيقة لم يكن يرغب في أطفال، إلا بسبب استكمال صورته الرجولية أمام من حوله.

وفي أحد الأيام، وعلى غير العادة، شعر بتوعك شديد في معدته، وبعد أن قاوم لعدة ساعات لم يستطع المواصلة، فقرر الذهاب إلى المنزل بعد أن أبلغ مساعديه أنه ذاهب إلى أمر ما وراجع، فلا يجب أبدا أن يعرف عمالك أنك لن ترجع فجأة.

كان المنزل يتكون من طابقين.. الأرضي، كان يجعله حظيرة صغيرة، لاحتواء بعض الحيوانات قبل المواسم والأعياد، حيث يكون المحل مزدحم، والثاني به منزله، عندما فتح الباب الكبير للمنزل في الطابق السفلي، ونظر نظرة سريعة، أحصى فيها ما يوجد من حيوانات في الحظيرة -كعادة قديمة- توجه إلى السلم الرخام الذي يقوده إلى

شقيقته في الطابق العلوي، وعندما اقترب من باب المنزل، وهم بالطرق -كعادته- دون أن يستخدم مفاتيحه، لفت انتباهه، أو بالأحرى أنفه، رائحة غريبة تصدر لأول مرة من منزله -رائحة سجائر- ارتاب في الأمر فأخرج مفاتيحه بهدوء، ودخل وكانت رائحة السجائر أقوى بالداخل، ذهل في البداية، فهو لم يكن يدخن سوى المعسل بحكم أصول المهنة، وبالتأكيد زوجته أيضا لم تكن تدخن، اقترب بهدوء من باب حجرته -مصدر الرائحة- وهنا وقع عليه لوح من الثلج، شل أقدامه، قبل أن يشل أفكاره، كانت زوجته بالداخل تتحدث مع رجل، وقبل أن يجمع شتات أفكاره، سمع منها بعض الألفاظ التي لم يخطر إطلاقا على باله أن تخرج من فم زوجته، تلك الفتاة الريفية البسيطة، كانت ألفاظا لم يسمعها سوى مرة واحدة، عندما حضر فرح أحد أقاربه الأثرياء، وكانت الراقصة شبة العارية تلهو بها مع أصحاب النقوط في الفرح، وعندما وصل لمسمعه بعض المقارنات بين الرجل بالداخل وبينه، أصابه الشلل الحقيقي، حتى إنه لم يقدر أن يخطو خطوة أخرى، ليدخل الحجرة، أصابه ذهول تام مما يسمعه، لم يكن الجنس هو شهوته المفضلة، والحقيقة إنه لم يكن يحب زوجته، ليس إلا لأنه لم يفهم أبدا ما هو الحب، وكيف تتعلق بشخص ما ولا تستطيع الابتعاد عنه، فهو يستطيع الابتعاد عن العالم كله بغمضة عين، ولكن عندما سمع الكلام الصادر من زوجته للرجل شعر بشيء غريب تجاهها، شعر بالرغبة فيها لبضع ثواني، ثم أصابه اشمئزاز كبير من نفسه، لتفكيره بهذا الأمر.

لم يشعر إلا وهو يسحب السكين اللامع المصقول جيدا، ذو اليد الخشبية المزخرفة الخاص به، والذي لا يفارقه إلا أثناء النوم، وفتح الباب بهدوء، كان الاثنان عاريان تماما، يبدو أن كانهما قد انتهيا منذ لحظات، وعندما جحظت عيناها من الدهشة، وقبل أن يتحرك أي منهما من الصدمة، توجه أولا إلى الرجل بحركة سريعة، وطعنه طعنة قوية في فخذه، مكان الشريان، فانطلقت نافورة الدماء المحببة له، و الرجل يصرخ من الألم، وقبل أن تهم الزوجة بالهروب، أمسكها من ذراعها بقوة، ثم ألقاها على السرير، وطعنها في نفس المكان بنفس الهدوء، ثم نظر إليهم نظرة لا تحمل أي معنى، ونظف سكينه جيدا في ملاءة السرير ثم توجه إلى كرسي أمام المرأة وجلس في مواجهتهم دون أن ينطق.

العميد بهاء الديك

دخل ضابط على العميد «بهاء الديك» في مكتبه بعد ما أدى له التحية، فأشار له «بهاء» بالجلوس قائلا له:

— «اتفضل اقعد خير؟»، فجلس الضابط شاكرا، ثم بدأ حديثه قائلا:

— في قضية كده كنت عايز اخد رأي سيادتك فيها.

— «أي قضية؟»، سأل «بهاء» وهو يقرأ بعض الأوراق أمامه.

— قضية المدرس اللي اختفى والست اللي اختفت معاه.

— آه قل لي وصلتوا لإيه؟

— سيادتك بعد ما جينا سجل الرسائل والمكالمات من تليفون الراجل، بعد ما أهله بلغوا باختفائه، فلقينا أن هو كان مصاحب واحدة مرات جزار - قلبه قاعد ابن الذين - كان بيروح لها البيت، وجوزها في المحل، مرة كل أسبوع تقريبا ساعات أكثر وساعات أقل، آخر مرة ظهر فيها، كان بينهم ميعاد عندها في شقتها، ومن ساعتها ما رجعش، الست كمان اختفت في نفس اليوم تقريبا.

- «يعني ايه تقريبا؟ في نفس اليوم ولا مش في نفس اليوم؟ ما فيهاش تقريبا دي يا حضرة الطابط». قال بهاء منفعلا.
- «احنا فعلا مش عارفين يا فندم، لأن جوزها أصلا ما بلغش أنها اختفت، غير لما احنا بعتنا له مخبر يسأل عليها». ترك «بهاء أوراقه، وبدأ عليه الاهتمام وهو يسأل:
- غريبه دي... طب أنت شايف ايه؟
- احنا قدام احتمال من اثنين يا فندم، الأول أنهم هربوا مع بعض زي بتوع الأفلام وكده.
- والثاني؟
- الثاني بقى ونتيجة تحريات قالت أن جوز الست دي، روح بدري في نفس يوم اختفاء المدرس، ودي مكنتش عادته اطلاقا.
- فانت بتفكر أن هو قفشهم فقتلهم مثلا أو خطفهم؟
- تمام سيادتك، بس مفيش آثار للأسف لأي حاجة، أنا جيت لسيادتك عشان عايز إذن النيابة أفتش شقتهم.
- هاجيب لك الإذن بس أنا عايزك بعد تفتيش الشقة تجيب لي الراجل ده.
- أجيبه بشكل رسمي؟
- «أيوة طبعا، ده أول مشتبه فيه، والوحيد». ثم قال له بلهجة أمرة: «لحد ما يظهروا أو حد فيهم يظهر، وجه له قضية خطف وجيبه».

— تمام سيادتك.

وبعد عدة أيام في مديرية الأمن، دخل عسكري يؤدي التحية لبهاء وقال له «إمام الجزار يا فندم».

أشار له بهاء، وهو يقرأ في أحد الملفات أمامه وقال له: «هاته»

دخل العسكري و«إمام الجزار» متكلبش في إيده فقال له بهاء:

— فك الكلابش واخرج بره.

— اقعد يا إمام، تشرب شاي؟

— متشكر سعادتك.

— مراتك فين يا إمام؟

— معرفش والله يا باشا، اختفت، وأنا بلغت، يعني المفروض أنا

اللي اسأل سيادتك.

قال بهاء وهو يوقع بعض الأوراق بلهجة تحمل بعض السخرية:

— المفروض أنت اللي تسأل سيادتي... حلو... هو أنت كنت

تعرف، أن المدام -لا مؤاخذه- كانت مصاحبه واحد؟

— لا ما أعرفش.

كان هادئا تماما وردوده كلها مقتضبة، وهو يجلس مرتديا جلبابا أبيضاً ضيقاً يبدو نظيفاً ماعدا بعض الأتربة على كتف الجلباب والبعض مكان الجلوس على الأرض، يرتدي حذاءً أسوداً لامع

يحمل أيضا بعض الأتربة من الطريق، لكن كان في عينه نظره واثقه من نفسه، وكان قد انتبه لنبرة السخرية من الضابط أثناء الحديث عن زوجته وعشيقها، لكنه لم يهتم، وكأنه لم يسمع شيئا، بل كان يتحدث بمنتهى الهدوء والثقة، فتابع بهاء:

- قلت في التحقيق، أن أنت رocht يوم بدري من محللك.
- مالقيتهاش في البيت صح؟
- أيوة صح.
- ما بلغتش ليه؟
- كان لازم يعدي ٤٨ ساعة سعادتك قبل ما أبلغ.
- أنت عارف القانون كويس.
- يا باشا مافيش فيلم عربي مافيهوش الكلمة دي.
- طيب بعد ما عدى ٤٨ ساعة، برده ما بلغتش غير لما قال لك المخبر.
- قلت يمكن راحت عند قرايبها ولا حاجة.
- هي كانت متعودة على كده ولا ايه؟
- لا ما كانتش متعودة ولا حاجة.
- يعني أنت مش شايف أن رد فعلك غريب شوية، يعني مراتك -لا مؤاخذه- تنام مع راجل ثاني، ومشيت، ولا هربت على كلامك، وسابت البيت، وأنت مكنتش تعرف أنها تعرف رجالة -وأصر على التشديد على كلمة رجالة- فنظر إليه الجزار بنظرة غضب سريعا ما تلاشت.

لكن بهاء لاحظ تلك النظرة فأصر على الاستمرار في التلاعب به،
وأكمل وهو يسأله:

— هو - لا مؤاخذه - العلاقة بينكم كانت كويسة؟

— آه كويسة.

— أنت عارف أنا قصدي ايه طبعاً.

— أيوة عارف وكانت كويسة.

فترك بهاء القلم وألقاه على المكتب وهو يرفع يده كأنه مندهش:

— الله، أما النسوان دول برده، مفيش حاجة ترضيهم أبداً، يعني

أنت تمام معها، تبص بره ليه بقى؟

— «لما تلاقيها يبقى اسألوها سيادتك». قال الجزار بنفس

الهدوء. فنظر إليه «بهاء» نظرة تحدي، ثم عاد فأمسك القلم

مرة أخرى وهو يقول في صرامة:

— «ماشي... لو أنت عايز تمشيها كده معايا... ماشي... بس

أنت تعرف أن أنت المشتبه الوحيد اللي في القضية؟». فسأله

الجزار:

— سعادتك أنني قضية يا باشا؟ ومشتبه ايه؟ ده أنا اللي مبلغ أن

مراقي مختلفة.

— اتنين يختفوا في نفس الوقت، وكانوا على علاقة ببعض،

وأنت جوز الست، تبقى المشتبه الوحيد اللي في القضية

وهتفضل محبوس على ذمة القضية، لحد ما واحد فيهم
يظهر، أو الاثنين يظهر وا.

ثم تابع بصوت منخفض وهو ينظر إلى الأوراق أمامه متظاهرا
بالانشغال:

— أو جشهم حتى.

نظر إليه الجزار نظرة أخرى، تحمل بعض السخرية، بعد أن ذكر بهاء
الجث، لكن بهاء لاحظ تلك النظرة أيضا بطرف عينه، قبل أن يسأل
الجزار بهدوء مرة أخرى:

— سيادتك هتعدوا تدوروا عليها قد ايه يعني؟

— «والله طول ما هما مختلفين، احنا بندور، وطول ما احنا
بندور، أنت هتفضل معانا». ثم نظر إليه مباشرة وهو يقول في
حدة:

— أنا في إيدي إن أنا أحبسك على ذمة القضية دي لمدة سنتين،
أوزي ما قلت لك قبل كده لحد ما حد فيهم يظهر، أو حد من
الجث، الستين دول هيقوا من غير حكم، وممكن برده
أخرجك من المكتب ده على بيتك، وتروح لحد ما ندور
براحتنا.

ثم رفع يديه الاثنين أمامه في وجه الجزار وهو يتابع:

— «ده في إيدي، وده في إيدي، أنا هنا ربنا بتاع القانون، أنا اللي بقول القانون يمشي يمين، ولا القانون يمشي شمال، أنا أقدر أخليك تروح بيتك دلوقت، وترجع شغلك عادي، و أقدر أخليك في مكان، محدش أصلا يعرف أن فيه بني آدمين، ولا حد يعرف يوصل لك». ثم أشعل سيجارة وأخذ ينفث دخانها باستمتاع، تاركا «إمام» ليفكر فيما قاله، ثم استدرك:

— «بص يا ابني، أنت هتخرج من هنا وأنا مصدقك، أيا كان اللي أنت عملته، أو اللي أنت ما عملتوش، أنا هعرف، ولازم أعرفه، وأصدقّه، لو صدقتك... تروح بيتك، ولو فضلت تكذب عليا... معانا سنتين نقعد نتكلم فيهم براحتنا».

ثم أمسك بقلمه مرة أخرى وتابع التوقيع على الأوراق. وبعد لحظات من الصمت، شعر «بهاء» إنه قد وصل لمبتغاه، إلا أن الجزار أجاب بهدوء مرة أخرى:

— والله يا باشا أنا معنديش قضية ولا حاجة، أنا مراتي كانت بتخوني مع واحد، وهربوا مع بعض، أنا هنا اللي مظلوم في القضية، أنا مش متهم، أنا معرفش حاجة عنهم، ولو لقيتهم اسألوهم.
سأله بهاء في سخرية:

— أنت شكلك بتتفرج فعلا على أفلام كثير، أو أنت بقى مذاكر قانون من ورايا وأنا ما أعرفش».

يقول له الجزار بمنتهى الصدق:

— «لا مش مذاكر قانون والله ولا حاجة، أنا بتفرج على أفلام كثير فعلا».

— أكيد برده شفت في الأفلام كان في ساعات الضابط يبقى عايز يعرف الحقيقة عشان يرضي فضوله بس، هو بيقى مرأهن على حاجة في دماغه، وممكن يسبب المجرم يخرج، أو المتهم، أو المشتبه فيه، أي حاجة زي ما تسميها سميها.

— أيوة يا باشا بتحصل برده، بس أنا ما أعرفش سيادتك من أنهي نوع من الضباط.

— بص يا «إمام» أنت هتقول لي هما فين، أو أنت عملت فيهم ايه، وهنروح نجيبهم. لحد دلوقت مفيش حد مقدم بلاغ فيك، أنت مشتبه فيه بس، هنروح نجيبهم ولو هما وجهوا لك تهمة، ساعتها هتبقى قضيه عليك، لكن لو اتنازلوا عشان الفضيحة مثلا -ودي بتحصل كثير على فكرة- هنا والموضوع خالص. يبقى أنت تخرج برده بالسلامة على بيتك، يعني هما اثنين عشاق وهربوا مع بعض، وأنت هتطلق المرة وخلاص، الموضوع انتهى على كده، من غير ما نخش في حوارات، ودي حاجة برده أنا ممكن اخلصها لك معهم وأجبرهم أنهم ما يقدموش بلاغ... أنت دماغك نظيفة

وراسي، وأنا يبعجيني الناس دي، أنت عارف هما فين، وأنا عارف أن أنت عارف هما فين، لكن أنت متأكد أن احنا مش هنجيبهم... صح؟

لم يكن الجزار ينظر إلى العميد بهاء طوال المحادثة، بل كان ينظر أمامه شاردا، ولكنه بعد كلام «بهاء» نظر إلى الأرض للحظات، وشبك يديه ببعضهما، ثم رفع وجهه تجاه «بهاء» ونظر إليه متمليا في وجهه يحاول كشف أغواره، ثم تنهد مجيبا:

— اللي تقوله كله صح يا باشا.
— طيب ايه رأيك لو أنا اديتك كلمة، أن احنا هنجيبهم وأنا بنفسى اتأكد لك أن هم مش هيعملوا بلاغ.

فكر الجزار قليلا، وعاد للنظر إلى الأرض وهو ما زال يفكر ثم سأل:

— طب سيادتك هو احنا دلوقتي في محضر رسمي؟
— لا يا «إمام» احنا بندردش بس مع بعض، المحضر اتعمل خلاص، لما الضباط قعدوا معاك وسألوك الأسئلة اللي أنا سألتها لك برده، وبعدين المحضر لازم يبقى فيه كاتب محضر، وكلامك كله بيتسجل، وبعدين يتمضي على كل كلمة أنت قلتها، أنت شايف معايا ورق ولا بكتب كلامك؟

وأشار بيديه في أنحاء المكتب، تأكيداً على كلامه، ثم واصل:

— يا «إمام» احنا بندردش مع بعض، قضيتك شغلتنى، وحبيب
أعرف آخرها، أنا من الضباط اللي بتشغل دماغها، بحب
أوصل للنتائج قبل حتى ما يكون في دليل عليها.

ثم رفع يده أمامه مشيرا بإصبعه في علامة تحذيرية، وهو يقول في
صدق:

— «وما بحبش الخيانة... أي خيانة ما بحبهاش، أنا عايز اقول
لك، أن أنت ممكن في فيلم فوتته من الأفلام اللي أنت
بتشوفها، أنت لو دخلت بيتك ولقيت مراتك مع عشيقها
وذبحتهم... ها... ذبحتهم بقولك...»

وهو يمرر إصبعه على رقبتة في إشارة الذبح، ثم واصل ...

— انت مش ها يتحكم عليك بحاجة يا جدع، ده أنت لو قتلتهم
أحسن ما تخطفهم، لأن أنت لو قتلتهم هتبقى قضية شرف،
مش هتحتاج غير كام شاهد، وأكد دول هتعرف تجيبهم، أو
يا عم أنا أجيبهم لك لو أنت عايز، وهتطلع منها بمتتهى
السهولة.

أطلق «إمام» تنهيدة طويلة، ثم وضع يده على المكتب ليقول:

— بص يا باشا، والله أنا هتكلم معاك -زي ما سيادتك قلت-
بطريقة ودية، عشان أنا مصدقك -أنا آسف يعني- أنا

مصدقك عشان أنا واثق في دماغى، وواثق أن أنا باعرف
أحكم على الناس، مش عشان حاجة تاني.

تراجع بهاء في كرسيه وهو يبتسم ابتسامة خفيفة وهو يقول:

— طيب نطلب الشاي بقى.

بعدما أحضر العسكري الشاي، وبعد أن انتهيا من شرب الشاي دون
حديث بينهما، حاول «بهاء» أن يبدو منشغلا، وهو يكلف العسكري
بعمل بعض الأشياء، وتظاهر بأن «الجزار» غير موجود بالمرة، حتى
بدأ «إمام» بالفعل في حديثه بعد خروج العسكري.

— بص يا باشا أنتم مش هتلاقوهم.

— زي ما أنا توقعت قتلتهم، طب هي فين الجثث؟

— لا ما أنتم كمان مش هتلاقوها يا باشا.

— إزاي بقى عملت ايه؟ قل لي.

هذه المرة لم ينظر «إمام» بعيدا مثلما اعتاد منذ بداية الجلسة، بل نظر
مباشرة إلى بهاء وهو يضع يده اليسرى على المكتب مفرودة ومشدودة
ثم بدأ في الكلام:

— بص يا باشا... الست دي عمري ما قصرت معها في حاجة،

من يوم جوازنا لحد آخر يوم في عمرها، حتى الواجبات

الزوجية اللي سيادتك كنت بتتريق عليها، أنا كنت بعملها

معها بما يرضي الله، رغم أن ربنا ما كتبناش خلفه، وده كان
 يمكن سبب اللي أنا كنت بعمل الموضوع ده باستمرار، وما
 كنتش بقطعه من يوم الجواز... احنا من غير أولاد آه، بس أنا
 كويس الحمد لله صحتي كويسة... لكن دي حكمة ربنا، وأنا
 راجل مؤمن، وكنت مراعي ربنا فيها رغم أن أنا في حالتي
 دي، كنت المفروض أتجوز غيرها، كل الرجالة بتعمل كده -
 برده في الأفلام يا باشا- مش عيب، لكن أنا الموضوع ده مش
 في دماغي، بعدين دي حاجة في إيد ربنا سبحانه وتعالى، جات
 في إيده... ما جاتش برده في إيده، وأنا راجل مؤمن، أي نعم
 أنا مبصليش على طول، لكن أنا مؤمن وربنا قال أن المؤمنين
 هيخشوا الجنة.

- قتلتهم ازاى طيب؟
- صفيت دمهم يا باشا... صفيت دمهم نقطة نقطة، زي ما
 بصفى دم الذبيحة، وقطعتهم حتت ولفيت بهم مصر كلها،
 وأكلتهم لكلا ب مصر كلها.
- «قطعتهم وأكلتهم للكلا ب لا دي ما جاتش في الأفلام ده قبل
 كده يا إمام». قال بهاء مندهشا.
- زي ما بأقول لك والله، عشان كده أنا بقول لك مش هتلاقي
 حاجة، ولا في أي حاجة عليا، غير إيه؟ أن أنا ما بلغتش؟ مش
 هيعمل لي حاجة يعني، وبعدين أنتم أول ما عرفتم أن الراجل
 اختفى بعثوا لي ثاني يوم، فانغا رحت مبلغ فأنا متأخرتش

يعني، أنا ما عليش حاجة يا باشا، أنا عارف أن أنا معنديش حاجة.

- زي ما قلت لك أنت دماغك نضيفة، وبتفكر قدام، بالنسبة لك عادي بتذبح كل يوم.

- «لا الذبح كل يوم أربعاء يا باشا». قال «إمام» بلهجة صادقة. فضحك «بهاء» بصوت عال، وهو يتأمل في «إمام» بتمعن. ثم أشعل سيجارة، وتراجع في كرسيه للخلف، وهو يفكر، ثم تقدم، بكرسيه مرة أخرى وهو يسأل «إمام» في جدية:

- أنت بقالك قد ايه شغال جزار؟

- أنا شغال من وأنا عندي ١٤ سنة يا باشا، وأنا حبيت المهنة دي، وأديت فيها بضمير، عشان كده ربنا كرمني فيها، كنت صبي... بقيت صاحب محل، ما بروحش البيت غير لما أكون بنام على روعي، اللحمة لها مواعيدها وبتتباع في مواعيد، مش طول اليوم، لكن أنا كانت سعادي في المحل وسط اللحمة، في وسط الغنم، دي الحاجة اللي بتديني الروح والنفس، بس أحلى نفس أخذته في حياتي، يوم ما ذبحتهم، شفتهم بينزفوا قدامي، اليوم ده أنا حسيت أن أنا بقيت إنسان ثاني، وكل حاجة فيا اتغيرت، قلبي مات، مش بخاف من حاجة، ولا بقلق من حاجة، عارف سيادتك... لو قالوا لي أن

أنا جاي أقعد مع سيادتك قبل الحوار ده؟ أنا كنت ممكن
أترعب جامد، رغم أن أنا مكنتش هبقى عامل حاجة غلط
ساعتها، بس كنت هبقى خائف من سيادتك، دلوقت اللي
قاعد قدامك ده -ورغم كل الاحترام والتقدير لسيادتك-
وأنت راجل رجولة وأنا قدرتك، بس أنا آسف يعني أنا مش
خايف منك، اللي خلاي أتكلم معك كده بصراحة، رغم أنك
ممكن دلوقت تحبسنى، بس زي ما أنت ما بتصدق الناس، أنا
برده صدقتك ساعة لما قلت لي أن أنت كمان ما بتحش
الخيانة، وعرفت أن أنت هاتفهمني، لأن الخيانة وحشة، لما
تطعن راجل وراء ظهره وحشة، مش رجولة أبدا، والرجولة
هنا مش عشان هي ست، لا... ست يعني تخلص لجوزها،
لو كنت أنا مقصر معها في الواجبات الزوجية، كنت أنا طلققتها
من نفسي، لو هي حتى اشتكت يوم واحد أنا كنت طلققتها، لو
هي طلبت الطلاق بنفسها أنا كنت طلققتها، أنا راجل حر، وما
قعدش مع واحده مش عايزاني، ولا مؤاخذه في الكلمة، أنا
أعرف أتجوز ثاني يوم، أنا راجل مؤمن، أنا كنت بوقف أي
أحد يتكلم عليها كلمة واحدة عشان خاطر الخلفة، مش
عشان أنا بحبها ولا حاجة، عشان هي دي الأصول، الست
بتاعتي لازم أدافع عنها، وبينى وبينها بقى، أقول لها الصح ايه
والغلط ايه، أنا عمري ما قصرت معاها، وأنا ما كنتش
هاقتلها، حقيقي ما كنتش هاقتلها، والفكرة مجتش في دماغي



غير لما سمعتها وهي بتتكلم عليا... كلام أنا عمري ما تخيلت أن أنا أسمعه منها، لقيت حد ثاني خالص هو اللي بيتكلم، عمري ما تخيلت أبدا أن هي تعرف حتى تقول الكلام ده أساسا، وقتها بس أخذت القرار طلعت السكينة بتاعتي، والجزارة علمتني امتي أذبح الذبيحة وأخلصها عشان ما تتعذبش، زي ما ربنا قال، وأنا رجل مؤمن، وامتي تخلي الذبيحة تتعذب لحد ما تموت، كل حاجة كنت بعملها عشان الحيوان ما يتعذبش قبل ما يموت، عملت عكسها معهم، صفيت دمهم بالراحة وهما مربوطين في السرير، لحد ما بقاش الدم اللي مغرق السرير عارفين ده دم مين وده دم مين، بس يا باشا... أنا قلت لك كده كل اللي عندي، بس الصراحة لو سيادتك كنت بتسجل لي، أو كنت هتثبت عليا أي حاجة، أنا باقول لك ما فيش أي حاجة تثبت عليا أن أنا اتكلمت معاك، عشان أنا صدقتك زي ما قلت لك، مش هتلاقي جثث يبقى مفيش قضية، وأنا معك يا باشا للآخر.

صمت «بهاء تماما حتى انتهى» «إمام» من حديثه، وهو يراقب حركات جسده، وهو يقوم بالتمثيل لا شعوريا بوصف ما حدث أثناء حديثه، كان الغضب يبدو واضحا، جليا على وجهه وانفعالاته، حتى أن «بهاء» شعر بتعاطف حقيقي معه، رغم طريقة القتل المؤلمة والعنيفة، وأيضا ما تم بعد القتل من قطع للجثث.

— تعرف يا «إمام»... أنا طول خدمتي، شفت جرائم قتل بجميع أنواعها، معدتش عليا غير جريمة واحدة بس، شبه اللي أنت عملتها دي، واحد قطع جثة واحد، بس عارف جنباه ازاى؟ من العظم. هو الحاجة الوحيد اللي مش هتعرف تتصرف فيها، حتى لو دفنتهم هيطلع وهيجي. عملت بقى ايه في العظم؟

ضحك «إمام» بسخرية، وهو يقول:

— شكله مكنش بيتفرج على أفلام زبي يا باشا، الموضوع سهل، العظم فرمته، طحنته، خليته عامل زي البودرة، ورميته في الميه، بلاش يا باشا، أنا عارف أنا بعمل ايه كويس، مش هتلاقي حاجة يا باشا زي ما قلت لسيادتك، اتفرجت على أفلام كثيرة، أنا كنت ممكن أخليها قضية زنا، وأحبسها وأحبسه وأبقى ضحية، بس أنا بدافع عن شرفي، دافعت عن شرفي وخذت تاري، ضميري مستريح واللي مريحني أكثر أن أنا مظلمتهاش، وكنت براعي ربنا فيها عشان أنا راجل مؤمن. علت نظرة إعجاب واضحة على وجه «بهاء»، وصمت قليلا كأنه يفكر في شيء ما ثم قال:

— باقول لك ايه يا إمام.

— أوامر سيادتك.

— تعرف كده كده أن أنت مش هتعرف تشتغل جزار ثاني بعد
القضية دي؟

— ليه يا باشا؟ أنا ما أعرفش شغلانة غيرها، هو
حصل ايه يعني؟ وبعدين أنا معنديش حاجة وأنا
على كلمة سيادتك، ولا سيادتك هترجع في
كلامك ولا ايه؟

— لا أنا مش هرجع في كلامي، لكن أنا عايزك في حاجة ثاني.
تأمرني سيادتك.

— أنا عايزك تشتغل معايا.

— اشتغل معك ايه يا باشا؟ مخبر؟

— لا تشتغل جزار برده.

— جزار فين يا باشا؟ في الداخلية يعني؟

— طب بص، أنت هتروح دلوقت، وبعدين هنقعد مع
بعض نتكلم في الشغل، بس مش ها تحكي مع حد في
الموضوع ده ثاني... حتى أنا نفسي ما تفتحش معايا
الموضوع ده ثاني.

ثم أمسك قلمه وهو ينظر إلى شعار وزارة الداخلية بشرود، وهو
يكمل:



— الحركة اللي جاية أنا طالع، ماشي يا إمام، هيدوني رتبه
ويقعدوني، فأنا بفتح مشروع كده وعاييز واحد زيك معايا...
فكر وخذ كارتني وأنا هكلمك.

ثم ضغط على زر الاستدعاء الداخلي وقال:

— تعال يا حسين روح الراجل ده، واستمر في البحث عن الاثنين
الهارين، لو في أي جديد بلغني فورا.
ثم أشار بيده لإمام، بعلامة إنه صدق في كلامه.

الشيخ مبروك

— «لو سمحت يا بني. عايز أقابل الأستاذ مالك في موضوع مهم». قال الشيخ مبروك وهو يقف متوترا أمام مدخل أحد المحلات التابعة لمالك ووالده في منطقة الأزهر المزدحمة، نظر إليه العامل بتوجس، وهو يتأمل ملابس البدوية البسيطة، والوشاح الذي يغطي معظم ملامح وجهه، بالإضافة إلى الذقن البيضاء الكبيرة غير المهذبة، وتحير في أمره، من شك في إنه إما شخص بسيط يطلب مساعدة من الأستاذ مالك، أو هو شخص يعطي -رغم بساطته- أكثر مما يطلب، وعندما قرر العامل صرفه لم يتمكن من التفوه بكلمة، بل وجد نفسه يتراجع ويلطف لسانه، وهو يقول بصوت خجول كأنه يعتذر عما فكر فيه سابقا «أنت قريبه يا حاج؟»

— هو موجود؟ سأل «مبروك» بتوتر.

— لا والله يا حاج مش موجود، هو في فرع العتبة النهاردة.

ودون كلمة أخرى هم مبروك بالذهاب، إلا أن العامل استوقفه بإشارة رجاء وهو يسأل:

— «لو عايزه في حاجة ضرورية ممكن اتصل بيه». وانتظر العامل متلهفا لموافقة مبروك.

رغم أنه كان من غير الطبيعي أن يتصل أحد العمال العاديين بمالك، وخصوصا بوالده، حيث كانت التعليمات ألا يتصل بهم أحد سوى مدير المحل فقط، وفي حالات الطوارئ فقط.

- «ينفع تكلمه؟» قال مبروك باقتضاب.

- «طبعاً يا حاج ثواني هجييلك كرسي لحد ما اتصل بيه». ودون رد من مبروك دخل العامل للمحل مسرعاً وعاد حاملاً لكرسي وهو يضع الهاتف على أذنه منتظراً رد، وعندما أجاب مالك هاتفه مندهشاً من مكالمه أحد العمال العاديين في محله، استدركه العامل سريعاً

- «في حد من البلد عايزك يا أ. مالك»

- «مين؟» تلعث العامل قليلاً، فهو لم يسأل الزائر حتى عن اسمه، فوضع يده على الهاتف وسأل مبروك هامساً «هو حضرتك اسمك ايه؟»

- قول له مبروك.

- وعندما أجاب العامل الحاج مبروك بإبasha، صمت «مالك» قليلاً ثم أجاب العامل:

- طيب خلي بالك منه، وهاتله حاجة يشربها، أو حتى غدا لحد ماجي، ودخله المكتب، ومتخليش العمال تحكي معاه.

وبعد دقائق قليلة، وصل مالك للمحل، فوجد جميع العمال بالمحل، وحتى بعض من الزبائن، يلتفون حول الكرسي الذي يجلس عليه مبروك، والذي رفض الدخول للمكتب كما طلب مالك، وعندما لمح العامل الذي تحدث لمالك في الهاتف سيارته تركن أمام المحل، ذهب إليه مسرعا، وانفض باقي العمال فجأة من حول مبروك عندما لمحو سيارة مالك.

- انا آسف والله يا أستاذ مالك، مرضيش يدخل المكتب، وصمم يفضل قاعد هنا مستنيك، ده حتى مرضيش يشرب أي حاجة.

- واية اللمة اللي حو اليه دي؟

أجاب العامل بحماس شديد:

- الراجل ده فيه حاجة لله والله يا أستاذ مالك، واحد صاحبنا بينكشه، بيقول له «أنتم أهل الخير، والصحة تمام معاكم، اديني وصفة عشان أعرف أؤدي مع المدام كويس، بيهزر معاه عادي، لكن الشيخ مبروك قال له، لو اكتفيت بواحدة مش هتحتاج أي وصفات، وفعلنا زميلنا ده طلع متجوز على مراته ومحدث يعرف».

تركه مالك دون تعليق، وتوجه إلى الشيخ مبروك، وحياه تحية طيبة، وطلب منه الذهاب إلى المكتب للحديث، ولكن الشيخ مبروك أصر

أن يذهباً إلى مكان آخر، حيث بعض الهدوء حيث يشعره الزحام بالتوتر.

وافق مالك دون تدمير، وعندما استقروا في ذلك المكان الذي يطل على النيل ويبدو شبه فارغاً، كان مظهرهم متناقض تماماً، شاب أسمر وسيم قوي البنيان، يرتدي أحدث وافخم الملابس، يجالس شيخاً عجوزاً يملأه الشيب، ويرتدي ملابساً بدوية فضفاضة، يجلسان في إحدى أرقى الأماكن في وسط البلد.

- اتفضل يا شيخ، مشوار طويل من الواحة لحد هنا، أكيد في حاجة مهمة.

شرد مبروك بنظره طويلاً تجاه أحد المباني الشاهقة التي تجاورهم، واحترم مالك شروده فلم يعد سؤاله... وبعد لحظات التفت إليه مبروك وهو يركز بصره في أعين مالك، وهو يقول بلهجة قوية واثقة:

- أنا عارف صاحبك اتقتل إزاي.

- عارف؟ إزاي؟

- «بالأصح أقول لك،... أنا عارف مين اللي قتله». دارت أفكار كثيرة في عقل مالك مع الكثير من الشك والحيرة ومليون سؤال، فخرج منهم واحد.

- مين؟

— أَسْمَهُ «إمام الجزار»، الجزار ده معرفش اسم عيلته ولا شهرته.

— أنت تعرفه؟

— «شفتة مرة واحدة بس، بس دلوقتي أنا متأكد إنه هو اللي قتل صاحبك، ومريم الله يرحمها، والشاب اللي قبلهم... هو اللي ورا كل حاجة». بغضب مكتوم كان يتحدث، ولاحظ مالك تلك الدمعة التي كادت تهرب من عينيه عند ذكر اسم مريم، والتي ما لبثت أن تلاشت في لحظة.

— شفته فين؟ وعرفت منين إنه هو القاتل؟ ومريم دي...

قاطعة مبروك بإشارة من يده أن ينتظر...

— أنا عارف أن فيه أسئلة كتير في دماغك، وأنا مش معايا كل الإجابات، عشان كده جيتلك، أنا هحكي لك اللي أعرفه، وبعدين ربنا يقدرنا نوصل للحقيقة مع بعض.

— حقيقة إيه؟ مش بتقول الجزار ده هو اللي قتلهم؟ يالا نطلع نبلغ فوراً.

— الصبر يا ولدي، سيبيني أقول لك اللي عندي وبعدين نفكر هنعمل إيه.

بنفذ صبر وافق مالك.

- اتفضل

- من ثلاث سنين لما حصلت أول جريمة هناك، كانت حاجة غريبة جدا علينا، مش عشان القتل في حد ذاته، الشيطان ليه بدل الايد ألف، لكن الجريمة دي أثارت بلبلة كبيرة في الواحة، لطريقة القتل نفسها، واللي زود الموضوع أكثر، وده اللي مش قادر أفهمه، أصحاب ومديرين الفنادق اللي حوالين الواحة والمقبرة، اللي أجبروا موظفيهم يربطوا بين الجريمة وبين لعنة الملكة، اللي كانت مكتوبة على المقبرة، وكأنها حقيقة مسلمة أن اللي قتل الشاب هي اللعنة، حتى أنا استغربت من رد فعل الشرطة، هما ساعتها طبعاً ما جابوش سيرة اللعنة ولا الملكة، لكن الموضوع خلص بسرعة من غير ما يوصلوا لحاجة، واتقفلت القضية على كده.

- وهو فيه لعنة فعلاً؟

- يا ابني أهل الواحة ناس بسطاء، والحكاوي مع أدوار الشاي الأخضر، هي اللي بتعدي عليهم ساعتين الليل قبل ما يناموا، وكمان الجن مذكور في القرآن... بعض الناس كانت مصدقة فعلاً، والبعض مكش مصدق، أو مش عايز يصدق، لأن الخوف أن ده يطلع حقيقة، كان ممكن يخلي الناس ماتطلعش من بيوتها أساساً... المهم أن اللعنة محدش عرف يشبتها، ولا ينفيها، لحد ما الناس انشغلت ونسيوا الولد اللي راح والدنيا مشيت.



- طب وأنت مصدق؟
- أنا رجل مؤمن بالله، والموضوع ده مكتتش بفكر فيه أكثر من اللازم.
- بتقول اللعنة كانت مكتوبة على الجدار بتاع المقبرة؟
- القصة دي مش مكتوبة في كتب، ولكنها تداولت باللسان من جيل لجيل، لما الخواجات اكتشفوا المقبرة، قالوا للناس أن ده اللي مكتوب على الحجر اللي في مدخل المقبرة، وبعدين مع الوقت الكتابات كلها أصبحت مبهمه، ومفيش ولا رسمه كامله، حتى وزارة الآثار، بتيجي مرة كل سنة يعملوا شوية ترميم كده ويمشوا، ولا كأنهم جم من أساسه، لكن الكلام اتمسح وفضلت القصة تتداول بين الناس، وبعض المهندسين اللي كانوا بيعجوا من مصر، قالوا أن الكلام ده مش سليم، وأن الخواجات قالوا كده عشان الناس تخاف وتبعد عن المكان.
- طب والقصة نفسها بتقول ايه؟
- القصة بتقول أن كان في ملك فرعوني عجبته الواحة لما شافها في غزوة من الغزوات، وبنى قصر ومعبد فيها واستقر فيها لفترة، وكان متجوز ملكة محدش كان بيعحبها، لأنها كانت متسلطة وظالمة، ولما مات الملك، ورث ابنه وكان صغير،



فكانت الملكة هي اللي بتدير الواحة من نفسها، وكان فيه في المعبد تمثال للإله فرعوني، كانت الملكة بتروح له كل يوم تصلي، رغم أن المعبد كان بعيد والمشي في الصحراء متعب، لكنها كانت بتروح، وبتقول إنه بيكلمها يوميا، وهو صاحب كل قرارات المملكة، وهي مجرد لسانه اللي بيكلم الناس، وفي يوم جالها اثنين متخاصمين في قضية، واحد ظالم والتاني مظلوم، وراحت الملكة للمعبد، وكلمت التمثال، ورجعت حكمت فعلا على الظالم ودخل الحبس، وأنصفت المظلوم، الظالم كان نحات، وهو في سجنه نحت تمثال شبيه تمثال الملكة بأدق تفاصيله، حتى إنه طلب من سجنائه بعض الصبغات عشان يلونه، وبالفعل لما خلصه بعتة للملكة مع رسالة بتقول أن الإله ظهر له في حلم وطلب منه ينحت تمثال مصغر منه ملون كدليل على رضا الإله على الملكة، ولما شافت الملكة التمثال وجماله ودقته وألوانه الزاهية، صدقت قصة النحات، وأفرجت عنه، ووضعت التمثال في غرفتها الخاصة، في صندوق مطعم بأعلى الجواهر، وقربت منها النحات الظالم، اللي كان كل ما يبقى عايز حاجة... يقول لها الإله ظهر لي في الحلم وقال لي كذا... واشتهر النحات بقربة من الملكة، وأصبح أي حد عنده طلب من الملكة، يروح له الأول، وكان النحات بيعمل تماثيل تشبه التمثال الأصلي كهدية للملكة عشان توافق على طلباتهم، لكن أحيانا،

النحات كان يعمل بعض الغلطات الصغيرة في التمثال، ومتأكد أن الملكة هتكشف الغلطات دي، وكان قايل لها أن في حلم من الأحلام، أن الإله لو تمثاله جه فيه غلطات يبقى صاحبه ملعون لازم يقتل بفصل جسمه نصفين، وبالفعل كان النحات لو عايز يتخلص من أي حد، كان يعمل له تمثال فيه غلطات، تقوم الملكة قاتلاه بالطريقة دي. ومن هنا طلعت لعنة التمثال.

- «أحسن حاجة في ملوك زمان دول، أي حد يقول أي حاجة كانوا بيصدقوا»، قال مالك شاردا، ثم استطرد سائلا:

- لكن أنت بتقول أن اللي قتل سعيد واحد اسمه إمام. صح؟

- أيوة، لكن له واحد يساعده -للأسف- من عندنا في الواحة، اسمه الشيخ رجب، والحفرة كانت في أرضه، وهو اللي عملها، وخط التمثال بتعليمات من الجزار، أنا عرفت موضوع الحفرة ده من مريم الله يرحمها، مريم دي البنت اللي اتخطفت من ستين -الله يرحمها.

- أنت كنت تعرفها كويس؟

سرح مبروك بعيدا للحظات وكأنه يتذكر شيئا حزينا.

- أنا عرفتها فترة قصيرة جدا، كلها كام يوم كل سنة، لكن حسيت منها بحنية عمري ما حسيتها مع بناتي أنفسهم،

أول ما جت رحلتها أول مرة، ومن أول يوم، جت عندي بتتفرج ع الزرع زي زمايلها، مبقتش تسييني غير لما أنا اللي أقول لها ارجعي الفندق، عشان عايز أنام، كانت زي الملاك، ليها زرعة عندي في الجنية مسميها باسمها، لأنها هي اللي حطت بذرتها، لما طلبت أنها تتعلم الزراعة، كانت يا عيني من غير أب، وأنا من غير حد، الكام يوم بتوع رحلتها كل سنة، خلتهم جنة بالنسبة لي، من طيبتها وحنيتها وبرائتها ولا طفلة عندها ٣ سنين، كانت بتيجي كل سنة، وكنت ببقى مستني الأسبوع بتاعها من السنة للسنة، لحد ما جت يوم وقالت لي أنها شافت الحفرة وشافت التمثال، بس خافت تعمل حاجة وجت تسألني، وطبعاً أنا طلبت منها ما تدخلش تاني، عشان خفت عليها، لكن رغم كل مميزاتها كانت عندها عيوب، كانت فضولية لأقصى درجة، عايزة تشوف كل حاجة، وتجرب كل حاجة، وكمان كانت عنيدة جداً...

صمت مبروك للحظات والتأثر الشديد يبدو واضحاً عليه، فتنهد ثم تابع حديثه:

— وتاني يوم مجتش، وقلقت عليها، لحد ما زمايلها جم يسألوني عنها، بعد ما قالت لهم أنها داخله تتكلم في التليفون ومن ساعتها مرجعتش.

لاحظ مالك تأثر مبروك الشديد حتى أن يده بدأت في الارتعاش ولمعت عيناه بدمعة يقاتلها كي لا تهرب منه، سكت مبروك للحظات أخرى يتمالك فيها مشاعره ثم أكمل.

— من ساعتها، وأنا كل يوم أدخل الصحراء، أدور عليها، وأصبر نفسي بأنها تايهة، ومعرفتش ترجع ولا تتصل بحد، أو تكون راحت عند الحفرة اللي لقيتها ووقعت فيها... وعدت الأيام ومظهرتش مريم، حتى الست والدتها، كانت تيجي كل فترة تقعد معايا، وندور عليها لكن مفيش جديد يحصل، ومرت فترة والناس نسيت مريم، لكن الغريب أن محدش نسي الحادثة بتاع الولد اللي قبلها، كأن موضوع مريم مش مهم، عشان مش مربوط بالزفت اللعنة، اللي بيردها أصحاب الفنادق وموظفيهم، لكن أنا كنت بتقطع من جوايا كل يوم بسببها، وحاسس إني السبب، لأنني مقدرتش أمنعها من دخول الصحراء تاني، رغم أن والله هي قالت لي أنها مش هتدخل.

— وبعدين جت رحلة ورا رحلة، عدى وقت طويل وأنا عيني تراقب كل اللي يدخل الصحراء، عقبال ما تدخل تكلم ناسك في الحتة بتاع الشبكة وترجع، وحتى لو هتقعد لوحدك شوية، كبيرك تاخذ ساعتين زمن، لكن مرة لاحظت شاب كان بيدخل الصبح، يرجع قبل الليل بحاجة بسيطة، دخل يومين وكرر نفس الحاجة، وفي التالت لقيته داخل بدري بردو، بس



كان معاه جاروف صغير، هنا اتأكدت إنه لقى الحفرة، قمت داخل وراه وفضلت مراقبه، لقيته عامل علامات على الأرض زي دليل كده، يوصله لمكانها، لحد ما وصل الحفرة وابتدى يحاول يطلع التمثال، رحت طالع عليه وزعقت فيه جامد، وفهمته أن دي أرضي، ومالوش إنه يحفر فيها، ولما سألني عن التمثال، قلت له ده مزيف، لأن في ناس جاية تصور حاجة عن الواحة والمقبرة وكده، معرفش فكرت في كده إزاي وقتها، بس كنت عايزه ينسى الموضوع تماما، لأن الطمع كان ممكن يعمي عينيه، ويفكر إنه يسرقه بالعافية، بس الحمد لله، والولد رجع وهو خايب الأمل، ميعرفش أن انكتب له عمر جديد، بعد ما مشي فضلت قاعد جنب الحفرة مستني ومش عارف ايه اللي ها يحصل، بعدها سمعت صوت كلاب جاي ناحيتي، اتداريت شوية لحد ما جم عند الحفرة، وقعدوا يشمشموا وبعد حوالي ١٠ دقائق لقيت واحد طالع من وراهم ومعاه زي بندقية، خفت وكنت ها اهرب لكن لما لقيته لابس اللبس البدوي، طلعت له لقيته الشيخ رجب اللي قلت لك عليه. أول ما شافني، سألني:

— أنت اللي كنت تحفر هنا يا شيخ مبروك؟

ما جاوبتش وسألته وأنا الدم يغلي في عروقي:

— ايه الحفرة دي يا رجب وإيه التمثال ده. أنت اللي بتقتل

الناس؟

احتار رجب وكأنه مش عارف يرد فقال لي تعالي نروح البيت نتكلم
وأنا هفهمك كل حاجة.

— رحت البيت معاه، بصراحة خفت من البندقية اللي كانت
معاه، وأول ما وصلنا بيته، لقيت واحد شكله غريب عن
الواحة، أول مره أشوفه، شكله كان قاعد مستتي، ولمحت
شنطتين كبار محطوطين على الأرض، جوة شنطة فيهم، كان
في حاجة زي جهاز كده لأنه كان موصله بالكهربا، زي ما
يكون بيشحنه أو حاجة، لكن أول ما شافني شكله اتخض،
وقام مفزوع وسأل الشيخ رجب مين ده؟ الشيخ رجب شاور
له بعينه عشان يكلمه على جنب، وسمع منه الجزار اللي
حصل وسأله كام سؤال سريع مسمعتش منهم حاجة، وأنا
كل ده ساكت وكاظم غيظي بقدرة ربنا مش عارف إزاي،
وبعدين طلب مني اقعد عشان نتكلم... واتكلمنا.

ارتشف مبروك رشفة ماء صغيرة ثم تابع:

— أنا أول حاجة، سألته عن مريم، أقسم لي أن هو ميعرفش عنها
أي حاجة، وما سمعتش عنها أي حاجة، غير أن هي اتخطفت
أو اختفت وهو عارف الكلام ده من الشيخ رجب نفسه، وأن
البنات ممكن تهرب وتسبب أهلها عادي، لكنه اعترف لي
بالجريمة الأولى بمنتهى الهدوء، وقال لي أن هو اللي قتل
الشاب ولما سألته عن سبب القتل، وليه بالطريقه دي



بالذات، رفض أن هو يجاوبني تماما قمت عليت صوتي
وهددتهم إني هبلغ البوليس، برده بمنتهى الهدوء اللي في
الدنيا، قال لي أن ما فيش أي إثبات على أي حاجة، وأن
عقبال ما أرجع للبيت، مش هيبقى في حفرة وهاتختفي من
الوجود، مش هيبقى ليها أي آثار، وتغيرت نبرة صوته من
الهدوء للتهديد، تهديد مش لي أنا، أولا هددني أن الشاب
اللي راح الحفرة هيتقتل، لأن هو مراقبه من أول ما اكتشف
الحفرة، وعارف إنه النهارده كان جاي يحفر، وبعدين هددني
ببناتي، ورجع ثاني بنبرة الهدوء، وطلب مني أن أنسى كل اللي
أنا شفته، حماية للناس اللي هو قال لي عليهم، وأن
الموضوع هينتهي، والحفرة هتتقفل، ومفيش حاجة ثانيه
هتحصل، وقام بعدها فاتح الشنطه الصغيره اللي قدامي،
لقت فيها أنواع مختلفه من السكاكين والسواطير ومسدس،
أخذ المسدس وحطه في جيبه كأنه يقول لي أن هو
مايجهز رش... حسيت بالعجز مكنتش عارف أعمل ايه،
سبتهم ومشيت وأنا دماغي بتلف، فضلت طول الليل سهران
بفكر أعمل ايه، لحد ما طلع عليا الصبح، أول حاجة، لقت
الشاب اللي كان رايع يحفر جاي لي هو مبسوط، ويقول لي
أحد من الناس بتوع التصوير، ساب لي دي في الريسبشن،
وفي إيده كانت صورته له هو ماشي في الصحراء، وشايل
الجاروف، وكان بيسألني هم ازاي صوروني وأنه ما شافش

حد من طاقم التصوير، مشيتم والرسالة وصلتني، قمت
دخلت الصحراء ثاني، أشوف الحفرة، حاولت أمشي على
العلامات اللي الشاب كان عاملها، بس معظمها كانت
اتمسحت بس في الآخر برده، عرفت أوصل وفعلا، لقيت
الحفرة مردومة وكأن ما فيش أي حاجة حصلت من أساسه،
ومن ساعتها وأنا كل يوم بدخل الصحراء عند مكان الحفرة،
أتأكد أن مفيش حاجة حصلت ثاني لحد يوم ما حصلت
حادثة سعيد.

سأله مالك وهو يحاول أن يستوعب كمية المعلومات والمفاجآت
التي يسمعها باندهاش شديد:

— أنت بتقول إنك كنت كل يوم بتخش تتأكد من حفرة مردومة،
أمال عملوا كده امتي؟

رد عليه مبروك وهو حزين:

— الحفرة... عملوا حفرة غيرها، في مكان ثاني، وكانوا بيحطوا
أكل الكلاب هناك عشان تلفت نظر الضحية الجديدة، لما
صاحبك مات... بطلت أدخل، بعد ما عرفت إني اتضحك
عليها، وتأكدت كمان أنهم وراء كل الجرائم القديمة.
— طب هم يقتلوا ناس عشوائية ليه كده؟ وليه بالطريقة دي؟
يمكن يكونوا ليهم علاقة فعلا باللعنة؟

هز مبروك كتفه وكأنه لا يعرف أو يفهم وهو يجيب:

— والله أنا لحد كده، قلت لك اللي أنا أعرفه، وأنا جيت لك
عشان أنا مش هسكت، لحد ما أوصل للجزار ده، ولو
الحكومة معرفتش تاخد حق مريم والشباب اللي ضاع من
غير ذنب، أنا هاخذ حقهم بيدي.

— طب والشيخ رجب فين ما هو ده المفتاح اللي هيوصلنا
للجزار

— قبل ما يجيء سألت عليه لقيته سافر من ساعه حادثة سعيد،
أهله قالوا جاله شغلانة في مصر كم يوم بس لحد دلوقت ما
رجعش طبعاً.

— أنا أول حاجة لازم نبلغ الضابط بس الأول لازم تفضل معي
وامالك وهو يطلب الحساب وسأله مبروك هنروح فين؟ رد
عليه مالك قال له: هنروح للحاج والدي لازم نأخذ رأيه
هكلمه عقبال ما ناكل لقمة في مطعم جنب المحل يكون هو
وصل. ثم استدرك مالك كأنه نسي شيئاً فسأل:

— آه صح، لما أنت كنت عارف قصة التمثال، ليه ادبته لأنس
ومقولتش أي حاجة؟

— أولاً يا بني أنا ماكتتش أعرف -رغم أن كان عندي نسبة شك
كبيرة- إنه التمثال لأنني مش هفتح حاجة ملفوفة واحد
سيهالي أمانة، حتي لو غريب عني، ثانياً أنا قلت لو كانت
اللفة فيها التمثال، فيبقى في إيدك أنت أمان، عشان ميعملوش

القصة دي تاني في مكان جديد، أنا معرفش التمثال ده حقيقي ولا مزيف، بس أكيد لما يبقى في إيدك هابقى أفضل من أيديهم.

- تمام يا شيخ، يالا بينا نتعدى
- هو التمثال وصلك؟ سأل مبروك وهو ينظر تلك النظرة التي تعني «أنا أعلم الإجابة».
- لا يا حاج، ولا أعرف عنه حاجة ولا عن الراجل اللي بعتهولك.

لم يتحدث الاثنان كثيرا أثناء الغداء بل سادت المائدة الشروود من الطرفين وكاد الغداء ينتهي بمشاجرة بينهما عندما أصر الشيخ مبروك على دفع الحساب ولكن مالك رفض تماما ولولا أن صاحب المحل يعرف مالك جيدا ولم يقبل نقود الشيخ مبروك.

وعندما وصلوا إلى المحل وجد والد مالك في انتظارهم في المكتب وبدأ مالك بالتعارف:

- «ده والدي الحاج محمد العزازي وده يا حاج الشيخ مبروك اللي حكيت لك عنه» قال وهو يشير ناحية مبروك.

قام والد مالك باحترام وشد على يد الشيخ مبروك بقوة مرحبا به، ثم جلس معهما حول مائدة الاجتماعات الصغيرة في المكتب، ثم حكى له مالك بالتفصيل كل ما قاله الشيخ مبروك منذ قليل والحاج محمد

لم يقاطعه ولا مره، داليا استمع بإصغاء شديد وتركيز في كل كلمة، وبعد ما انتهى مالك من حديثه قال الحاج محمد:

— طيب يعني احنا عرفنا دلوقت مين اللي بيقتل بس مش عارفين بيقتل ليه ومين وراه.

— رد الشيخ مبروك هو لازم يكون في أحد وراه؟

— في بنت، هي اللي كانت بتحجز الرحلات دي وقالت معلومة غريبة جدا أن في ليستة أو لائحة بأسماء وأرقام الناس عشان يتصلوا بهم يعرضوا عليهم الرحلة، والغريب في الموضوع أن كل اللائحة دي بتبقى مشتركة فيها فصيلة الدم ولو عرفنا مين اللي بيعت الأسماء دي للشركة أكيد هو ده اللي هيبقى وراء الجزار، شكلهم بيختاروا ناس معينة هي اللي تروح ولو ربطنا به جريمة قتل بطريقة بشعة وبين ناس رايحة بفصيلة دم معينة ده أكيد في حاجة أكبر من الجزار ده موجودة، ثم توجه بحديثه لمالك وطلب منه:

— مالك اتصل بالضابط سامح لازم نقابله، شوف الشيخ مبروك راجع بالسلامة امتى هنوصله ونقابل الضابط نتكلم معه ثم اتجه بجسده تجاه الشيخ مبروك وسأله أنت ناوي ترجع امتى يا حاج؟

قام مبروك من مجلسه وعدل هندامه وقال له: «دلوقتي باذن الله». فأشار إليه الحاج محمد بعلامة أن ينتظر وقال له «دلوقت ايه يا راجل؟

— — — — —
أنت لسه جاي من يوم سفر، وبعدين تيجي لحد مصر، ومش عايز تقرأ
الفاتحة، ولا تصلي العشاء في الحسين؟ هنروح نصلي، ونطلع على
البيت نريح ساعتين، ونتوكل على الله الفجر إن شاء الله.

وقبل أن يهما بالذهاب، رجع مالك وهو يمسك تليفونه، وهو يقول
لوالده:

- استنى يا حاج احنا مش هنسافر للضابط.
- ليه يا ابني؟ ما ردش عليك؟
- لا رد. بس هو هنا في مصر وطالب يقابلنا، ولما قلت له أننا
كمان عايزينه والشيخ مبروك معنا، قال لي كويس لأنه عايزه
هو كمان.

الحقيقة

اجتمع كل من الضابط ومبروك ومالك ووالده وهدير ووالدة مريم، في أحد الأماكن الهادئة التي تطل على النيل، ثم بدأ الضابط سامح كلامه، وهو يسأل بنبرة غامضة:

— اتفضلوا ادينا كلنا اتجمعنا، بناء على طلبكم، كنتوا عايزين تقولوا لي ايه؟

التفت مالك إلى مبروك متسائلا «تحكي أنت ولا أحكي أنا؟»، فأشار إليه مبروك أن يبدأ هو، فقص مالك كل ما سمعه من مبروك للضابط والباقي، ولكن حين أتى ذكر مريم... استشاطت والدتها غضبا، ثم وجهت حديثها للشيخ مبروك بعنف:

— يعني أنت كنت عارف مين اللي خطف مريم؟

فأجاب مبروك في توتر:

— يا هانم، أنا أقسم بالله ما عرفت غير من ساعة الحادثة الأخيرة، ومش متأكد كمان أن ليهم علاقة بمريم، هما بيقتلوا بالطريقة البشعة بتاعتهم دي، زي ما عملوا في الشباب اللي راح، لكن مريم، هو قال لي إنه مالوش علاقة بيها خالص.

— وأنت صدقته؟ تصدق واحد يقتل ناس مالهاس ذنب
بالبشاعة دي؟

نظر مبروك إلى الأرض وهو يتنهد، ثم قال:

— أنا عارف إني غلطت إني صدقته، وذنب الشاب اللي راح ده في
رقبتي، لأنني ما بلغتش، بس أنا افتكرت إني بحمي ناس تانية
ملهاس ذنب.

— ناس تانية اللي هما بناتك. صح؟

— مش بناتي وبس والله، أنا من يوم مريم وأنا ما بنامش والله،
وكل يوم أدخل الصحراء، وأفضل ألف فيها، لحد ما رجلي
متقدرش ترجعني بيتي، وياما رجعت شباب وبنات كانوا
بيقربوا من منطقة التمثال.

هنا تدخل الضابط، الذي كان يجلس صامتا يستمع بكل التركيز في
العالم لكل ما تم قصه منذ قليل، ثم أشار إلى الجميع طالبا الهدوء،
وهو يقول موجهها حديثه إلى والدته مريم:

— يا هانم، الشيخ مبروك مر بظروف صعبة -أكيد مش زي اللي
أنتي مريتي بيها - وأنا متأكد أن زعله على اختفاء مريم، يكاد
يوصل لزعلك أنتي نفسك عليها، وبعدين احنا عندنا أمل أن
إن شاء الله مريم متكونش ليها علاقة بده كله، ونقدر نرجعها
سليمة إن شاء الله.

صدرت تنهيدة حزينة من والددة مريم وهي تدعو «يا رب» بصوت هامس متكرر، ثم تابع الضابط موجهها حديثه تجاه مالك ووالده:

- بالنسبة لأنس يا حاج محمد... آخر مرة كلمته امتي؟
- من ساعة ما راح يقابل الشيخ مبروك وأنا معرفش عنه حاجة.
- طيب.. أنس كمان اتقتل في أسوان.
- اتقتل؟ وفي أسوان؟ إزاي؟
- أنس افكر أن التمثال حقيقي، وحاول يبيعه لتجار آثار هناك، لكن الجزار راح وراه وقتله بنفس الطريقة بس ساب نصين الجثة.
- وعرف طريقة إزاي؟ وليه قتله بنفس الطريقة؟
- أنس أول ما راح أسوان، حاول يتواصل مع أصحاب المعارض، عشان يبيع لهم التمثال، طبعاً الناس بلغت الشرطة هناك، وفضلوا متتبعينه، كان مأجر أوضة لوحده في فندق صغير، وهناك تمت الجريمة.
- بس هما عرفوا مكانه إزاي؟
- التمثال - بعد ما المعمل - فحصه لقى فيه جهاز تتبع GPS وكمان حساس حركة.

سألت هدير:

- ايه حساس الحركة ده؟ وحاطين GPS في تمثال؟

— حساس الحركة ده وظيفته، إنه يدي إنذار لو حد حرك
التمثال، واضح أن دي كانت إشارة بتروح للشيخ رجب، لما
حد يحاول يحفر عند التمثال، والـ GPS ده جهاز صغير، له
استخدامات كتير ومنتشر. أكيد كانوا عايزين تبقى عيونهم ع
التمثال طول الوقت.

سأل والد مالك موجهها حديثه إلى الضابط:

— ومعرفتوش بيقتلوا الناس بالطريقة البشعة دي إزاي؟ ده أنا
كنت قربت أصدق أن فعلا في لعنة!

— الجهاز اللي شافه الشيخ مبروك عند رجب ... ده جهاز قطع
بالليزر، يستخدم في قطع أي حاجة بدون أي شوائب، منتشر
جدا في المصانع خصوصا مصانع الحديد، لكن الجهاز اللي
معاهم - من وصف الشيخ مبروك - شكله حديث جدا لأن
الأجهزة دي في الغالب بتبقى حجمها كبير، المعمل الجنائي
طلع تقريره أن القطع تم بالليزر، لكن لأن الاجهزة دي زي
ماقلت لكم حجمها بيبقى كبير، كان لغز بالنسبة لنا، بس
الشيخ مبروك دلوقتي نور لنا حاجات كتير، هاتسهل من
مهمتنا إن شاء الله.

«طب والعمل إيه دلوقتي؟»، سأل والد مالك.

أجاب سامح:



— دلوقتي حضراتكم هتروحوا على بيوتكم، وأنا هبتدي شغلي
بناء على المعلومات الجديدة والقديمة، وأتواصل معاكم
قريب إن شاء الله. وهم بالقيام، إلا أن والددة مريم استوقفته
بسؤال:

— يعني في أمل حضرتك تلاقي مريم؟
— والله يا هانم، أنا أتمنى أن مريم ميكنش ليها علاقة بالموضوع
ده، وأكد فيه زمايلي يبذلوا أقصى ما عندهم عشان يلاقوها،
وأنا هتابع زمايلي أول بأول وأبلغك.
— شكرا يا ابني.

سامح

- «أبوة يا فندم ده كل اللي حصل». بعد أن انتهى سامح من من تقريره أمام مديره في الهاتف، أجاب مديره:
- وأنت خطتك ايه؟
- كل الخيوط بتشير إلى الجزار وبهاء الديك المحامي بتاع الدكتور عمران، والدكتور عمران نفسه، والدكتور عادل، الأربعة بيشتغلوا في مستشفى الدكتور عمران، ورغم أن العيادة اللي بيعمل فيها الدكتور عمران عملياته، بإسم الدكتور عادل - اللي هو المساعد بتاعه -، لكن الدكتور عادل مش بيروح نهائي هناك، وده غريب، لأن دايمًا الدكتور عمران هو اللي بيعمل عملياته هناك.
- وغريب برده، أن الدكتور عمران يبقى عنده مستشفى بتاعته، ويروح يعمل عمليات في عيادة دكتور تاني شغال عنده.
- بالظبط يا فندم، عشان كده أنا مكثف مراقبة العيادة، أكثر من المستشفى نفسها.
- وياه نوع العمليات اللي بيعملها الدكتور عمران؟

-
- عمليات معقدة جدا سيادتكم، قلب مفتوح، تغيير كلية، عمليات محتاجة تجهيزات خاصة جدا، وكلها متوفرة في العيادة، ده حتى فيها غرفة عناية مركزة، وغرف مييت للزوار.
- في حد منهم عليه أي قضايا سابقة؟
- مفيش غير الجزار.. بس مش قضية، كانت حالة اشتباه في خطف مراته وعشيقها، وخد كام يوم على ذمة القضية وبعدين طلع منها، وبالمناسبة يا أفندم... القضية دي تفتكر مين سيادتكم الضابط المسئول عن التحقيق مع الجزار؟
- «بهاء قبل ما يطلع معاش». أجاب المدير في شرود
- تمام سيادتكم، وبعد ما خرج الجزار ب ست شهور قفل محله، لأن طلعت عليه إشاعة، إنه قتل مراته وعشيقها، وبعد ما قفل راح اشتغل مع بهاء في المستشفى اللي اتعين فيها بهاء مستشار قانوني ومحامي للدكتور عمران.
- والجزار بيشتغل ايه هناك؟
- مدير الأغذية، واضح أنها شغلانة صورية، لأنه مش بيروح المستشفى معظم الوقت..
- تمام، أنا أخذت لك إذن من مدير الأمن عندك، أنك تكمل في القضية من القاهرة، وهيديك كل الصلاحيات اللي محتاجها، وبلغني بتقرير يومي إيه اللي بيحصل.
- تمام يا أفندم. اتفضل.

بعد مرور عدة أيام طلب سامح مديره هاتفيا ودار بينهم ما يلي:

- اية الأخبار يا سامح؟
- انا شاكك في حاجة سيادتك، وعازي إذن نيابة أفتش العيادة في أسرع وقت.
- شاكك في إيه؟
- بص سيادتك، العيادة دي غير كل العيادات الطبيعية. ليه؟
أولا: العيادة دي فيها ثلاث أشخاص بيسلموا بعض ورادي، يعني متواجدين في العيادة ٢٤ ساعة في اليوم، دول طبعاً غير طقم التمريض وعمال النظافة، اللي ليهم مواعيد ثابتة وبيروحوا ومحدث بييجي بدالهم، الـ ثلاث أشخاص دول من مراقبتهم، وعن طريق حساب كمية الأكل، اللي بياكلوها كل يوم سواء أكل من السوبر ماركت أو حتى ديليفري من مطاعم، الكمية اللي بيطلبوها دايماً بييجيوا منها اتنين.
- قصدك أن في حد بيبقى موجود غيرهم؟
- بالظبط كده، في حد موجود باستمرار في العيادة ومش بيخرج منها نهائياً.
- ودة ممكن يكون مين؟
- انا شاكك بنسبة كبيرة إنه الشيخ رجب، لأنه اختفى طبعاً من ساعة الحادثة الأخيرة.
- بس الشك ده مش هايكون سبب كافٍ للنيابة.

— يا فندم لو جمعنا كل الخيوط وقدمناها للنيابة، وخصوصاً أن مواعيد سفر الجزار للواحة، مرتبطة بتوقيت الجرائم، اللي حصلت وكمات جريمة أسوان... عندنا إثبات إنه كان متواجد في أسوان وقت الجريمة.

— بس الجزار مالوش صفة رسمية مرتبطة بالعيادة، يعني حتى لو أقنعنا النيابة أن الجرائم مرتبطة كلها بالجزار، العيادة مالهاش علاقة... طيب عموماً سيبيني أعمل محاولة، وحتى لو هاتحمل المسؤولية بشكل شخصي، هاجيبك الإذن.

— متشكر جداً يا فندم. اتفضل.

بعد مرور عدة أيام وصل إذن النيابة إلى سامح، وتم بالفعل تفتيش العيادة وعندما انتهوا، خرج سامح مبتهجا ليهاتف مديره، الذي كان في انتظار تلك المحادثة على أحر من الجمر، وعندما رد المدير على سامح بادره سامح سريعاً:

- مبروك يا فندم.
- كلمة مبروك حلوة، لقيت رجب؟
- لا يا فندم.
- الله... أومال مبروك على إيه؟
- لقيت أهم دليل في القضية كلها... لقيت مريم.
- مريم؟ معقولة كانت لسة عايشة كل ده؟

-
- أيوة يا فندم، طبعاً البنت مدمرة نفسياً بس مش قادر أوصف لك سعادتها كانت إزاي أول ما دخلنا عليها الأوضة اللي كانوا حاسبينها فيها.
 - الله ينور عليك يا سامح، شغل ممتاز، ده دليل قوي جداً، نجيب بيه العصاة كلها.
 - الشكر كله ليك يا فندم، أنك وثقت فيا، وفي حدسي.
 - لو الضابط مسمعش الصوت اللي جواه ويحركه من غير حتى دليل... يبقى موظف، مش ظابط.
 - بتعلم منك يا فندم.
 - طلع أمر بالقبض على العصاة دي كلها، وباشر أنت بنفسك التحقيق معاهم، ومريم متغيبش عن عينك لحظة، دي الشاهدة الأساسية في القضية، وأكيد هحاولوا يسكتوها بأي شكل.
 - تمام سيادتك، أنا هاعين على البيت بتاعها حراسة ٢٤ ساعة لحد ما تتعافي وتقدر تشهد.
 - شغل كويس يا سامح، بس خلي بالك احنا لسة ما حطناش حد في زنزانه، دي اللي هتبقى مبروك بجد.
 - تمام سيادتك، مش هاسيهم غير لما أحطهم كلهم في السجن.

الدكتور عمران

لم يكف الدكتور عمران عن قضم أظافره، حتى كاد يصل إلى عظام يده من شدة التوتر، وهو يجلس في صالون منزله المذهب، في انتظار بهاء الديك، وعندما سمع صوت بوابة الفيلا الخارجية تفتح من الأمن، لم يستطع الانتظار أكثر من ذلك، فقام مسرعا لفتح الباب الداخلي للفيلا، حتى قبل أن يطرق بهاء الباب، وعندما رأى بهاء، قام بشد شعره أمامه وهو يكاد يبكي من الرعب وهو يقول:

— مطلوبين في النيابة يا بهاء، خلاص... كل حاجة خلصت، وهنخش السجن، يا نهار أسود، أنا بعد العمر ده كله أدخل السجن، عرفوا إزاي؟ ها؟ انت قايل لي أن كل حاجة تمام، فين التمام ده، كل حاجة راحت، ومسكوا البت... ها؟ يا ريتني سمعت كلامك وخلصنا منها في وقتها، بس أنا اللي طمعت، قلت نخليها يمكن يجيلنا زبون، فصيلة دمها نادرة، مش هانلاقيها، يا ريتني سمعت كلامك، هاخش السجن يا بهاء، الحقني... أرجوك، اتصرف، أنا ممكن ادفع كل فلوسي وتخرجني من الورطة دي .

كان بهاء قد جلس على كرسي مريح، وأشعل سيجارة وهو ينظر إلى عمران باستخفاف، منتظرا أن ينتهي من ولولته ونواحه المستمر،

وعندما انتهى عمران، رمى بنفسه على مقعد في مواجهة بهاء، وكان طاقته قد استنفذت بعد فاصل البكاء من لحظات.

- «كل فلوسك؟». سأل بهاء بهدوء، فنظر إليه عمران مندهشاً غير مستوعب وسأل:

- كل فلوسي إيه؟ مش فاهم.

- بتقول تدفع كل فلوسك، وتخرج من الورطة دي .

- «هو ده اللي أنت سمعته من كل اللي قلته؟» قال عمران

صارخاً، ثم سكت للحظة وعلت وجهه نظرة أمل مفاجئة، فقام مرة أخرى وجلس على ركبتيه أمام بهاء وهو يسأل:

- ايه ده؟ يعني أنت ممكن تخرجني منها بجد؟ قول والنبي يا بهاء، ممكن تخرجني. ها؟

- ممكن، بس محتاج فلوس كثير، كثير أوي.

تراجع مرة أخرى عمران إلى مقعده، وهو يحك مؤخرة شعره بعنف ويسأل في ريبة:

- فلوس كثير كام يعني؟

- شوف أنت حريتك وسمعتك تمنهم كام.

- قول يا بهاء وخلصني، أنا مش ناقص ألغاز وحياة أبوك.

- ١٠ مليون.



- يا نهار أسود، ١٠ مليون ليه، هتشتري الداخلية كلها ولا ايه؟
- لا مش هتشتري حاجة من الداخلية، دول فلوس الناس اللي هتشيل القضية مكانك.
- «مكانى؟ مكانى لوحدي ولا ايه؟». قال عمران بخبث.
- طبعا مكانك يا دكتور، أنت عارف إني ماليش أي علاقة بأي حاجة، أنا مجرد المحامي بتاعك.
- «مجرد محامي؟... ده أنت اللي عامل كل حاجة بنفسك»، قال عمران وكأنه يخاطب نفسه، ثم استدرك يسأل:
- طب ١٠ مليون ليه؟ هاتديهم لمين؟
- ٤ للجزار و٤ للدكتور عادل وأنا اتعابي ٢، يبقى كده ال ١٠ مقفولين.
- ٤ و٤ و٢، طب ٤ للجزار مفهومة، كده كده البنت شافته وها تشهد عليه، الدكتور عادل ليه ٤، وأنت اتعابك ٢ ليه؟ مانت كنت بتاخذ فلوس قد كده من كل عملية.
- أفهمك... ٤ للجزار، مش بس عشان البنت شافته، لكن كمان عشان سكوته، وقضيته بتاع مراته أنا مسجل له اعترافه كامل ومحتفظ بيه، وهو نفسه ميعرفش كده، بس قلت ورقة أشيلها معايا، ولو ظهرت الورقة دي مش هيبقى قدام

المحكمة غير الإعدام، و٤ للدكتور عادل، عشان يسكت
بردو، هو كل حاجة باسمه آه، وكده كده هيتحبس، بس
الداخلية هتعمل معاها اتفاق أنه يشهد عليك، ويخففوا عنه
الحكم، فال ٤ دول مقابل سكوته، غير طبعاً ضمان مننا
لسلامة عيلته، اللي ممكن حادثة عربية تخلص عليهم كلهم،
وال ٢ بتوعي عشان زي مانت قلت بالظبط... أنا اللي بفكر
هنا يا دكتور، وأنا صاحب الفكرة من أولها، من أول زبون
جالك، وعازي عملية نقل الأعضاء، وأنت كنت محتاس
ومش عارف تعمل ايه، أنا اللي فكرت في الطريقة، وربطتها
بلعنة في الواحة... سمعتها لما سافرت فيها من كام سنة، وأنا
اللي كنت بيعت أسماء المرشحين لشركات السياحة،
بالمواصفات اللي أنت تحددها، فصيلة دمهم وسنهم وكل
ده، وأنا بردو اللي كنت بشترى من شركات التليفونات
والبنوك بيانات العملاء بتوعهم، أنا اللي كنت بعمل كل
حاجة يا دكتور، وأجيبك الراجل - أو نص الراجل - جاهز
لعمليتك، وحتى البنت اللي جنبها كاملة - بناء على طلبك -
عشان كان لازم ما يعدش أكثر من ٤ ساعات من موتها، قلت
لك نموتها، طالما ملحقناش الزبون ومات قبل ما البنت
توصل للعيادة، أنا اللي كنت بعمل كل حاجة يا دكتور، ف
مش كثير ٢ مليون مقابل كل ده بالإضافة لحريتك طبعاً.

صمت «عمران» وهو يفكر عميقا فيما قاله «بهاء» منذ لحظات، وكأنه يحسب خسائره من كل ما حدث، وفي المقابل، لم يتحدث «بهاء» مرة أخرى، منتظرا رد «عمران» رغم أنه يعلم في داخله أن عمران لا يفكر في الموافقة أو الرفض، فهو لا يملك الاختيار... بل يفكر في كيف سيعوض الـ ١٠ مليون، وبأي طريقة.

- ماشي يا بهاء، الـ ١٠ مليون هيكونوا عندك بكرة الصبح، بس قولني هنقول ايه في النيابة بكرة؟

- هنقول الحقيقة طبعاً، أنت دكتور كبير متخصص في العمليات المعقدة، وكان الدكتور عادل يطلبك في عيادته تعمل العمليات دي، من غير ما تعرف أي حاجة، ولما سألت عن الأعضاء دي بتيجي منين، قال لك.. متبرعين أو جثث أهلهم وافقوا على التبرع بأعضائهم، وكل ده موثق بأوراق، متقلقش يا دكتور. أنا أعرف أحملك كويس.

تغيرت لهجة «عمران» المتوترة، وحلت مكانها نبرة حماس، بعد أن اطمئن على القضية وهو يسمع فكرة «بهاء».

- رغم أنك أكبر طماع في الدنيا، لكن أنت بردو أكبر شيطان في الدنيا، وأنا مبسوط أوي بموضوع الحماية ده، مكنتش أعرف أنك بتحبني كده، وعندك إخلاص ليا.



- حب ايه بس يا دكتور وإخلاص ايه، للأسف أنت بردو
حمائتي، أنا لوحدي من غير سقف فوقي معرفش أشتغل،
وأنت لوحدة من غير أرض ثابتة تقف عليها، متعرفش
تشتغل، من الآخر كل واحد فينا بيكمل الثاني.

النهاية

اجتمع كل من مالك ومبروك وسامح ومريم ووالدتها وهدير في نفس المكان، وعلت وجوه الجميع نظرة حزن، وبدا مالك غاضبا للغاية وهو يسأل سامح بعصبية:

- يعني بعد كل اللي عملوه ده يخرجوا منها؟
- للأسف يا مالك، اتنين اتحكم عليهم، واتنين طلّعوا منها، وللأسف... الاتنين الكبار هما اللي طلّعوا وشيلوها للصغيرين.
- المحامي بتاعهم ده شيطان، أقطع دراعي أن هو أصلا اللي بيدبر كل حاجة.
- في الغالب أنت صح، بس القانون، زي ما بيوجب حقوق الناس، نفس القانون يقدر يضيعها.
- يعني كده خلاص؟ مفيش أي أمل؟
- الأمل في ربنا سبحانه وتعالى، هما دلوقتي بقوا مكشوفين، الدراع اللي بتعمل شغلهم القدر اتقطعت، والستارة اللي مستخبين وراها اتشالت، واللي متأكد منه أن المجرم عمرة ما يشبع، وطمعهم هايخليهم يعملوا حاجة تاني، بس المرة دي ها نكون جاهزين لها كويس، احنا بنراقبهم، واللي زي دول

ممکن یکنونوا یعملوا عملیات قیذرة زی دی فی مکان تانی،
وأكید هایغلطوا.

ثم قام من مقعده وهو يقول:

- انا مضطر امشي ع الواحة، حمدا لله على سلامة مريم، ومتقلقيش عليها، أنا أخذت لك تعهد بعدم التعرض منهم، يعني هما ها يخافوا يمشوا جنبها حتى. مع السلامة.
- متشكرة يا بني على أنك رجعت لي بنتي، واسفة يا شيخ مبروك على عصبيتي المرة اللي فاتت.
- دي بنتي يا هانم - ده بعد اذنك طبعاً - وفرحتي برجوعها، مش قادر أوصفها لك. أي نعم المجرمين الحقيقيين، قدروا يطلعوا منها. لكن رجوع مريم عندي بالدنيا، وأعتقد أننا كده وقفناهم عن شرورهم، حتى لو متقبضش عليهم، بس في أرواح كتير هاتنجي بعد اللي حصل.

(انتهت)